

ქვენი  
ქათამა

3

ს ა ბ გ დ ე ვ ზ  
1 9 3 6

# რვაენი თაობა

12 753

საქართველოს საბჭოთა მშენებლის  
კავშირის ორთვიური ჟურნალი

3



1 9 3 6

ტვიზონი

## შ ი ნ ა ა რ ს ი

ლავრენტი ბერია — გავაცამტვეროთ სოციალიზმის მტრები . . . . .	3
მეტე რევოლუციონური სიფხიზლე . . . . .	17

### მხატვრული ლიტერატურა

გიორგი კალანდაძე — შადრევანი პუშკინის ბალში . . . . .	21
მიხეილ ფოფხაძე — ბალის სიციცხლე . . . . .	23
შალვა ამისულაშვილი — ფიქრები ლაქვარდში . . . . .	25
ამირან გაბესკირია — მთესველები . . . . .	27
ტ. ჯვარშიშვილი — სტახანოველის სიმღერა . . . . .	28
შ. სამადაშვილი — არწივი . . . . .	29
ალ. იასალიშვილი — „მინდვრის მგელი“ . . . . .	30
ი. ჩხაიძე — პირველი ცხენოსანი . . . . .	36

### კლასიკური მემკვიდრეობა

ალი არსენიშვილი — „დაუდგრომელი ბესარიონი“ . . . . .	48
---	----

### კ რ ი ტ ი კ ა

შალვა აფხაიძე — ლიტერატურის ახალი კადრები . . . . .	54
ინფორმაცია . . . . .	64



მ. ბეგოძე

# გაჰასამტჰეკოთ სოციალიზმის მჭეახი

სტატიჰა ღაგეჰღილიჰა „პრავდის“ 19 აგვისტოსს ნოჰმერში

„... ნანას კი არ უნდა ვეუბნებოდეთ პარტიას, არამედ უნდა ვანვითარებდეთ მასში სიფხიზლეს, კი არ უნდა მივაძინოთ იგი, — არამედ ვიყოლიოთ საბრძოლო მზადყოფნის მღგომარეობაში, კი არ უნდა განვაიარალოთ, არამედ უნდა შევაიარალოთ, მისი ღემობილიზაცია კი არ უნდა მოვახდინოთ, — არამედ ვიყოლიოთ იგი მობილიზაციის მღგომარეობაში...“

ი. სტალინი. მოხსენებიდან საპ. კ. პ. (ბ) XVII ყრილობაზე:

## I

ჩვენი მძღავრი საბჭოთა ქვეყანა ბეჯითად მიღის წინ ბედნიერი და სასიხტ რულო ცხოვრების მწვერვალებისაკენ.

სსრ კავშირის სტალინური კონსტიტუციის პროექტი, რომელსაც უდიდესი აღფრთოვანებით იხილავენ ჩვენი ქვეყნის მშრომელები, განასახიერებს სოციალიზმის ისტორიულ წარმატებებს, მოპოვებულთ საბჭოთა კავშირის ხალხთა მიერ ბოლშევიკური პარტიის ხელმძღვანელობით, პარტიისა და მშრომელი მასების საყვარელი ბელადის — დიდი სტალინის გენიალური წინამძღოლობით.

მთელი მსოფლიო იცნობს ამ წარმატებებს, მათ იცნობენ და აფასებენ მშრომელი კაცობრიობის მილიონები. სოციალიზმის ყველაზე დაუძინებელი მტრებიც კი იძულებული არიან აღიარონ საბჭოთა ხელისუფლების წარმატებანი.

ეს წარმატებანი მოპოვებულია სსრ კავშირის ბოლშევიკებისა და მშრომელი მასების მიერ კონტრრევოლუციის ძალთა ლიკვიდაციის შედეგად, ანტიპარტიული ჯგუფებისა და ოპოზიციების დაუნდობელი განადგურების შედეგად. ისინი მიღწეულია ჩვენი ქვეყნის მშრომელი მასების გმირული ბრძოლითა და მუშაობით და წარმოადგენენ ჩვენი პარტიის ხაზის გამარჯვების გამოხატულებას, მისი სტალინური ხელმძღვანელობის გამარჯვებათა გამოხატულებას.

მხოლოდ ღენინ-სტალინის პარტიამ, რომელიც პროლეტარიატის დიქტატურის წამყვან ძალას წარმოადგენს და რომელსაც საპ. კ. პ. (ბ) სტალინური ცენტრალური კომიტეტი ხელმძღვანელობს, უზრუნველჰყო ეს ისტორიული წარმატებანი, შეურიგებლად იცავდა რა თავის გენერალურ ხაზს მტრების თავდასხმებისგან.

ამიტომ სოციალიზმის განადგურებულ მტერთა უბადრუკი ნამსხვრევები ახლა სცდილობენ მთელი თავიანთი მახვილი, უწინარეს ყოვლისა, მიჰმართონ ღენინ-სტალინის პარტიის წინააღმდეგ, მისი ხელმძღვანელობის წინააღმდეგ,

მის გულში, ისინი თავიანთ შავბნელ, მოლალატურ და დამარღვეველ მუშაობაში აღდებიან ყველაზე ბილწი, ყველაზე საზიზღარი საშუალებებისა და მეთოდების გზას.

„მხედველობაში უნდა გვქონდეს,—ამბობდა ამხანაგი სტალინი,—რომ საბჭოთა სახელმწიფოს ძლიერების ზრდა გააძლიერებს მომაკვდავი კლასების უკანასკნელი ნაშთების წინააღმდეგობას. სწორედ იმიტომ, რომ ისინი კვდებიან და სულს ლაფავენ, ისინი თავდასხმის ერთი ფორმიდან გადავლენ თავდასხმის სხვა, უფრო მკვეთრ ფორმაზე, მიჰმართავენ მოსახლეობის ჩამორჩენილ ფენებს და დარაზმავენ მათ საბჭოთა ძალაუფლების წინააღმდეგ. არ არის ისეთი სისაძაგლე და ცილისწამება, რომელიც ამ ყოფილმა ადამიანებმა არ მიაწერონ საბჭოთა ხელისუფლებას და რომლის გარშემოც არ შეეცადნენ ჩამორჩენილი ელემენტების მობილჩაცაცას. ამ ნიადაგზე შეიძლება გამოცოცხლდნენ და შეინძრნენ ძველი კონტრრევოლუციური პარტიების—ესერების, მენშევიკების, ცენტრისა და განაპირა მხარეების ბურჟუაზიული ნაციონალისტების დამარცხებული ჯგუფები, შეიძლება გამოცოცხლდნენ და შეინძრნენ კონტრრევოლუციური ოპოზიციური ელემენტების ნამსხვრევები ტროცკისტებისა და მემარჯვენე უკლონისტების წრიდან“.

ამხანაგ სტალინის ეს გენიალური პროგნოზი სავსებით და მთლიანად დადასტურა თვით ცხოვრებამ.

პარტიის ერთერთი საუკეთესო, საყვარელი ხელმძღვანელის—სერგეი მირონის-ძე კირაგის საზიზღარმა მკვლელობამ, რომელიც ტროცკიმ, ზინოვიევმა, კამენევმა—ამ კონტრრევოლუციონერებმა და არამზადებმა მოაწყეს,—თვალნათლივ დაგვანახვა, რომ პარტიის მტრები მის წინააღმდეგ ბრძოლის არავითარ საშუალებას არ თაკილობენ და რომ ისინი ტერორის, დივერსიისა და შპიონაჟის გზით მიდიან.

მტრებისათვის აშკარაა, რომ პარტიის ხელმძღვანელობით, ამხანაგ სტალინის წინამძღოლობით, საბჭოთა ხელისუფლება განმტკიცდა წარმატებით, გადალახა მან თავის წინაშე დგომი ყველა სიძნელე და ახალ-ახალ გამარჯვებას აღწევს, რომ ბოლშევიკური პარტია გახდა მთლიანი და კონოლიტური, როგორც არასოდეს.

ხედავენ რა ამას, კონტრრევოლუციური ძალების ნაშთები და, უწინარეს ყოვლისა, კონტრრევოლუციის ქოფაკი ძალები—უმსგავსი ტროცკისტები და ზინოვიეველები, რომლებსაც არავითარი დასაყრდენი არა აქვთ მასებში, გაბოროტებულნი არიან და თვით ისტორიის მიერ მხილებულნი, რომლებმაც თავიანთ „პრინციპებს“ საფუძვლად დაუდეს კარიერიზმი, თავკერძობა და მაროდირობა, გადაიქცნენ მკვლელთა ბანდად, რომელთა ერთადერთი მიზანია—არაფერი არ ითაკილონ და ყოველგვარი საშუალებით გაძვრნენ ხელისუფლების სათავეში.

დაადგნენ რა მოლალატეობისა და გამცემლობის გზას, ტროცკისტები და ზინოვიეველები ჩაეფლნენ უაღრესად აღვირახსნილ თეთრგვარდიელთა ქაობში, გადაიქცნენ ფაშისტურ კონტრდაზვერვათა აგენტებად, გადაიქცნენ კონტრრევო-

ლუციურ ელემენტთა მთავარ დამრავლებელ ძალად ქვეყნის შიგნით და საერთაშორისო კონტრრევოლუციური ბურჟუაზიის მოწინავე რაზმად მის ბრძოლაში საბჭოთა ხელისუფლების წინააღმდეგ.

საბჭოთა ხელისუფლებასთან ბრძოლა მათი მიზანი გახდა; ტერორი, შპიონაჟი და დივერსია გადაიქცა მათი ბრძოლის საშუალებად, ხოლო თვალთმაქცობა—მათი კონტრრევოლუციური თეთრბანდიტური ომების მეთოდად და საფარად.

## II

უკანასკნელ დროს პარტიულ დოკუმენტთა შემოწმებისა და გამოცვლის პერიოდში ამიერ-კავკასიაში გამოაშკარავებულ და გამოძეღვებულ იქნენ ცალკეული კონტრრევოლუციური ტროცკისტულ-ზინოვიევიური ჯგუფები.

ტფილისში გამოაშკარავებულ იქნენ კონტრრევოლუციონერ-ტროცკისტები თუმანოვი, აკირტაევა, ჩიხლაძე, ძიგრაშვილი, ყაზაროვი, ანანინი, მუდრი, ვარნაზოვი და სხვები. ეს თვალთმაქცნი, რომლებიც წარსულში ნაციონალ-უკლონისტები იყვნენ, ხოლო შემდეგ ტროცკისტულ ოპოზიციას ეკუთვნოდნენ, რომელთა ნაწილი გადასახლებაში იყო, ხოლო ცალკეულნი მათგანი პარტიაში იქნენ აღდგენილნი, ფიცით იძლეოდნენ რა თავის განცხადებებს პარტიის ხაზისადმი. ერთგულების შესახებ, ამავე დროს ჰქმნიდნენ კონტრრევოლუციურ ტროცკისტულ არალეგალიზმს, ეწეოდნენ დამარღვეველ მუშაობას, ამზადებდნენ ტერორისტულ აქტებს.

ბაქოში გამოაშკარავებულ იქნა ბაღდასაროვის, კრილოვის, კუზმინის, კონეცკის, ო. ბაირამოვის, ჯაბაევისა და სხვათა კონტრრევოლუციური ტროცკისტულ-ზინოვიევიური ტერორისტული ჯგუფი. როგორც გამოჩვენებულ იქნა, გადასახლებიდან ბაქოში დაბრუნებულმა ტროცკისტებმა არა თუ არ შესწყვიტეს თავისი კონტრრევოლუციური მუშაობა, არამედ, პირიქით, მსაღწიეს რა პარტიაში აღდგენას, ამავე დროს შექმნეს ბაქოში კონტრრევოლუციური ტერორისტული სადივერსიო ჯგუფები და თავის მუშაობაში დაუკავშირდნენ საკმაოდ ცნობილ თვალთმაქც კონტრრევოლუციონერ ტერ-ვაჰანიანს.

ერევანში გამოაშკარავებულ იქნა სტეპანიანის კონტრრევოლუციური ტროცკისტულ-ნაციონალისტური ჯგუფი. აღმოჩნდა, რომ ეს არამზადა და სალახანა ჯერ კიდევ მაშინ, როდესაც წითელი პროფესურის ინსტიტუტში სწავლობდა მოსკოვში, ხოლო უკანასკნელ 4-5 წელს იყო სომხეთის განათლების სახალხო კომისრად, შემდეგ კი მარქსიზმ-ლენინიზმის ინსტიტუტის დირექტორად, მთელი ამ ხნის განმავლობაში ეწეოდა კონტრრევოლუციურ ტროცკისტულ-ნაციონალისტურ მუშაობას, შექმნა კონტრრევოლუციური ჯგუფი, ქადაგებდა ტერორს პარტიისა და სსრ კავშირის მთავრობის ხელმძღვანელობის წინააღმდეგ.

კონტრრევოლუციური ტროცკისტულ-ზინოვიევიური ჯგუფები გამოაშკარავებულ იქნენ აგრეთვე ლენინაკანსა, ბათუმსა და კიროვბადაში.

გამოაშკარავებული ჯგუფების მონაწილეთა უმრავლესობამ აღიარა თავისი კონტრრევოლუციური მუშაობა. ისინი გამოტყდნენ იმაში, რომ ტროცკისტულ-ზინოვიევიური ბლოკის ცენტრის დავალებით კონტრრევოლუციური ჯგუფების

მონაწილეთა შორის ნერგავდნენ სიძულვილს საკ. კ. პ. (ბ) ხელმძღვანელობის მიმართ, ზრდიდნენ ტერორისტთა კადრებს, ეწეოდნენ მავნებლურ მუშაობას საწარმოებში და ამზადებდნენ სადივერსიო აქტებს.

თავის მუშაობაში ამ არამზადებმა მჭიდრო კავშირი დაამყარეს მენშევიკურ, დაშნაკურ, მუსავატურ, თეთრგვარდიულ და კულაკურ კონტრრევოლუციურ ელემენტებთან.

კონტრრევოლუციონერი ტროცკისტ-ზინოვიეველები თავისი ბრძოლის მიზნებსა და საშუალებებში არამარტო შეუთანხმდნენ ამიერ-კავკასიის რესპუბლიკებიდან განდევნილ მენშევიკურ, დაშნაკურ, მუსავატურ თეთრგვარდიელებსა და მათს არალეგალურ აგენტურას, არამედ ისინი გახდნენ მათი დამრავლავი ძალა და სათავეში ჩაუდგნენ მათს ბრძოლას ამიერ-კავკასიის რესპუბლიკებში სოციალიზმის გამარჯვებათა წინააღმდეგ.

პარტიულ ორგანიზაციებში მოინახნენ პოლიტიკურად ბრმანი, ადამიანები, რომლებიც დანაშაულებრივად უგულვებელჰყოფდნენ ამხანაგ სტალინის მითითებებს სიფხიზლის გაძლიერების აუცილებლობაზე, რომლებმაც არავითარი დასკვნა არ გააკეთეს ამხანაგ კიროვის მოკვლის გაკვეთილებიდან, პარტიულ დოკუმენტთა შემოწმებისა და გამოცვლის გაკვეთილებიდან.

პარტიულ ორგანიზაციებში მოინახნენ ისეთი ხელმძღვანელები, რომლებიც თავისი არასაკმაო სიფხიზლით საშუალებას ჰქმნიდნენ ტროცკისტ-ზინოვიეველთა გარეწრების კონტრრევოლუციური მუშაობისათვის.

პარტიიდან ჯერ კიდევ სავსებით როდი არიან გაგვილნი კლასობრივი მტრის პირდაპირი ხელშემწყობნიც.

გამოაშკარავებულ ტროცკისტულ-ზინოვიევეური ჯგუფების შემადგენლობაში აღმოჩნდნენ ისეთი ადამიანები, რომლებსაც პარტიული ბილეთები ჰქონდათ და პარტდოკუმენტთა შემოწმება გაიარეს. ბაქოს ტროცკისტულ-ზინოვიევეური ჯგუფის ორგანიზატორები — ბაღდასაროვი, კრილოვი, კონევესკი, ბაირამოვი და ბაბაევი პარტიის წევრები იყვნენ.

### III

ტროცკისტთა, ზინოვიეველთა და სხვა კონტრრევოლუციონერთა მიმართ სიფხიზლის დაკარგვისა და მათთვის ხელისშემწყობის მხრივ განსაკუთრებით საგულისხმოა ის ფაქტები, რომლებიც შეეხება სომხეთის კ. პ. (ბ) ცენტრალური კომიტეტის ყოფილ მდივანს ხანჯიანს და სომხეთის პარტკოლეგიის ყოფილ მდივანს გალოიანს.

როგორც გამოირკვა, სომხეთის კ. პ. (ბ) ცენტრალური კომიტეტის ყოფილმა მდივანმა — ხანჯიანმა, რომელიც ჯერ კიდევ 1934-1935 წლებში იღებდა სიგნალებს სტეფანიანისა და მისი ჯგუფის კონტრრევოლუციური ტერორისტული და დამარღვეველი მუშაობის შესახებ, არავითარი ზომები არ მიიღო ამ ჯგუფის გამოსაშკარავებლად.

როდესაც სომხეთის პარტკოლეგიამ ჯერ კიდევ 1934 წელს, განიხილა რამასალები სტეფანიანის კონტრრევოლუციური მუშაობის შესახებ, დამალა, მიჩქ-



მალა ეს საქმე და სავსებით გაამართლა იგი--ხანჯიანმა ხელი დააფარა პარტკოლევგის ამ დანაშაულებრივ მოქმედებას და სანქცია მისცა მის გადაწყვეტილებას.

სიკვდილის წინ დაწერილ ბარათში ხანჯიანმა აღიარა: „პარტკოლევგიაში სტეფანიანის საქმის გარჩევასთან დაკავშირებით, მე ჩავიდინე პარტიული ხელმძღვანელისათვის სამარცხვინო შეცდომა“.

სტეფანიანის კონტრრევოლუციური, ტერორისტული ჯგუფის საქმის გამოწარმოებულ კვლევა-ძიება, უკანასკნელ დროს სომხეთში კონტრრევოლუციური ტროცკისტული და ნაციონალისტური ელემენტების გამომჟღავნება მოწმობენ, რომ ხანჯიანმა ჩაიდინა „სამარცხვინო შეცდომა“ არა მარტო სტეფანიანის ჯგუფის საქმეში, არამედ დაჰკარგა რა სიფხიზლე, აუცილებელი თვითიული კომუნისტისათვის და მით უმეტეს პარტიული ორგანიზაციის ხელმძღვანელისათვის, ის ჰფარველობდა კონტრრევოლუციურ ნაციონალისტურ განწყობილებებს, სუსტად ეწეოდა ბრძოლას ტროცკისტულ, დაშნაკურ და სხვა კონტრრევოლუციურ ელემენტებთან და ამით ხელს უწყობდა მათს ანტისაბჭოთა მუშაობას.

ახლა გამორკვეულია, რომ ხანჯიანს სისტემატურად, მთელი რიგი წლების განმავლობაში მიწერ-მოწერა ჰქონდა საზღვარგარეთ, პარიზში მყოფ ვინმე ჩობანიანთან, სომხური კონტრრევოლუციური ბურჟუაზიულ-ნაციონალისტური პარტიის „რამკავარების“ ერთერთ ცნობილ მოღვაწესთან.

ხანჯიანი უმაღავდა პარტიას ამ მიწერ-მოწერას. ხანჯიანისადმი მიწერილ წერილებში ეს ჩობანიანი აძლევდა მას კონტრრევოლუციურ ნაციონალისტურ „რჩევებს“.

ერთერთ ასეთ წერილში 1933 წელს ჩობანიანი სწერდა ხანჯიანს:

„ძალიან კარგს იზამთ, თუ თქვენს პრესაში და თქვენს სიტყვებში შეძლებისდაგვარად ნაკლებად ილაპარაკებთ დაშნაკებზე“.

1936 წელს მოწერილ წერილში ჩობანიანი ურჩევდა ხანჯიანს ახალი კონსტიტუციის პროექტთან დაკავშირებით დაესვა სომხეთის საზღვრების გადასინჯვისა და მათი გაფართოვების საკითხი.

„მე ვლაპარაკობ,--სწერს ის ხანჯიანს,--არა მარტო თურქეთისათვის გადაცემულ ანსა, არარატსა, ყარსსა და სურმალუზე, არამედ ახალქალაქსა და ყარაბაღზეც... და ნახჭევანზე, რომელიც ყოველთვის სომხეთის ნაწილს წარმოადგენდა“.

ხანჯიანი არა მარტო ლებულობდა ასეთ წერილებს, არამედ თავისთვის შესაძლებლად სცნობდა პასუხი გაეცა მათზე და მიჰყოლოდა კიდევ ამ კონტრრევოლუციურ რჩევებს.

ასე, მაგალითად, დაშნაკების საკითხზე ის პირდაპირ მითითებებს აძლევდა გაზეთ „ხორურდანი ჰაიასტანის“ (სომხეთის ც. კ-ის ორგანო) რედაქციას--ნაკლებად გაეკრიტიკებინათ პრესაში დაშნაკები და თვითონაც „შეძლებისდაგვარად“ სცდილობდა ნაკლებად გაეკრიტიკებინა ისინი თავის სიტყვებში.

„ახლანდელ პირობებში არ არის არავითარი საჭიროება ვბეჭდოთ წერილები დაშნაკების წინააღმდეგ. ეს ზედმეტი იქნებოდა“,--მიუთითებდა ხანჯიანი „ხორურდანი ჰაიასტანის“ რედაქციის მუშაკებს.

არ იჩენდა რა სიფხიზლეს ტროცკისტებსა და დაშნაკებთან ბრძოლაში, თვალთმაქცობდა რა პარტიის წინაშე, ხანჯიანი პირდაპირ ჰფარველობდა გა-  
შიშვლებულ ნაციონალისტურ ელემენტებს სომხეთის ინტელიგენციაში, მწერალ-  
თა ნაწილში, რომლებიც აშკარა ბრძოლას აწარმოებდნენ სომხეთის ხალხის კულ-  
ტურის მშენებლობის წინააღმდეგ, — ნაციონალურისა ფორმით და სოციალისტუ-  
რისა შინაარსით, ისინი ამას უპირდაპირებდნენ კულტურის კონტრრევოლუციურ  
ფორმულას. — „ნაციონალური ფორმით და ნაციონალისტური, შინაარსით“.

სომხეთის პარტკოლეგიის ყოფილი მდივანი ა. გალოიანი, ეს არამზადა  
და თვალთმაქცი, კონტრრევოლუციონერ ტროცკისტ-ზინოვიეველთა აშკარა და-  
მხმარე აღმოჩნდა.

მან დაუმალა პარტიას, რომ ეკუთვნოდა ტროცკიზმს 1927 წელს, ის პირ-  
დაპირ ჰფარველობდა ტროცკისტებს და ხელს უწყობდა სტეფანიანის კონტრ-  
რევოლუციურ ტერორისტულ ჯგუფს. არაერთხელ მიიღო რა პარტიის ცალკე  
წევრებისაგან განცხადებები სტეფანიანის კონტრრევოლუციური, ტერორისტული  
და ნაციონალისტური შეხედულებების შესახებ, გალოიანმა არა თუ არ მიიღო  
ზომები სტეფანიანის ჯგუფის გამოსამჟღავნებლად, არამედ, პირიქით, პარტიუ-  
ლი სასჯელი დაადო პარტიის წევრს, რომელიც სტეფანიანს ამხელდა.

გალოიანი სტუმართმოყვრულად იღებდა თავის ბინაზე კონტრრევოლუცი-  
ონერ სტეფანიანს და პირადად ისმენდა მის კონტრრევოლუციურ დაშნაკურ  
„მსჯელობას“.

სომხეთის კომპარტიის რაიკომებისა და ქალაქკომების მიერ გამომჟღავნე-  
ბულ კონტრრევოლუციონერ ტროცკისტებს გალოიანი აღადგენდა ხოლმე პარ-  
ტიაში: გალოიანი ხელს აფარებდა მათ, პარტკოლეგიის სხვა წევრები კი უდარ-  
დელად აბარტყუნებდნენ ყურებს და ბეჭედს ასვამდნენ გალოიანის მიერ შეჩე-  
ჩებულ გადაწყვეტილებებს.

#### IV

ბაქოს ცალკეულ პარტიულ ორგანიზაციებს ბალახანის, ლენინის და შაჟ-  
მიანის რაიონებში თავის დროზე ჰქონდათ მთელი რიგი სიგნალები ცალკეული  
კომუნისტებისა და უპარტიო სტახანოველი მუშებისაგან ტროცკისტთა, ზინო-  
ვიეველთა კონტრრევოლუციური მუშაობის შესახებ, მაგრამ ამ ორგანიზაციებმა  
თავის დროზე არ მიიღეს ზომები მათ გამოსამჟღავნებლად.

ბალახანის რაიონის ბუდიონის სახელობის ქარხანაში საკ. კ. პ. (ბ) თანა-  
მგროძნობი ამხ. მიტიუშინი აცნობებდა პარტიულ ორგანიზაციას, რომ პარტიის  
წევრი — თვალთმაქცი სოროკინი და პარტიიდან გარიცხული ტროცკისტები —  
დენისოვი, მოკშინოვი და ჩერნიშევი ეწევიან პარტიის მიმართ კონტრრევო-  
ლუციურ ცილისწამებას და მუშებთან კონტრრევოლუციურ საუბრებს აწარ-  
მოებენ.

ბუდიონის სახელობის ქარხნის პარტკომში არა თუ ყურადღება არ მიაქ-  
ციეს ამხ. მიტიუშინის ამ განცხადებას, არამედ, პირიქით, უქმნიდნენ მტრებს  
ხელსაყრელ პირობებს კონტრრევოლუციური მუშაობისათვის.

კონტრევოლუციური ტროცკისტული ტერორისტული ჯგუფის აქტიურ წევრებს ლევანს, აპალკოვს და პაკინს მინდობილი ჰქონდათ მუშაობა პარტკაზინებში.

სიფხიზლის მოდუნება გამოიჩინა სარეწაო გზის სამმართველოს პარტორგანიზაციამაც ლენინის რაიონში („უბდ“—ზაბრატ). პარტიის წევრი მთავარი კონდუქტორი შულიკო ატყობინებდა პარტორგანიზაციას, რომ პარტიიდან გარიცხული ტროცკისტი სერგეევი ზაბრატის სადგურზე ეწევა ანტისაბჭოთა კონტრევოლუციურ ტროცკისტულ აგიტაციას. სავაგონო დეპოს პარტორგი ამხ. კარაპეტიანი აცნობებდა პარტკომს, რომ კონტრევოლუციურ ლაპარაკს ეწევა კაზადაევი, რომელიც მუშებს გაფიცვისაკენ მოუწოდებს. სადგურ ზაბრატის—„უბდ“-ს პარტკომმა ვერ შესძლო შეემჩნია და თავის დროზე გამოემყდლებინა ამ კონტრევოლუციური ლაპარაკის პოლიტიკური სარჩული. „უბდ“-ს პარტიული და სამეურნეო ხელმძღვანელობის სიფხიზლის მოდუნების გამო კონტრევოლუციონერმა ტროცკისტებმა მოახერხეს გამძვარიყვენენ სარეწაო გზების სამმართველოში ზაბრატში და დაეკავებინათ მთელი რიგი მნიშვნელოვანი ხელმძღვანელი პოსტები წარმოებაში. კონტრევოლუციონერი ტროცკისტი კოვალისკი ხელმძღვანელობდა „უბდ“-ს წვეის მთელი დარგის ტექნიკურ განყოფილებას; ტერორისტი ტროცკისტი დემინი იყო ინსტრუმენტალურ საამქროს უფროსი; ტროცკისტი ბუგაენკო ხელმძღვანელობდა ნორმირებას დეპოში; თვალთმაქცი კონტრევოლუციონერი ტროცკისტი დურნოვი იყო ექსპლოატაციის დიდი საამქროს პარტორგი.

კლასობრივ მტერთან ბრძოლაში სიფხიზლის მოდუნების ფაქტები არის ტფილისის ორგანიზაციაშიც.

კონტრევოლუციური მუშაობისათვის ამჟამად დაპატიმრებულ ტროცკისტ აკირტავას, რომელიც გადასახლებიდან დაბრუნდა და რომელიც პარტიის რიგებში არ არის აღდგენილი, დაპატიმრებამდე მეგობრობა ჰქონდა ზოგიერთ მოლიბერალო კომუნისტთან, რომლებიც მას სიმპატიით ეპყრობოდნენ. აღმოჩნდა ერთი, რბილად რომ ვთქვათ „ჩუდაკი“ ხელმძღვანელ მუშაკთა წრიდან, რომელმაც გადასწყვიტა „ხელი აეღებინებინა“ აკირტავასთვის მის კონტრევოლუციურ შეხედულებებზე იმით, რომ წასაკითხავად აძლევდა კონტრევოლუციურ ტროცკისტულ ლიტერატურას, რომელიც მას ჰქონდა, და რომლის გამოყენებაც ტროცკისტმა აკირტავამ არ დააყოვნა თავისი კონტრევოლუციური პროპაგანდისათვის.

ტფილისში დაპატიმრებულ ტერორისტ ტროცკისტს ვარნაზოვს უკანასკნელ დრომდე მეგობრობა ჰქონდა ერთერთ ხელმძღვანელ მუშაკთან, რომლის სიმპატიებიტაც იგი სარგებლობდა და რომელიც ხშირად სტუმარმოყვარულად დებულობდა ვარნაზოვს თავის სახლში და ვერ შესძლო დაენახა მასში პარტიის მტერი, ტერორისტი და დიფერსანტი.

ამიერ-კავკასიის სამეცნიერო-საგამოკვლევო ჰიდროენერგეტიკული ინსტიტუტის დირექტორი ტფილისის სტალინის რაიონში კონტრევოლუციონერი ტროცკისტი თვალთმაქცი ბერძენიშვილი აგროვებდა ინსტიტუტში „თავის ადამიანებს“ კონტრევოლუციური მუშაობის ხაზით—ტროცკისტებს: ობოლენსკის,

ჩიხლაძეს, ხახანოვს და ყოფილ აქტიურ მენშევიკს მარშანიას, რომელიც მოტყუების გზით შეძერა პარტიაში. სწორედ ამ „კომუნისტებისაგან“ „შესდგებოდა“ ინსტიტუტის პარტიული ორგანიზაცია. ბერძენიშვილი თავის გარშემო იკრებდა აშკარად უცხო, სახელგატეხილ ადამიანებს, რომლებსაც ის „დამსახურება“ ჰქონდათ, რომ წარსულში იბრძოდნენ საბჭოთა ხელისუფლების წინააღმდეგ. პარტიულ ორგანოებს მხედველობიდან გამოეპარათ ტროცკისტ ბერძენიშვილის ეს დამარღვეველი მუშაობა.

ყველა ამ გამომჟღავნებულ კონტრრევოლუციონერ ტროცკისტთა დამარღვეველი მუშაობის დაფარვის მეთოდს წარმოადგენდა ყველაზე საზიზღარი, ყველაზე ბინძური თვალთმაქცობა. ისინი აცხადებდნენ, რომ ერთგული არიან პარტიის, წარმოსთქვამდნენ რევოლუციურ ფრაზებს პარტიის ხაზის დასაცავად, და აბრიყვებდნენ რა ამით არაფხიზელ ხელმძღვანელებს და კომუნისტებს, მოქმედებდნენ, როგორც ხალხის მტრები.

ტროცკისტები ჩიხლაძე, კანდელაკი, ლ. გასვიანი და სხვ. განსაკუთრებულ აქტივობას იჩენდნენ ტფილისის პარტიული ორგანიზაციების კრებებზე თავიანთ გამოსვლებსა და სიტყვებში ტროცკიზმის წინააღმდეგ, პარტიის გენერალური ხაზისათვის, ხოლო ამავე დროს სინამდვილეში ეწეოდნენ არალეგალურ კონტრრევოლუციურ მუშაობას.

კონტრრევოლუციონერი ტროცკისტი ლეონ სარქისოვი ოთხ წელიწადს მუშაობდა პარტიის ლენინის რაიკომის პროპაგანდისტად და ხელმძღვანელობდა წრეს ტფილისის 26 კომისრის სახელობის ქარხანაში. ატარებდა რა წრის სხდომებზე ლექციებსა და საუბრებს პარტიის ხაზის დასაცავად და აძინებდა რა ამით პარტორგანიზაციის სიფხიზლეს, იგი დაუსჯელად აკეთებდა თავის ბინძურ კონტრრევოლუციურ საქმეს.

## V

ყველა ეს ფაქტი იმას გვეჩვენება, რომ პარტიის ხაზის სრული და გადამწყვეტი გამარჯვების პირობებში, როდესაც აშკარა ბრძოლა პარტიის პოლიტიკასთან უიმედო გახდა, მხოლოდ თვალთმაქცობას შეუძლია დაჰფაროს და ხელი შეუწყოს ახტიპარტიულ და კონტრრევოლუციურ ელემენტებს პარტიის შიგნით.

თვალთმაქცი პარტიის მომტყუებელია, თვალთმაქცი საბჭოთა ხელისუფლების მტერია, ხალხის მტერია. თვალთმაქცი — კონტრრევოლუციის აგენტია, მაგნებელი, პროვოკატორი, მზვერავია.

კომუნისტი, რომელიც შემაჯიგებლობას და დამპალ ლიბერალიზმს იჩენს თვალთმაქცობის მიმართ, რა ფორმებშია უნდა გამოვლინდეს იგი, უდიდეს დანაშაულს ჩადის პარტიის წინაშე, საბჭოთა ხელისუფლების წინაშე, ჩვენი სამშობლოს წინაშე.

პარტიისა და საბჭოთა ხელისუფლების მტრები ნაციონალურ რესპუბლიკათა პირობებში ძალიან ხშირად ეფარებიან ნაციონალურ ყოფაცხოვრებით. თავისებურებებსა და ტრადიციებს.

შემთხვევითი როდია, რომ ცალკეული ტროცკისტ-ზინოვიეფური კონტრრევოლუციური ელემენტები თავისი მავნებლური და ტერორისტული მუშაობის

დასათვარავად იკეთებენ ამიერ-კავკასიის რესპუბლიკათა მშრომელი ხალხების „ნაციონალურ მისწრაფებების“ გამომხატველთა ნიღაბს.

შემთხვევით როდია, რომ სტეფანიანის ტროცკისტული ჯგუფი ერევანში თავის გაშიშვლებულ კონტრრევოლუციურ განწყობილებებს მძლავრად ჟღინთავდა ნაციონალისტური სიმყარალით.

ნაციონალისტური ელემენტები ნაციონალ-შოვინისტური ლაყობიდან ძალიან ხშირად ქვეითდებიან საბჭოთა ხელისუფლებასთან ბრძოლის პოზიციებამდე და ბლოკს ჰკრავენ კონტრრევოლუციონერ ტროცკისტ-ზინოვიეველებთან, მენშევიკებთან, დაშნაკებთან და მუსავატისტურ ელემენტებთან. ასეთია ბოლშევიკთა პარტიის წინააღმდეგ, საბჭოთა ხელისუფლების წინააღმდეგ ბრძოლის ლოგიკა.

ამიერ-კავკასიის რესპუბლიკათა პარტიულ ორგანიზაციებს მტკიცედ ახსოვთ თავისი მუშაობის ეს თავისებურება.

ისინი დაუნდობელ ბრძოლას ეწევიან კონტრრევოლუციურ ნაციონალისტურ ელემენტებთან და ნაციონალ-უკლონიზმის რეციდივებთან თავის საკუთარ რიგებში.

მათ კარგად ახსოვთ, თუ რით დამთავრდა ნაციონალ-უკლონიზმის გამცემლური გზა.

ნაციონალ-უკლონიზტების საგრძნობი ნაწილი, რომლებიც იყვნენ საქართველოს მენშევიკების, თავადების, მემამულეებისა და კულაკების ინტერესების გამომხატველნი და მათი საქმის გამგრძობნი, შემდეგ ჩაეფლნენ კონტრრევოლუციური ტროცკიზმის ჭაობში და ტროცკისტებსა და ზინოვიეველებთან ერთად პარტიისა და საბჭოთა ხელისუფლების წინააღმდეგ ბრძოლაში დაადგნენ შიონაჟისა, დივერსიისა და ტერორის გზას.

ამიერ-კავკასიის ფედერაციის ლიკვიდაციასთან დაკავშირებით ნაციონალისტური ელემენტები ამიერ-კავკასიაში ცდილობენ თავისი მუშაობის გაცხოველებას.

არიან ისეთი ადამიანები, რომლებიც ცდილობენ პარტიისა და მთავრობის დადგენილება საბჭოთა სოციალისტურ რესპუბლიკათა კავშირში საქართველოს, აზერბეიჯანისა და სომხეთის უშუალოდ შესვლისა და, ამასთან დაკავშირებით, ამიერ-კავკასიის ფედერაციის ლიკვიდაციის შესახებ, შეათვასონ, როგორც თავისი წარსული ნაციონალ-უკლონიზტურ შეცდომათა გამართლება. სჩანს, ამ ადამიანებს ვერ გაუგიათ თავისი წარსული შეცდომები, მათ არ გაეგებათ ის, რასაც დღეს პარტია აკეთებს, და დაუნდობლად უნდა იქნენ გამოაშკარავებულნი.

ამხანაგი **სტალინი** საკ. კ. პ. (ბ) ცენტრალური კომიტეტის პლენუმზე თავის მოხსენებაში „ახალი კონსტიტუციის შესახებ“ ამ ადამიანებს ადარებდა პეტროგრადში--1917 წლის აპრილს მომქმედ ერთერთ ბოლშევიკურ ჯგუფს, რომელსაც **ლენინმა** ავანტურისტული ჯგუფი უწოდა, ვინაიდან იგი ზოითხოვდა საბჭოთა ხელისუფლების დამყარებას 1917 წლის აპრილს, როდესაც პირობები ამისათვის ჯერ კიდევ მომწიფებული არ იყო და ნაადრევი აჩქარება შეიძლებოდა პარტიისათვის კატასტროფით დამთავრებულიყო. ხოლო, როდესაც 1917 წლის ოქტომბერში პარტიამ აიღო ხელისუფლება და დამყარა საბჭოთა

წესწყობილება, ამ ჯგუფის ადამიანები ძლევამოსილი გამომეტყველებით ლაპარაკობდნენ—მართალი ვიყავით, როდესაც 1917 წლის აპრილში საბჭოთა ხელისუფლების დამყარებას მოვითხოვდითო. **ლენინი** ასეთ კომუნისტებს წვრილ მაროდიორებს ეძახდა. ამ წვრილ მაროდიორებს ჰგვანან დღეს ის ნაციონალ-უკლონისტები, რომელნიც ცდილობენ გაამართლონ თავიანთი წარსული შეცდომები პარტიისა და მთავრობის გადაწყვეტილებით ამიერ-კავკასიის ფედერაციის ლიკვიდაციის შესახებ.

ნაციონალ-უკლონისტები საქმეს უფუჭებდნენ ჩვენს პარტიას მაშინ, როდესაც საჭირო იყო ბურჟუაზიული ნაციონალისტების დამარცხება ამიერ-კავკასიაში და მეგობრობის კავშირის განმტკიცება ხალხთა შორის. ასინი ლამობენ დღესაც აგვირიონ საქმე და ცდილობენ შეარყიონ ამიერ-კავკასიის ხალხთა სტალინური მეგობრობა.

საქართველოს და სომხეთის ინტელიგენციის ძველი კადრების ერთ ნაწილში ჯერ კიდევ ძლიერია ნაციონალისტური განწყობილება. ძალიან ხშირად მტერი ცდილობს ამის გამოყენებას. ნაცვლად იმისა, რომ დაჟინებით იმუშაონ ინტელიგენციის ამ ჯგუფთა ინტერნაციონალურ აღზრდაზე, ცალკეული კომუნისტები, ხოლო ზოგჯერ თვითონ ხელმძღვანელი მუშაკებიც, რომლებიც ძალიან ხშირად კარგად ვერ ერკვევიან პარტიის ნაციონალური პოლიტიკის საკითხებში. კვერს უკრავენ ჩამორჩენილ ნაციონალისტურ განწყობილებებს, რცვენ სხვებსაც და თავის თავსაც, ზოგჯერ კი მვენე ნაციონალისტური განწყობილებანი გადააქვთ პარტიული ორგანიზაციების რიგებში. კომუნისტი გავლენას უნდა ახდენდეს გარშემო მყოფებზე, წინ უნდა უძღოდეს მათ, ზოგიერთ კომუნისტებს კი პირიქით ემართებათ: მათზე გავლენას ახდენენ ნაციონალისტური და მტრულად განწყობილი ელემენტები და მათ თავისი მიზნებისათვის იყენებენ.

პარტიულმა ორგანიზაციებმა ამიერ-კავკასიაში უდიდესი მუშაობა შეასრულეს ნაციონალური ინტელიგენციის კადრთა საბჭოთა ხელისუფლებისა და პარტიის გარშემო შესამჭიდროვებლად. ამ საქმეში მათ უდავო და დიდი წარმატებები აქვთ.

ამოცანა იმაში მდგომარეობს, რომ კიდევ უფრო გავაძლიეროთ სიფხიზლე პარტიის ნაციონალური პოლიტიკის განხორციელების საქმეში. უფრო უკეთ მოვაწყოთ მუშაობა მასების ინტერნაციონალურად აღზრდის საქმეში და ამ უბანზედაც აგრეთვე საბოლოოდ გავანადგუროთ მტერი.

## VI

ამიერ-კავკასიაში ჯერ კიდევ მოიპოვება ძველი გადანაშთები და ეგრეთ-წოდებული „ტრადიციები“, რომლებსაც დიდხანია ბოლო უნდა მოელოს.

ჯერ კიდევ ცოტა არ არის ისეთი კომუნისტი, რომლებიც საყოფაცხოვრებო ტრადიციულ ურთიერთობას უფრო მალა აყენებენ, ვიდრე პარტიულ პრინციპულ ურთიერთობას.

სტუმართმოყვარეობის რა ტრადიციებით შეიძლება გამართლდეს საქციელი ცალკეული პარტიელებისა, რომლებმაც ტფილისში სასტუმრო „ორიანტში“ სპეციალური საზეიმო შეხვედრა—ბანკეტი გაუმართეს გამცემელ ლომინაძეს,

რომელიც, როგორც გამოჩვენებულია, ტროცკისტულ-ზინოვიევიური კონტრრევოლუციური იატაკქვეშეთის ერთერთი ორგანიზატორი იყო და რომლის ანტიპარტიული შეხედულებანი და მუშაობა უკვე იმ პერიოდში კარგად იცოდნენ შეხვედრის ცალკეულმა ინიციატორებმა.

კიდევ არიან ისეთი ადამიანები, რომელთაც არ სურთ გაიფუჭონ კარგი ურთიერთობა „მეგობრებთან“, ალბათ, იმ ანგარიშით, რომ ეს „მეგობრები“ შეიძლება მათ ოდესმე გამოადგეთ.

ეს ფაქტები გვიჩვენებენ, როგორ იჩენენ ცალკეული კომუნისტები, რომელთაც არ ესმით რევოლუციური სიფხიზლის ამალღების ამოცანები, ყოველად მუშუყნარებელ გულკეთილობას, დამპალ ლიბერალიზმს და ამით მორჩილად მიჰყვებიან კონტრრევოლუციურ ელემენტებს.

ყველა ეს ფაქტი კიდევ და კიდევ ამტკიცებს ამხანაგი **სტალინის** მითითებათა გენიალობას რევოლუციური სიფხიზლის ამალღების აუცილებლობის შესახებ, იმის შესახებ, რომ საჭიროა უაღრესად უღმობელი ბრძოლა სოციალიზმის მტრებთან და მათ მოწინავე რაზმთან—სახიზღარ კონტრრევოლუციონერთროცკისტ-ზინოვიეველებთან.

რევოლუციური შეტევითი ბოლშევიკური სიფხიზლე გამოხატულებას უნდა პოულობდეს არა პლატონიურ სიტყვებში სიფხიზლის შესახებ, არა მყვირალა რეზოლუციებში, არამედ კომუნისტის თვითეულ მოქმედებაში იმ უბანზე, სადაც იგი დაყენებულია პარტიის მიერ, იმ გარემოში, სადაც იგი იმყოფება, კომუნისტის პრაქტიკული მუშაობისა და ყოველდღიური ყოფაცხოვრების თვითეულ ნაბიჯში.

რევოლუციური სიფხიზლე უნდა მდგომარეობდეს იმ ადამიანთა უაღრესად გულდასმით შემოწმებაში, რომლებთანაც კომუნისტი მუშაობს, რომლებიც მას გარს აოტყიან, რომლებთანაც მას ურთიერთობა აქვს.

სიფხიზლე უნდა გამოიხატებოდეს ბოლშევიკური თვითკრიტიკის გაშლაში, რაც დახმარებას გვიწევს გამოვამყლანოთ ჩვენი ნაკლი და მტრების მახინაციები.

სიფხიზლე იმაში უნდა მდგომარეობდეს, რომ კომუნისტს მჭრელი თვალი ჰქონდეს და სცდილობდეს თავისი პარტიული თვალთ შეიჭრას ყველა კუთხესა და ჭუჭრუტანაში, მას ყველაფერი უნდა აინტერესებდეს.

სიფხიზლე უნდა გამოიხატებოდეს თვითეული კომუნისტის, თვითეული კომკავშირელის, თვითეული არაპარტიული ბოლშევიკის იმ მუშაობის გაუმჯობესებაში, რომელიც მიმართულია პარტიის ამოცანების და ამხანაგ **სტალინის** მითითებათა განხორციელებისაკენ.

პარტიულ დოკუმენტთა შემოწმებამ და გამოცვლამ ხელი შეუწყო პარტიული ორგანიზაციების სიფხიზლის გაძლიერებას, მაგრამ არ შეიძლება იმის ფიქრი, რომ პარტიულ დოკუმენტთა შემოწმებამ და გამოცვლამ საბოლოოდ გასწმინდა პარტია მტრებისაგან. არ შეიძლება ფიქრი, რომ, ვამხილეთ რა მთელი რიგი კონტრრევოლუციური ტროცკისტულ-ზინოვიევიური ჯგუფები, ჩვენ უკვე გამოვამყლანეთ და გავრიყეთ ყველა ეს გარეწარი და არამხადა. პარტიაში ჯერ კიდევ დაჩინენ კონსპირირებული, მიმალული მოსისხლე მტრები, ჯერ კიდევ ყველა თვალთმაქცი როდია გამომყლანებული. ჯერ კიდევ კარგად

უნდა ვიმუშაოთ იმისათვის, რომ აშშ-მორებული ტროცკისტულ-ზინოვიევეური იატაკქვეშეთიდან მზის სინათლეზე გამოვათრიოთ პარტიისა და საბჭოთა ხელი-სუფლების მიმალული მტრები.

თვითეული პარტიული ორგანიზაცია ფხიზლად უნდა იცავდეს თავისი რიგების სიწმინდეს, ვინაიდან იქ, სადაც ბოლომდე არ არიან გაწმენდილნი პარტიიდან თვალთმაქცები, გადაგვარებულნი, დაუდევარნი, კარიერისტები, წამ-გლეჯები, გახრწნილი ელემენტები და სხვ., იქ კონტრრევოლუციონერ-ჯაშუშ-დივერსანტ-ტროცკისტ-ზინოვიეველს აქვს ნიადაგი თავისი მუშაობისათვის, პოულობს თავის მეგობრებს, რაზმავს კადრებს თავისი კონტრრევოლუციური ტერორისტული მუშაობისათვის.

მხოლოდ დაუღალავი, ფხიზელი ბრძოლა ბოლშევიკური პარტიის რიგების ერთიანობისა და სიწმინდისათვის უზრუნველყოფს სოციალიზმის მტრების სა-ბოლოო მოსპობას.

სოციალიზმის საერთაშორისო და შინაური მტრები არაერთხელ ცდილან აეღოთ გეზი ამიერ-კავკასიაზე თავიანთი კონტრრევოლუციურ ზრახვებში.

ამიერ-კავკასიას მთელი რიგი თავისებურებანი აქვს, რომლებიც განა-სხვავებენ მას საბჭოთა კავშირის ბევრი მხარისა ჭა რესპუბლიკისაგან.

წარსულში ამიერ-კავკასიაში ძლიერი იყვნენ მენშევიკთა, დაშნაკთა და მუსავატელთა ანტისაბჭოთა პარტიები; საბჭოთა ხელისუფლების დამყარების პირველ წლებში ამიერ-კავკასიის რესპუბლიკებში ძლიერი იყო ნაციონალიზმი, ნაციონალ-უკლონისტური დაჯგუფებანი პარტიული ორგანიზაციების შიგნით.

ეს თავისებურებანი აგრეთვე მდგომარეობენ რთულ სამეურნეო და ნაციო-ნალურ ხლართში, რომელიც დამატებითს სიძნელეებს ჰქმნიდა სოციალისტური მშენებლობისათვის.

მტერი არაერთხელ ცდილა გამოეყენებინა ამიერ-კავკასიის ბოლშევიკთა მუშაობის ეს თავისებურებანი და სიძნელეები პარტიისა და საბჭოთა ხელი-სუფლების წინააღმდეგ საბრძოლველად. ტროცკისტები და ზინოვიეველები პარტიის წინააღმდეგ თავიანთი ბრძოლის მთელ მანძილზე, გამცემლობისა და ღალატის მთელ თავიანთ საზიზღარ გზაზე ცდილობდნენ ეპოვათ დასაყრდენი ამიერ-კავკასიის ცალკეულ პუნქტებში.

ლომინაძე, ტერ-ვაჰანიანი, ვარდინი და სხვები ტყუილად კი არ „სეირნობ-დნენ“ შავი ზღვის ნაპირზე და ამიერ-კავკასიისა და საქართველოს ქალაქებში, და ცდილობდნენ გაებათ კავშირი და შეეგროვებინათ ადამიანები კონტრრევო-ლუციური მუშაობისათვის.

ამიერ-კავკასიის ბოლშევიკებმა მშვენივრად იციან თავიანთი მუშაობის თავისებურებანი და სიძნელეები.

ამიერ-კავკასიისა და საქართველოს ბოლშევიკებმა, რომლებიც დიდი ბე-ლადის ამხანაგ სტალინის მიერ არიან აღზრდილნი, მისი გენიალური წინამ-ძღოლობით გაანადგურეს ანტისაბჭოთა პარტიების — მენშევიკთა, დაშნაკთა და მუსავატელთა ძალები, გაანადგურეს ნაციონალ-უკლონიზმი, შეკქმნეს ურღვევი



მშვიდობიანობა ამიერ-კავკასიის ხალხებს შორის და უდიდეს წარმატებებს მიაღწიეს სოციალიზმის მშენებლობაში.

მათ მთელ პარტიასთან ერთად დაამარცხეს ყოველგვარი ოპოზიცია და დაჯგუფებანი თავიანთ საკუთარ რიგებში, მათ მთელ პარტიასთან ერთად განადგურეს კონტრრევოლუციონერი ტროცკისტები და ზინოვიეველები.

და დღეს, როდესაც ტროცკისტულ-ზინოვიევეური კონტრრევოლუციის უმსგავსი ნაბოლარები ცდილობენ ახალი თავდასხმები მოაწყონ სოციალიზმის ქვეყნის წინააღმდეგ, ამიერ-კავკასიის ბოლშევიკები, აძლიერებენ რა ბოლშევიკურ სიფხიზლეს, მტკიცედ დგანან **ლენინ-სტალინის** პარტიის საქმის სადარაჯოზე.

ისინი დაუნდობლად ააშკარაებენ და თავის რიგებიდან ერეკებიან ყველას, ვინც სიფხიზლეს ასუსტებს და მტერს ხელს უწყობს.

ისინი მთელ პარტიასთან ერთად იბრძვიან იმისათვის, რომ დედამიწის პირისაგან აღგავონ და საბოლოოდ და სამუდამოდ მოსპონ სოციალიზმის მტრები.

## VII

სოციალიზმისადმი, **ლენინ-სტალინის** პარტიისადმი და პარტიისა და საბჭოთა კავშირის მთავრობის ხელმძღვანელებისადმი მხეცური სიძულვილით, თავისი უძღურებისა და უსუსურობის შეგნებით, კარიერისტებისა, შკურნიკებისა და მაროდირების საძაგელი სულის პატრონი მტრები დაადგნენ სოციალიზმის საქმისათვის მებრძოლთა წინააღმდეგ ტერორის გზას.

სწორედ ესენი — ტროცკისტები, ზინოვიეველები — არიან მოწინავე კოლმეურნეობათა ცალკე ხელმძღვანელებისა და სტახანოველების ფარულ საზიზღარ მკვლელობათა ორგანიზატორები სოფლად.

სწორედ ესენი არიან, ცალკეულ მუშათა სასადილოებში საქმელში საწამლავს რომ ურევენ, რათა ქარხნის საუკეთესო სტახანოველები მოსწამლონ.

სწორედ ესენი არიან, ჯაშუშთა და სადივერსიო ჯგუფებს რომ აყალიბებენ, რათა ხელი შეუწყონ ფაშისტებსა და იმპერიალისტებს საბჭოთა ხელისუფლებასთან ბრძოლაში.

სწორედ ესენი არიან, პარტიისა და მთავრობის ხელმძღვანელთა წინააღმდეგ ხელყოფის მოსამზადებლად ტერორისტულ ჯგუფებს რომ ჰქმნიან.

მაგრამ ისინი სასტიკად სცდებიან თავის ანგარიშში.

თავისი სასიკვდილო აგონიის დროს ამ მუქარით ისინი ვერავის დააშინებენ, ვერავის შეარყევენ.

ჩვენ ქვეყნის ბოლშევიკები და მშრომელი მასები გააძლიერებენ სტალინურ სიფხიზლეს და მტერს მოსპობენ.

ამხანაგი **სტალინი** ამბობდა: მტრები „იმედს ამყარებდნენ იმაზე, რომ დავეშინებინეთ და იძულებული გავეხადეთ გადაგვეხვია ლენინური გზიდან. ამ ადამიანებს, ალბათ, დავიწყებიათ, რომ ჩვენ ბოლშევიკები, — განსაკუთრებული ყალიბის ადამიანები ვართ. მათ დავიწყებიათ, რომ ბოლშევიკებს ვერ შეაშინებთ ვერც საძინელებით, ვერც მუქარით. მათ დავიწყებიათ, რომ ჩვენ გვაწრთობდა

დიდი ლენინი, ჩვენი ბელადი, ჩვენი მასწავლებელი, ჩვენი მამა, რომელმაც არ იცოდა და არც სცნობდა შიშს ბრძოლაში. მათ დავიწყებით, რომ რაც უფრო მეტად ცოფდებიან მტრები და რაც უფრო მეტი ისტერიკა მოსდით მოწინააღმდეგეებს პარტიის შიგნით, მით უფრო მეტად იკაეებიან ბოლშევიკები ახალი ბრძოლისათვის და მით უფრო სწრაფად მიიწევენ წინ“.

ბოლშევიკური პარტიისა და საბჭოთა ხელისუფლების მტრებს დავიწყებით, რომ ჩვენს პარტიასა და ქვეყანას ხელმძღვანელობენ სტალინური ცენტრალური კომიტეტი და გენიალური დიდი ბელადი სტალინი — ჩვენი მასწავლებელი, ჩვენი მამა, რომელიც არ სცნობს ბრძოლაში შიშს და მხოლოდ წინ მივყევართ, რომელიც გვაძლევს ბოლშევიკური სიფხიზლის ნიმუშებს და მტრების მახვილს არიდებს პროლეტარულ რევოლუციას, რომელიც როგორც დარაჯი, დგას ჩვენი პარტიისა და ჩვენი ქვეყნის ძლიერების საფუძვალზე.

ამიერ-კავკასიის ბოლშევიკები მთელ პარტიასთან ერთად კიდევ უფრო აამაღლებენ შემტევ სიფხიზლეს და გააძლიერებენ დაუნდობელ ბრძოლას თვალთმაქცების, საზიზღარი მოღალატეებისა და გამცემლების, კონტრრევოლუციონერი ტროცკისტ-ზინოვიეველებისა და მათი ხელისშემწყობების წინააღმდეგ. გააცამტვერებენ სოციალიზმის მტრებს.

ამიერ-კავკასიის ბოლშევიკები თვითეულ კომუნისტსა და კომკავშირელს, თვითეულ მშრომელს დაუღალავად აღუზრდიან ღრმა სიძულვილს მტრების მიმართ, და მასების მძვინვარებას გააძლიერებენ განადგურებული ექსპლოატატორული კლასებისა და მათი აგენტურის ნარჩენთა კონტრრევოლუციური ხრიკების წინააღმდეგ.

ამიერ-კავკასიის ბოლშევიკები ამიერ-კავკასიის რესპუბლიკათა მშრომლების გულში შემდეგაც დაუღალავად აღზრდიან სიყვარულისა და ერთგულების გრძნობას თავისი აყვავებული საშობლოსადმი, ბოლშევიკური პარტიისა და სსრ კავშირის მთავრობისადმი, ხალხთა ბელადის, მშობლიური, დიდი სტალინისადმი, რომლის ბრძნული ხელმძღვანელობით სსრ კავშირში მოპოვებულია კაცობრიობის ისტორიაში გაუგონარი გამარჯვება სოციალიზმისა და რომლის ხელმძღვანელობით მთელი მსოფლიოს მშრომელი კაპიტალიზმთან გადამწყვეტ შეტაკებებში დიად გამარჯვებებს მიაღწევენ.

# მეზი ჩავოლუციონური სიზხიზლა

დიადი საბჭოთა ხალხი, მჭიდროდ დარაზმული ლენინ-სტალინის უძლეველი დროშის ქვეშ, წარმატებით აშენებს სოციალისტურ საზოგადოებას, ამყარებს ბედნიერ ცხოვრებას—თავისუფალი შრომის სამყაროს.

საბჭოთა კავშირის ახალი კონსტიტუციის პროექტში მკაფიოდ გამოხატულია სოციალიზმის პირველი სამშობლოს—საბჭოთა ქვეყნის უდიდესი მიღწევები სოციალისტური მშენებლობის ყველა ფრონტზე. პირველად კაცობრიობის მთელ ისტორიაში ჩვენი ქვეყანა ნამდვილად ანხორციელებს დემოკრატიის უმაღლეს პრინციპს. პიროვნების თავისუფლების, რასებისა და ერების სრული თანასწორობის, მასებისათვის თავისუფალი შრომის, დასვენებისა და განათლების უზრუნველყოფის დიადი იდეები ჩვენს ქვეყანაში ხორცშესხმულ რეალობად იქცა. ამიტომაც ჩვენი სამშობლო ყოველდღიურად იძლევა სოციალისტური შრომის უჩვეულო რეკორდებს. ჩვენს ქვეყანაში წარმოიშვა და მძლავრად გაიშალა სტახანოვური მოძრაობა, რომელიც, სახელისა და გმირობის საქმედ ქცეული, შრომის სასწაულებრივ შედეგებს გვაძლევს.


და რაც უფრო დიდია სოციალიზმის გამარჯვებები, რაც უფრო მტკიცე და შეურყეველი ხდება საბჭოთა ხალხის ბედნიერი ცხოვრება, მით უფრო დიდია განადგურებული კონტრრევოლუციის უკანასკნელი ნამსხვრევების გაცოფება და მათი სიძულვილი მუშათა კლასის საქმისადმი. ხალხის მოსისხლე მტრები, რომელთაც ესმით რევოლუციური საბჭოთა ხალხის ძლიერება, გადადიან ბრძოლის მუხანათურ, ფარულ და ავაზაკურ მეთოდებზე.

კლასთა ბრძოლის ისტორიას არ ახსოვს რეაქციის მოციქულთა ისეთი ვერაგობა და მუხანათობა, როგორსაც მიაღწია კონტრრევოლუციურ ტროცკისტ-ზინოვიეველთა ბანდამ, საერთაშორისო ფაშიზმის ამ სისხლიანმა აგენტურამ.

ტროცკისტ-ზინოვიეველთა ტერორისტული ცენტრის გასამართლებამ მთელი ქვეყნისათვის ნათელი გახადა, თუ რამდენად მოღალატურ და ვერაგულ გზას დაადგა ხალხისაგან საბოლოოდ გარიყული და სასიკვდილოდ განწირული კონტრრევოლუციური ბანდიტების ეს ერთი მუჟა ხროვა.

ისინი დაადგნენ ტერორისა და ბანდიტიზმის გზას. მათ ფაშისტური გერმანიის პოლიციის (გესტაპოს) დახმარებით მუხანათურად მოჰკლეს საბჭოთა ხალხის საამაყო შვილი, პროლეტარული რევოლუციის ერთ-ერთი საუკეთესო მოღვაწე, დიდი სტალინის უსაყვარლესი თანამებრძოლი **სერგეი მირონის-ძე კიროვი**. და მას შემდეგ ტროცკი-ზინოვიევი-კამენევის სისხლიანი ბანდა შეეცადა სისხლით შესვრილი ხელი აღემართა საბჭოთა ხალხის და მთელი მსოფლიოს

12 753



მშრომელთა საყვარელი ბელადისა და მასწავლებლის დიდი **სტალინის** და მისი სახელოვანი თანამებრძოლების წინააღმდეგ.

სისხლიანმა ავანტურისტებმა ვერ განახორციელეს თავისი შავბნელი განზრახვა. საბჭოთა ხალხის განუსაზღვრელი სიყვარული და ერთგულება რკინის კედლივით გარს არტყია დიდი ბელადის, პარტიისა და საბჭოთა მთავრობის ხელმძღვანელთა სიცოცხლეს. ავაზაკების ბანდა საბჭოთა ხალხის ერთსულოვანი ნებისყოფით განადგურებულ იქნა პროლეტარული მართლმსაჯულების სამართლიანი განაჩენით.

მთელი ჩვენი ქვეყანა უდიდესი კმაყოფილებით გამოეხმაურა ამ განაჩენს, როგორც ხალხის სურვილისა და ნებისყოფის ზუსტ გამოხატულებას.

შეტევითი რევოლუციური სიფხიზლის გაძლიერება, კიდევ მეტი შეუირიგებლობა კლასობრივი მტრის ნარჩენების მიმართ — ასეთი დასკვნა გამოიტანა საბჭოთა ხალხმა ტროცკისტ-ზინოვიეველთა ტერორისტული ბანდის გასამართლებისა და ღირსეულად დასჯის ფაქტიდან. ეს დასკვნა სავსებით შეეხება ლიტერატურულ ფრონტსაც. საბჭოთა მწერლების წინაშე მთელი სიმწვავეით ისახება ამოცანა ლიტერატურული ფრონტის იდეური სიწმინდისათვის გაათქვამული ენერგიით ბრძოლისა.

ცნობილია, რომ კონტრრევოლუციური ტროცკიზმი ყოველთვის ცდილობდა თავისი რეაქციური მიზნებისათვის გამოეყენებია მხატვრული მწერლობაც — მასების შეგნებაზე ზემოქმედების ეს ერთ-ერთი უძლიერესი იარაღი.

ტროცკისტ-ზინოვიეველთა ტერორისტული ბანდის ერთ-ერთი აქტიური წევრი პიკელი მთელი რიგი წლების განმავლობაში თვალთმაქცურად ატარებდა საბჭოთა მწერლის ნიღაბს. ამავე ტერორისტული ბანდის აქტიური მონაწილე ტერ-ვაჰანიანი ლიტერატურის დარგშიც აწარმოებდა თავის მოღალატურ „მოღვაწეობას“ და ყოველ მოხერხებულ შემთხვევაში სცდილობდა შენიღბულად თავს დასხმოდა საბჭოთა ლიტერატურის იდეურ შემოქმედებითს პრინციპებს. ის გარემოება, რომ მოსკოვის მწერალთა კრებამ ერთსულოვანად განდევნა საბჭოთა მწერლობის რიგებიდან გამომჟღავნებული ტროცკისტები: ა. სელივანოვსკი, გ. სერებრიაკოვი, ტარასოვ-როდიონოვი, ი. კატაევი, გრუხისკაია, ტროშჩენკო, მოწმობს თუ როგორის გულმოდგინებით სცდილობდა კონტრრევოლუციური ტროცკიზმი ლიტერატურულ ფრონტზე მოკალათებას.

ჩვენი ქვეყნის მშრომელებისათვის ცნობილია ისიც, რომ სომხეთის საბჭოთა მწერლების ორგანიზაციაში გამომჟღავნებულ იქნა ხალხის მტრებისა და კონტრრევოლუციონერების მთელი ჯგუფი, რომელიც თავისი დაშნაკურ-შოვინისტური და კონტრრევოლუციური ტროცკისტული მიზნებისათვის თვალთმაქცურად იყენებდა საბჭოთა მწერლის სახელსა და ავტორიტეტს.

არც ქართული საბჭოთა ლიტერატურა ყოფილა დაზღვეული კონტრრევოლუციური ტროცკიზმის ნაბოლარათა ცდებისაგან, მიტმანებოდნენ ლიტერატურულ ფრონტს და საბჭოთა მწერლის სახელით ეკეთებიათ თავიანთი მოღალატური საქმე.

დიდი ხანი არ არის მას შემდეგ, რაც ქართველ საბჭოთა მწერლების კოლექტივმა ერთსულოვანად განდევნა თავის რიგებიდან ქიქოძე-ნაროუშვილი-ფეოდოსიშვილის კონტრრევოლუციური ტროცკისტული ჯგუფი.

აქტიური ტროცკისტის-ვარდინის ეს წვრილფეხა მაჩანჩალები მთელი რიგი წლების განმავლობაში ანვითარებდნენ კლასიური და თანამედროვე ქართული ლიტერატურის საკითხებში აშკარა მტრულ და მავნებლურ შეხედულებებს.

ისინი ცდილობდნენ სახელი გაეტეხათ ქართული კლასიკური ლიტერატურის საუკეთესო წარმომადგენლებისათვის, ცდილობდნენ წინააღმდეგობა გაეწიათ კულტურული მემკვიდრეობის ათვისების ლენინური თეორიისათვის.

ისინი ცდილობდნენ გაეზიარებინათ ქართული საბჭოთა ლიტერატურის მიღწევები და შეეტანათ ლიტერატურულ ცხოვრებაში გულგატეხილობისა და დაბნეულობის განწყობილებანი. მათ სცადეს დაპირისპირებოდნენ საბჭოთა მწერლების შემოქმედებით, პოზიციას და „რომანტიული“ ფრაზეოლოგიის სამოსელით ობიექტურად თავს ესხმოდნენ სოციალისტური რეალიზმის პრინციპებს. ამით მათ ჰსურდათ ქართული საბჭოთა ლიტერატურა აეცდინათ ჩვენი სოციალისტური სინამდვილის გამოხატვისა და ამ სინამდვილის განმტკიცებისათვის ბრძოლის ძირითად გზიდან. ამ კონტრრევოლუციურ-ტროცკისტული ჯგუფის წევრები ცდილობდნენ კიდევ თავიანთ „პრაქტიკაში“ დაეპირისპირებინათ მომავალი თანამედროვეობისათვის.

ისინი მთელი სიმკაცრით იქნენ ნხილებულნი და განდევნილნი ჩვენი ლიტერატურის რიგებიდან. ჩვენ ვალდებულნი ვართ დაუნდობლად აღმოვფხვრათ ამ მავნებლურ-კონტრრევოლუციური მუშაობის ყოველი კვალი ჩვენი მწერლობის სინამდვილიდან.

კლასობრივ მტრის ნარჩენებისადმი სიფხიზლის მოღუწება, მისდამი შემარიგებლობა, — ეს დაძაბული ლიბერალიზმი, მოღალატურ და მტრულ მოვლენას წარმოადგენს. საბჭოთა მწერლობის კოლექტივის გამჭრიახ თვალს არ უნდა გამოეპაროს კლასიურ მტრის არც ერთი შენიღბული განზრახვა.

ასეთი სიფხიზლე ვერ გამოიჩინა საქართველოს საბჭოთა მწერლების კავშირის სომხურ სექციის ხელმძღვანელობამ, რომელმაც სექციის რიგებში დატოვა და ლიტერატურაში მავნებლური მუშაობის საშუალება მისცა ტერორისტულად განწყობილ ტროცკისტ გეორჯ ხალატიანს, მის შემდეგაც კი, რაც იგი ნიღაბხდილი და პარტიიდან გარიცხული იყო.

ქართველ საბჭოთა მწერლების საერთო კრებამ ერთხმად განდევნა საბჭოთა მწერლების რიგებიდან კონტრრევოლუციური ტროცკიზმის გაუსწორებელი ნაშიერი სევასტი თალაკვაძე, მაგრამ ის ფაქტი, რომ მთელი რიგი წლების განმავლობაში ბეჭდავდნენ და ავრცელებდნენ „მწერალ“ სევასტი თალაკვაძის აშკარა ხალტურულ და იდეურად მავნე „ნაწერებს“, მოწმობს, რომ ჩვენი საგამომცემლო ორგანიზაციების სარედაქციო მუშაობაში ყოველთვის როდია გამოყენებული რევოლუციური სიფხიზლისა და ბოლშევიკური თვითკრიტიკის ბასრი იარაღი.

უკლასო სოციალისტური საზოგადოების მშენებლობის დღევანდელ ეტაპზე საბჭოთა ლიტერატურის წინაშე უაღრესად დიდი და საპასუხისმგებლო ამოცანებია დასმული. პარტია და საბჭოთა ხელისუფლება დიდი მზრუნველობითა და სიყვარულით ზრდის ჩვენს ლიტერატურას, ყოველ მხრივ ხელს უწყობს მას, შეჰხარის მის ყოველ მიღწევას და წარმატებას.

მაგრამ საბჭოთა ლიტერატურის ზრდისათვის უდიდეს საშიშროებას წარმოადგენს თვითკმაყოფილებისა და მიღწევებზე დამშვიდების საშიშროება. საბჭოთა მწერლობამ არცერთი წუთით არ უნდა დაივიწყოს, რომ იგი წარმოადგენს კულტურის ფრონტზე რევოლუციურ კლასის მებრძოლ ძალას, რომლისგანაც მოითხოვს ქვეყანა დიდ იდეურ სიწმინდეს და რევოლუციურ პრინციპულობას.

საბჭოთა მწერლების კოლექტივმა კიდევ მეტად უნდა გააძლიეროს ბრძოლა ლიტერატურის ფრონტზე ანტიპროლეტარულ იდეოლოგიის ნარჩენების წინააღმდეგ. ამ ბრძოლის ერთ-ერთ საუკეთესო საშუალებას კი მწერალთა შორის იდეურ-აღმზრდელობითი, კოლექტიურ-შემოქმედებითი მუშაობის გაძლიერება წარმოადგენს. განსაკუთრებით ეს შეეხება ახალგაზრდა მწერალთა თაობას, რომლის იდეურ-აღმზრდელობითი ხელმძღვანელობა ჯერ კიდევ არ სდგას სათანადო სიმაღლეზე.

საბჭოთა ლიტერატურის ახალგაზრდა კადრების ძირითად საბრძოლო ამოცანას წარმოადგენს დაუღალავი შრომა **მარქს—ენგელს—ლენინ—სტალინის** მოძღვრების ღრმად შესათვისებლად. მათი შემოქმედებითი ზრდის აუცილებელი პირობაა ჩვენი სოციალისტური სინამდვილის ზედმიწევნითი ცოდნა და **ლენინ-სტალინის** პარტიის იდეებით ღრმად შეიარაღება.

საბჭოთა მწერლობამ არა მარტო უნდა შეუვალი გახადოს თავისი რიგები შენიღბული კლასობრივი მტრისათვის, არამედ მხატვრულ საშუალებათა მთელი სიძლიერით უნდა გააღვივოს ხალხის გულში კიდევ მეტი ზიზღი და მძულვარება სოციალიზმის მტრებისადმი.

მეტი რევოლუციური სიფხიზლე და შეურიგებლობა კლასობრივ მტრის ნარჩენებისადმი, ამას გვასწავლის **ლენინ-სტალინის** დიადი პარტია და ხალხთადიდი ბელადი აშხ. **სტალინი**. აქეთკენ მოგვიწოდებს საქართველოს ბოლშევიკების სახელოვანი ხელმძღვანელის აშხ. **ლ. ბერიას** წერილი **„გავაცამტვეროთ სოციალიზმის მტრები“**, რომელიც ღრმად უნდა შეისწავლოს საბჭოთა მწერლების კოლექტივმა და ჩვენი ლიტერატურის ახალმა თაობამ.



## შადროვანი ჭაობის ბაღი

ბაღს აუხილა მებღემ თვალი,  
აჰყვებ შხუილი ნიავის ნათქვამს,  
აუზის შუა ავარდა წყალი  
და მარმარილოს ხესავით დადგა.

აუზის შუა ავარდა წყალი,  
იმსხვრევა, შხუის შხეფების მტვერი.  
ონკანში დუმდა ტუსალი მცხრალი,  
გახსნეს,—იქუხა, იცვალა ფერი.

რა შრიალია! ჩიტებმა შურით  
შხეფების ჩურჩულს დაუგდეს ყური.

დგანან ჭადრები და ჭადრებს იქით,  
სადაც მავთული გაუბამთ ეკლის,  
ზვიადი მზერით, ამაყი ფიქრით,  
გასცქერის ქალაქს პოეტის ძეგლი.

დგანან ჭადრები ნანაში თქორით,  
პუშკინის ძეგლი ჩვენს ქუჩებს ზვერავს,  
დგანან ჭადრები და ჭადრებს შორის  
ხე—მარმარილო იტაცებს მზერას.

შემოტრიალდი, ქუჩებს რომ ზვერავ,  
ერთი, ამ ხესაც მოაპყარ მზერა.

ბახჩისარაის შადრევნის სურნელს  
შენ ეზიარე მთვარიან ღამით,  
წყლის გაგიჟება გიყვარდა თურმე  
და სასახლენი გირეი ხანის.

აქ არც გირეის სასახლენია,  
არც მუჰამედის ნახევარ-მთვარე,  
ეს შადრევანი აქაც შენია,  
შენგან ნაქები შეგზარის მხარე.

უცებ რომ ქარი გაჩნდეს ამ ხეზე,  
აღმასის შხეფებს დაგაყრის მხრებზე.

აუზის შუა იმსხვრევა წყალი,  
აბოლდა ბალში შხეფების მტვერი;  
ონკანში დუმდა ტუსალი მცხრალი,  
გახსნეს, — იქუხა, იცვალა ფერი.

გულს გარინდება მოკლავს, თუ მოკლავს-  
ლექსს მოედება დუმილის ხავსი:  
ნუ გადაკეტავ, მებაღევ, ონკანს;  
პოეტს შადრევნის შხეფები ასვი.

პოეტს შადრევნის შხეფები ასვი,  
მისი ლექსების შხეფების მსგავსი.







რა საამურად შრიალებს ბაღი,  
 მხურვალე ჟული მიიწევს მისკენ.  
 სახეში ოქრო ღიმილებს მაყრის,  
 ლურჯ ფოთლებიდან ღიმილი მიცქერს.  
 საკრებულოა აქ კეთილ ხეთა.  
 არის ბაასი მათ შორის ღამით.  
 ყელმოღერებით ზღვის პირას სხედან  
 და ირხევიან აშოლტილ ტანით.  
 მინდა ალერსი დავსტოვო ჩემი,  
 ვდგავარ ნაწვიმარ ლურჯ ბაღის კართან,  
 და მაცქერდება მალღიდან თხემი,  
 ზედ მთვარე ზის და ოქროს ძაფს ართავს!  
 გოგო ტოტებ-ქვეშ ალერსით მოდის,—  
 შორს-კი მდინარის ისრის თარეში,—  
 სხივებს შეაფრქვევს მას ოქროს ზოდი  
 მხურვალე გრძობით სავსე თვალებში!  
 წვრილი ეკალი შეესო ფეხში,  
 როცა ღიმილებს უცქერდა მალღა.  
 მისი თვინიერ თვალების ეშხი  
 ბაღში კიაფობს უმწიფეს მაყვლად!  
 ანათებს სახე ვარდისფერ ალით,  
 ასხიათ ხეებს ელნათურები.  
 ნერგებში სტოვებს სიმღერას ჩავლით,  
 ხენი უცქერენ, როგორც სტუმრები,  
 საკრებულოა აქ კეთილ ხეთა,  
 არის ბაასი მათ შორის ღამით.  
 მწვანე ხავერდზე მდიდრულად სხედან  
 და ისუნთქავენ ზღვის ჩხრიალს ტანით!

ჩამოუარა ყველას ალერსით,  
კაცის ალერსი სწყურიათ ხეთა.  
სუფევდა გრძნობა უმხურვალესი,  
მთვარემაც გრძნობით გადმოიხედა!  
საკვირველია ლიმონის ტანი,  
მისი სისხლი და ხორცი სურნელი,  
უგრძნობისათვის გრძნობის მომტანი,  
განმკურნებელი განუკურნელის.  
ზღვას ურევია ტალღებში ვერცხლი,  
ვერცხლის კოვზების მავონებს ჩხრიალს.  
ანთია ბაღში უკვამლო ცეცხლი  
და მღოღხე მაინც აღმდსი ჰყრია!!





## ფიქრები ლაქვარდში



ფრთხილად გადახველ  
დაბროლებულ არწივის ფრთაზე.  
მხრებგამართული ნიშანს მოელი...  
ესალმებიან  
შენს გმირობას და სილამაზეს  
მშობელი ქვეყნის მიდამოები.  
ახლა ნიშანიც,  
გადაეშვი წარბშეუხრელი...  
ზეცას მივარღვევთ მე და პილოტი.  
ფრთებს გვაბერტყავენ  
მოკამკამე თეთრი შურთხები  
და ლაქვარდები უნაპირონი.  
მიადგ მიჯნას...  
პარაშუტი აფეთქდა უცებ,—  
შევარდენივით შეჭკარ კამარა...  
შეაფრიალებ  
გამარჯვების მეთე ფურცელს,—  
და მეგობრებთან მიჰქრი თამამად...  
მსურს ავხმიანდე  
სამაისო წვიმის შხაპუნით,—  
და შესადარი გიმღერო ქება.  
არ დავდუმდები,  
როგორც ქვევრი ამოხაპული...—  
ბექის ფრთებიდან გრიგალი დგება!..

გაზაფხულია,  
დასარტყლულა მწვანე ფარჩებით:  
ზვრები, მინდვრები, სერების გროვა.  
მთაში ჩახჩახებს  
უამრავი ლურჯი ჩანჩქერი:  
— სიყვარულის და გმირობის დროა!..

გაზაფხულია,  
ძვლები თბება, სისხლი ჩქრიალებს.  
ქვეყანა მღერის, ქვეყანა ხარობს!..  
გასწი, არწივო,  
სილურჯეში შეგვაგრიალე,—  
რომ კაბუკობის დღე მოვიხმაროთ!..






ამღერდნენ: თესლი ვარჩიოთ,  
 მზეზე ვაკაყებთ ქარ-მუხლენს.  
 დილის ცა ჰგავს სათარჩიოდ <sup>1</sup>  
 შესაკერ საახალუხეს.

დაბერტყეს ოქროს კალთები,  
 ისმის სიმღერა ბუნების,—  
 მღერიან, თითქოს ანთებით,  
 შორს მწყემსთა სილამურებიც.

ვხედავ, კარგებო! ქორ-ნიავეს  
 შორს მიჰქვს თქვენი სიმღერა.  
 ტყეც ისმენს,—ასე მგონია,  
 მთამ ყელიც კი მოიღერა.

სხვა უფრო რა გვიხაროდა,  
 მზე გვადგას ნათელთვალება.  
 აკიდოები ტაროთა  
 ყანებს ანთებს ალეზად.



1) თარჩია—ჯირითის ერთი სახეა სამეგრელოში.

## ტიტა ჯვარშიშვილი

ბერიას სახელობის ვაგ. შემკ. ქარხ.

სტახანოველი მუშა.




## სტახანოველის სიმღერა

ვიყავ ჯერ კიდევ სოფლელი ბიჭი,  
აქ ქარხანაში როცა მოველი.  
ვისწავლე შრომა, გამეხსნა ნიჭი  
და დღეს მუშა ვარ სტახანოველი.

ვდგავარ დაზვასთან ჯანსაღი სულით,  
გმირულ შრომაში ეპოულობ შეგებას,  
შრომის ტექნიკას დაუფლებული,—  
ბრწამს, არ შევარყევ ჩემს მტკიცე ნებას.

მკლავებში მოსჩქეფს ვაჟკაცის სისხლი  
და გული ჩემი ვეფხვივით ბორგავს.  
ალარ მაწუხებს თვალეებში ნისლი,  
სწრაფად ვაბრუნებ ჩემ დაზვის ბორბალს

მაღლა ასწიეთ თქვენც შრომის დროშა,  
თან გააკაჟეთ გული და მკლავი.  
გვიყვარდეს შრომა, ვუმღეროთ შრომას  
სტახანოვეური ჰარი-არალი.





ეგ თვითმფრინავი ელვაზედაც უსწრაფესია, სტრეეებ მიწას და აიჭრები ლაჟვარდში რხევით. რამდენი თვალი ფრინველივით შემოგესია, უსაზღვროებას გაბედულად გადაეხვევი. ადგა გრიგალი... მასთან შენი ბრძოლა ავდება, მძლავრი ხმაურით შეაშფოთე ღრუბელთა ფარა. ხარბობ სიმაღლეს, თვითმფრინავი პატარავდება, ხმას ვინ მოგაწვდენს, — შემოგძახოს: „გეყოფა, კმარა!“ ისე შორს წახველ, რომ ვარსკვლავზე ხელი გეველება, სამშობლოსადმი სიყვარულით მოძრაობს მაჯა. ეგ თვითმფრინავი მიწას სარტყლად შემოეველება, მიწაზე ჩვენ და შენ კი ცაში გასწიე გარჯა: იფრინე ლალად, ხარ მგრეველი ნისლების მადნის. შენ სიხარული ცას დაჰკიდე ცისარტყელებად. ჩამოგვიტანე: საბჭოთა ცის სიტკბო და მადლი. იფრინე, რადგან გამბედავ გულს ასე ენება. რა არის კრთომა? წინ ისწრაფვის ამაყი გული, ცაში თარეშის სიძნელეთა დაღეწე ფარი. მაგ თავდადებით მტერი დარჩეს შეშფოთებულ და უბერავდეს მისკენ მუდამ წუხილის ქარი. შემოგნატრიან: „ახ, ნეტავი ჩვენც ვიყოთ მანდა!“ გრიგალიც გახდა შენთან ბრძოლით უძლური მძიმედ. შენთან სივრცეში დააქროლებ ლენინურ მანდატს, კომკავშირელის სიხარულსა და მთავარ იმედს. ეშვები დაბლა... მიწამ მკერდი გადაგიშალა. და დაინახავ სახეებზე სიხარულს ულევს. ზეციდან მიწას ჩამოუტან მხურვალე სალამს, გვეტყვი: მნათობთა ოჯახში რა მოინახულე!





როდესაც გია ჯარში გაიწვიეს, მისი ცხოვრების ერთი ხანა დამთავრდა და მეორე, ახალი დაიწყო.

მთებში მივარდნილ, მიყრუებულ სოფლის შვილს, რომელსაც რამდენიმე კილომეტრზე მდებარე რაიონის ცენტრიც კი არ ენახა, ქალაქი რალაც ზღაპრულ სანახაობად მოეჩვენა; ყაზარმა კი, რომელიც პირქუშ და მიუკარებელ ადგილად წარმოედგინა, ახალ, ლამაზ ცხოვრების სათავედ შეეგება მას. მრისხანე უფროსები, რომლებიც მისი წარმოდგენით, გინებით უნდა დახვედროდნენ ყაზარმაში, საუკეთესო, გულთბილ, მოსიყვარულე უფროსი ამხანაგების სახით შეეგებნენ. მათ მისი ცხოვრების ყოველი წვრილმანიც კი ეინტერესებოდათ და ყოველმხრივ ცდილობდნენ ჩამორჩენილ კუთხეებიდან ჩამოსული გიასთანა ახალგაზრდები ახალი ცხოვრების მოთხოვნილებათა მიხედვით აღეზარდათ.

ბოროტი, შუბლშეკმუხენილი, ბრაზიანი მეთაურის ნაცვლად, რომელსაც იგი მოელოდა, მუდამ მომლიმარი პოლიტხელი მიუჯდებოდა ხოლმე გიას გვერდით და საათობით ესაუბრებოდა, ასწავლიდა და ეს მოპყრობა იყო იმის მიზეზი, რომ მთის შვილი გია, ანუ „მინდვრის მგელი“, როგორც მას სოფლად უწოდებდნენ, სულ რამდენიმე თვის განმავლობაში მთლად შეიცვალა. ძველი იერი-დაკარგა და ახალი ცხოვრების შეთვისებას ხარბად დაეწაფა.

— ეჰ, ამხანაგო პოლიტხელო, ჩემი ბრალი არ იყო, რომ პირველად, როდესაც აქეთ მოვდიოდი, ყაზარმისა მეშინოდა. — არა ერთხელ უთქვამს გიას ასეულის პოლიტხელისათვის.

დედ-მამა რომ დაჩეხოცა რვა წლისა ძლივს ვიქნებოდი. სიმშლით რომ სული არ ამომძრომოდა, იძულებული შევიქენი მოჯამაგირედ დავდგომოდი სოფლის ბობოლა გლეხს თედოს, რომელსაც მთელი სოფელი ხელში ეჭირა. თითის ტოლა ბალს იმდენ საქმეს მაკეთებინებდნენ, რომ მის გაკეთებას შეღერებული ვაჟკაციც კი ვერ შესძლებდა. დილით ჯერ ისევა ბნელოდა, როდესაც ვდგებოდი და კარგა დაბინდებამდე დასვენება არ ვიცოდი. კულაკის ნახირს მე ვუვლიდი, გუთანს მე მივსდევდი, ლამის ხარში მე დავდიოდი, ხელზე მე ვემსახურებოდი და კიდეც ვინ ჩამოსთვის რამდენ რას მაკეთებინებდნენ. ჩემი საქმელი კი ერთი დაობებული პური იყო, ლოგინად დაგლეჯილი ფარაჯა მქონდა. ტანისამოსად კი ათჯერ გამონაცვალნი და ათას ალაგს დაკონკილი შარვალ-ხალათი და წინდა-ქალამანი.



— კარგი და, ნათესავი ან პატრონი არავინ გყვანდა?

— ნათესავი ვინ მყვანდა, ამხანაგო პოლიტხელო. ერთი მოხუცი პაპა, რომელიც თითონაც ნახევარზე მშვიერი იყო და ჩემი ჯამაგირიდან წელიწადში ერთ თუმანს მას ვაწვდიდი, რომ სიმინდი ეყიდა და სიმშლით არ მომკვდარიყო. შემდეგაც თავისი არ დაიშალა ჩემმა ბატონმა, ჩემთან დამოკიდებულება თითქმის არც კი შეუცვლია. პირიქით, ხშირად ჩაილაპარაკებდა ხოლმე, როდესაც რაიმე უკმაყოფილებას შემამჩნევდა: „მოიცა, მალე ჩემი დროც დადგება და მაშინ ნახე ტყავის გაძრობა“. მოგეხსენებათ, ჩვენი მხარე მთლად მოწყვეტილია ქალაქს, იქ ვერც ადვილად ვერ ნახავდა კაცი ჭკუის დამრიგებელს, ადგილობრივთაგანი კი ვინ გაბედავდა, როდესაც ყველა დაშინებული ჰყვანდა. მართალია, ბოლო ხანებში, როდესაც მისი მდგომარეობა საგრძნობლად შეირყა, შეიძლებოდა ამის გამოსწორება, მაგრამ ჩემი სისულელით თუ უპატრონობით გზას ვერ ვიგნებდი.

ერთხელ მენახივ ბიჭებმა მიჩიქეს კომკავშირში ჩაწერეო, მაგრამ ჩემმა ბატონმა საშუალება მომისპო კომკავშირის სასოფლო უჯრედში მისვლისა და კომკავშირელებთან შეხვედრაც კი ამიკრძალა. მისი უფროსი შვილი აშკარად მემუქრებოდა, რომ „ლორივით ყელს გამომჭრიდა“, თუ გავბედავდი და კომკავშირს ახლოს გავუვლიდი. სოფელსაც დავიწყებული ვყვანდი და მეც თითქმის დამავიწყდა სოფელი. როდესაც საკოლმეურნეო მოძრაობა დაიწყო, მე დავაპირე გაქცევა, მაგრამ სიკვდილის შიშმა შემაკავა და მართლაც ისე გავგარეუდი, რომ სოფლად „მინდვრის მგელი“ დამარქვეს და ყურადღებასაც კი არავინ მაქცევდა.

— კლასობრივი მტერი ყოველ მხრივ ცდილა შენს დაჯაბნებას და ნაწილობრივ მიუღწევია კიდეც მიზნისათვის.

— ჯარში რომ გამიწვიეს, მაშინ ოდნავ მომიტყბა ჩემი ბატონი. „აბა ჯარში რა გინდა, რომ მიხვალ, იცი იქ რა დღეში ჩავარდები! — მელაპარაკებოდა იგი. — ტყავს გაგაძრობენ, მშვიერ-მწყურვალს გამყოფებენ, დღე და ღამე მოსვენება არ გექნებაო, იმისთანა დღეში ჩავარდები, რომ გაჩენის დღეს იწყებელიდეთ. თუ არ გჯერა, ვანოსა ჰკითხო, და მოწმედ თავისი უფროსი შვილი ვანო მოჰყვანდა ხოლმე. მეც, სიმართლე მოგახსენოთ, ერთის მხრივ კინალამ დავიჯერე კიდეც მისი ქორები და კინალამ თავი ავარიდე ჯარში წამოსვლას. თავს რაზე დავილუპავდი?

— მერე რა წააგე, ჯარში რომ მოხვედი?

— წავაგე. კი არ წავაგე, დავკარგე, ამხანაგო პოლიტხელო, დავკარგე. პოლიტხელმა გაკვირვებით თვალები დააჭყიტა.

— დიახ, დიახ, დავკარგე... კულაკის მონობა დავკარგე. „მინდვრის მგლის“ სახე დავკარგე, წერაკითხვა შევისწავლე, კომკავშირს წევრი გავხდი და ალბათ მალე სრულ ადამიანად ვიქცევი კიდეც.

— შენ უკვე ხარ სრული ადამიანი, ჩემო გია, — თვალები გაუბრწყინდა პოლიტხელს. — არასრული ადამიანი ასე საღად ვერ იმსჯელებს.

— ასეთი მსჯელობა ჯარში ყოფნამ მასწავლა და არც მოვშორდები მას არასოდეს.

და მართლაც, გია სასწაულებს ახდენდა წარმატებებში. წერაკითხვა სამაგალითოდ შეისწავლა, საბრძოლო და პოლიტიკურ მომზადებაში მოწინავე წი-

თელარმიელად ითვლებოდა, იშვიათი ნიჭი; გულისყური და მეტსიერება აღმოაჩნდა და უმცროსი მეთაურის ხარისხიც კი მიიწია. როდესაც სავალდებულო სამსახურის შემდეგ ზემსახურად დარჩენის სურვილი განაცხადა, ლეგიონის სარდლობამ სიამოვნებით დასტოვა იგი, ერთი წლის შემდეგ სამხედრო საფრენოსნო სკოლაშიაც კი მიავლინეს.

გიას სოფელი მშრალხევი ქალაქიდან დღენახევრის მანძილზეა დაშორებული. გზატკეცილი მხოლოდ საბჭოთა ხელისუფლებამ გაიყვანა, მანამდე კი ერთი უბადრუკი საურმე გზითა და რამდენიმე საცალოფეხო ბილიკით უკავშირდებოდა რაიონის ცენტრს.

აღბათ ეს იყო მიზეზი, რომ მშრალხეველები არც თუ ისე ხშირი სტუმრები იყვნენ ქალაქისა. ახალგაზრდობა თუ წავიდოდა, თორემ ხნიერთ სად ჰქონდათ საქალაქე თავი. და ყველა ის „სასწაულები“, რომლებიც ქალაქიდან ამოჰქონდათ სოფლად ახალგაზრდებს, ბევრს მკვიდრთაგანს მთლად მოჰკორილ აქვდათ თუ არა, გაზვიადებულად მაინც მიაჩნდათ.

ოდესღაც ჩამორჩენილი და ნიადაგ ბნელში მყოფი მშრალხევი, რომელიც გვალვასა და ავდარს „ლაზარე“-თი ებრძოდა, დღეს რაიონში მოწინავე სოფელთა რიგში დგას. კულაკი მათე ველარ პარპაშებს, შემძვრალა თავის ნაჭუჭში და იქიდანა სკდილობს დაარღვიოს წონასწორობა კოლექტივში, მაგრამ კოლმეურნეებმა კარგა ხანია მას კბილი გაუსინჯეს და აღარ ეგებიათ ანკესზე.

მშრალხევის კოლექტივი „ახალი ცხოვრება“ სანიმუშოა, კომკავშირის ორგანიზაცია კი — ძლიერი და შეუდრეკელი მებრძოლი ახალი, ჯანსაღი და შეძლებული ცხოვრების მოპოვებისათვის. ახალგაზრდობის თაოსნობით კულტურულად არის მოწყობილი შრომა და დასვენება, ამიტომაც არის, რომ სოფლად ყველა გაერთიანებულია კოლმეურნეობაში; თითო-ოროლა ნაკულაკარის გარდა და ამჟამად კაცი ველარ ნახავს იქ ჩამოგლეჯილსა და მშიერს. კოლექტივმა ქალამნის ჯღანები შნოიანი ფეხსაცმელებით შესცვალა, ჩამოდნძილი ახალბები კობტა ტანისამოსით, უბადრუკი და ნესტიანი მიწურები მიწასთან გაასწორა და მათ ადგილას კრამიტგადაფარებული ქვითკირის ბინები წამოჰქიმა. ლობიოს ნატრულებს კი ყუათიანი საქმელ-სასმელით აუვსო დღეს უკვე ბარაქიანი ოჯახი.

კოლექტივის სათავეში შვებული წითელარმიელი ილაა, ყოფილი მოჯამაგირე.

— რა ვიცი, შეილო, ჩემ დროს ჯარი სატუსალო იყო, დღეს კი სკოლად გადაქცეულა, — არაერთხელ უთქვამთ ილასათვის. — ვიდრე ჯარში წახვიდოდი, ერთი თავის უბედური რალაცა იყავი, გაუგებარი, ბედოვლათი... წახვედი ჯარში და... რა ვიცი, სასწაულია, სწორედ სასწაული.

— აბა რა გგონია, ახალი ცხოვრება ჩვენია, ღარიბი ხალხის, იქ წითელ ჯარშიც ჩვენისთანავე ღარიბ ოჯახებიდან გამოსული მეთაურებია და ისინი გვზრდიან. — უპასუხებს ილა.

— მართალია, შეილო, მართალი. სხვისგან რომ ვაშეგო, ჯორად მივიღებდი, მაგრამ ჩვენის თვალთ რომ ვუყურებთ, ბიჭი ხარ და ნუ დაიჯერებ.

— ეს რა არის. — იცის ხოლმე ილამ. — ჩვენებიანთ გია რომ იყო, აი კულაკ თედოს მოჯამაგირე, ამ ექვსი წლის წინათ ჯარში რომ წაიყვანეს. იმან ხომ მოიხადა ყავლი და მერე ზემსახურად დარჩა, რუსეთში გაუგზავნიათ სასწავლებლად და, მგონია მეთაურიც გამოსულა.

— ვინა, ბიჭო, გიანი?.. აბა რას ლაპარაკობ? წერა იმან არ იცოდა და კითხვა. ქართულს ხეირიანად ვერც კი ლაპარაკობდა და აბა რუსეთში მას რა უნდა ესწავლა? — უკვირს ზოგიერთს.

— რომელა გია, ბიჭო, „მინდვრის მგელი“? თუ ძმა ხარ, თავი დამანებე, აბა იმას ან რუსეთის თავი ვინ მისცა და ან მეთაურობისა, ერთი გაგარეულე-ბული რაღაც იყო, სოფელს არც კი ეკარებოდა და თავის დღესა და საათს კულაკის ნახირში და მინდვრებში აღამებდა ხოლმე. — ჩაერევა მეორე.

— ნუ დაიჯერებთ და საფრენ. ისნო სკოლა დაუმთავრებიაო, გავიგე.

— კარგი, ერთი, მფრინავი არა, ეხლა ის არ გინდა! — ეჭვით შეხვდა ამ ამბავს სოფელი და არავინ დაიჯერა, თუ გია ოდესმე კაცი გახდებოდა.

მშრალხევის მკვიდრთ მხოლოდ გაეგონათ თვითმფრინავი, თვალთ კი არ ენახათ.

უწინ, როდესაც ქალაქიდან ამოსული ახალგაზრდები მოუყვებოდნენ ხოლმე ხნიერთ, რომ იმისთანა მანქანები არსებობს: „სადაც კაცი ჯდება და ჩიტით დაფრინავსო“, ბევრს არ სჯეროდა, ნაწიდი კი ეშმაკეულს აწერდა და ბურტყუნებდა:

— აღამიანო, სად ვაგონილა, რომ აღამიანმა ჰაერში იფრინოს, ჩიტი ხომ არ არის. მართალია, ჭიკოკონობა ღამეს კუდიანმა ბებრებმა იცოდნენ ხოლმე ცოცხზე გადაჯდომა და გაფრენა, მაგრამ ისინი ხომ ეშმაკეულის ძალით დაფრინავდნენ. აღამიანი კი, ქრისტიანი კაცი თუ ვაფრინდება, აბა რა დასაჯერებელია!

ეხლა, თუმცა, მშრალხევიში არავის სჯერა ეშმაკეულისა, რადგანაც ამისი რწმენა სოფლიდან გაქცეულმა მღვდელმა თან გაიტაცა, მას შემდეგ, რაც ადგილობრივმა კომკავშირმა საყდარი კლუბად გადააქცია. მართალია, აღარავინ ლაპარაკობს, რომ მფრინავებს „სული ეშმაკისათვის მიუყიდიათო“, მაგრამ მაინც უკვირთ და მფრინავები წარმოუდგენიათ არა ჩვეულებრივი აღამიანების სახით, არამედ რაღაც განსაკუთრებულ პიროვნებებად, რომელნიც ყველაფრით განსხვავდებიან ჩვეულებრივი აღამიანებისაგან და გიანი, მოჯამაგირე გიანი, „მინდვრის მგელი“ თუ ფრენას ისწავლის, აბა რა დასაჯერებელია.

და აკი არცა სჯერათ მშრალხეველებს.

მშრალხევი გულის თანცქალით მოელის თვითმფრინავის მოფრენას.

პატარა საქმე ხომ არ არის, ნამდვილი თვითმფრინავი უნდა მოფრინდეს და კოლმეურნეთა მინდვრებში გაჩენილი მავნებლები უნდა გაჟლიტოს.

ორი დღეა, რაც აგრონომმა გამოაცხადა, რომ „მინდვრის მავნებლები“ ძალიან გამრავლდნენ და თუ არა თვითმფრინავით, სხვა ზომებით მათი გაჩანაგება შეუძლებელიაო“.

— თვითმფრინავმა როგორ უნდა ამოჰლიტოს მინდვრის მავნებლები, ზედ ტყვიამფრქვევლები სდგასო და აბა იმ ვერანა მავნებლებს ტყვიებს ხომ არ დაუშენს?—უკბილოდ ხუმრობს ზოგი, მაგრამ მაინც გულის ფანცქალით მოელის ხვალინდელ დღეს, რომ საკუთარი თვალით იხილოს „სასწაული“.

მეორე დღეს კოლმეურნეებს თვალი ცისაკენ ეჭირათ, საიდანაც აგრონომის მიერ დაბარებული და კოლმეურნეობის ცენტრის მიერ დანაპირები თვითმფრინავი უნდა გამოჩენილიყო.

მალე მოტორის გუგუნმა შეარყია ჰაერი. მთის მწვერვალიდან უშველებელი ლეგა ფრინველი მოსწყდა და მშრალხევის მინდვრებისაკენ გამოქანდა. მთელი სოფელი ქუდმოგლეჯილი გაეშურა, მხოლოდ ნაკულაკარი თედო და მისი თვალისჩინი ვანო ჩაიკეტნენ სახლში და გარეთ არ გამოსულან, რადგანაც არ უნდოდათ თავისი ხვალით ენახათ თვითმფრინავის ბრძოლა მინდვრის მავნებლებთან.

თვითმფრინავი ისე დაბლა დაეშვა, რომ შიგ მჯდომის გარჩევაც კი შეიძლებოდა. როდესაც მფრინავმა ქუდი მოიხადა და კოლმეურნეებს დაუქნია, მთელი სოფელი ერთხმად აყიჟინდა.

— დაიცა, ვერან, არ დააფრთხო ი ჩიტი და არ გააფრინო აქედან!— ხუმრობით მიმართავს ერთი მეორეს, თვითონ კი უფრო ომახიანად გაჰკივის „ვაშა“-სა და „გაუმარჯოს“.

ორი საათის განმავლობაში დასტრიალებდა თვითმფრინავი კოლმეურნეობის მინდვრებს და აფრქვევდა საწამლავს. გაშტერებული კოლმეურნეები შესცქეროდნენ და უკვირდით, როგორ დასრიალებდა ვეება მანქანა ჰაერში, რომელიც ხან თუ ზევით აიწევდა, ხან ისევ დაეშვებოდა დაბლა, თითქოს ეს არის ხელით მისწვდება კაციო.

მართალია, მშრალხეველებს ბევრი რამ გაეგონათ თვითმფრინავზე, უფრო მეტიც წარმოედგინათ, მაგრამ სინამდვილემ ყველაფერს გადააჭარბა. აბა რომელი ჩიტი დასრიალებს ჰაერში ასე სწრაფად, როგორც ეს ფოლადის ფრინველი. რა ვიცი მერცხალი თუ შეეჯიბრება, თორემ დანარჩენისა რა მოგახსენო.

თვითმფრინავმა მუშაობა დაამთავრა. კიდევ ერთხანს დაბორიალობდა მინდვრებზე და თანდათან მალლა მიიწევდა. როდესაც ისე მალლა ავიდა, რომ ჩვეულებრივ ფრინველის ოდენად-ღა სჩანდა და კოლმეურნეებმაც იფიქრეს, რომ უკვე გაფრინდებოდა, თვითმფრინავი ჰაერში გადმოყირავდა და რამდენიმე ყულფი გააკეთა.

კოლმეურნეებში ყრუ დრტვინვა გაისმა. ყველას გული უფანცქალებდა. ყველას ეგონა, ესეც არის მიწას დაეძგერება და ნამსხვრევებად იქცევა, ან მყრინავი გადმოვარდება და მთლად დაილეწებაო, მაგრამ არც თვითმფრინავი დასკდა მიწას და არც მფრინავი გადმოვარდნილა.

— არა, ძმაო, შენ რაც გინდა სთქვი და შიგ თუ ნამდვილი ადამიანი იქნება, რა ვიცი, ვის გაუგია, რომ ადამიანმა ჰაერში ყირამალა იტრიალოს. ჩიტი ხომ ჰაერის შვილია, ბიჭია და ამისთანა რამეს იზამს.

და მართლაც, მფრინავი იმისთანა საკვირველებათ უჩვენებდა კოლმეურნეებს, რომ შიშისაგან მათი გული საგულედან ამოვარდნას აპირებდა. თვითმფრინავმა უკანასკნელი წრე შემოავლო, მარჯვენა ფრთაზე დაეშვა და ტყვიასავით

წამოვიდა მიწისაკენ. მაყურებლებს ხვნეშა ამოხდათ, მოელოდნენ რაღაც საშინელებას, მაგრამ ვიღრე მიწას მოაღწევდა, მეორე ფრთით გასწორდა, ხალხის თავზე გადასრიალდა და ვაკე ველისაკენ გაეშურა. თვითმფრინავი შემოტრიალდა, ამოარჩია ხელსაყრელი ადგილი, დაეშვა, გასრიალდა და გაჩერდა.

ხალხი გაქანდა თვითმფრინავისაკენ. კაბინის კარი გაიღო და იქიდან გამოვიდა ჩვეულებრივი ახალგაზრდა, სამხედრო ფორმაში კოხტად გამოწყობილი.

— გამარჯობათ, ძმებო, გაწა ველარ მიცანით თქვენი ძმა და შვილი?— შესძახა მან.

— რა ვქნა, ვინ არის ეს ბიჭი?— მირბიან და თან ერთმანეთს ეკითხებიან კოლმეურნენი.

— ჩვენი გიაი, ჩვენი გიაი!..— შესძახა თავმჯდომარე ილამ და გაქანდა.

— ვინ გიაი, ბიჭო, „მინდვრის მგელი“? თუ ძმა ხარ!

— რა ვქნა, რამ აგებათ თვალები, თქვე ვერნებო, „მინდვრის მგელია“, აბა მართლა ეშმაკი კი არ არის.

ხალხი გიას შემოეხვია, ყველა სცდილობდა ხელი ჩამოერთმია და თავისი სიხარული იმითი გამოეხატა.

— ბიჭო და შენ იყავი ჰაერში რომ ალაც-მალაცს გადადიოდი?

— მე ვიყავი, მერე რა არის?— იღიმება გია.

— შენთვის არაფერი, ზოგიც მე მკითხებ.— გამაალო თვითმფრინავის კაბინის კარი შეშინებულმა აგრონომმა და გამოძვრა.

— მაგას რომ სიკვდილ-სიცოცხლე ფეხებზე ჰკიდია, ზოგიც მე მკითხოს, მეც მინდა სიკვდილი თუ არა!— იძახის აგრონომი.

— ნუ გეშინიან, ძმობილო, სიკვდილი არც მე მინდა და იმისთანა არაფერი გამიკეთებია, რაც უბრალო და ჩვეულებრივ რამედ არ არის გადაქცეული რიგიანი მფრინავისათვის.

გაშტერებული ხალხი ძლივს დარწმუნდა, რომ ეს ის გაუთლელი გია, წერაკითხვის უცოდინარი და გაგარეულებული გია იყო, რომელსაც ჯარში წასვლამდე კაცად არც კი აგდებდნენ და თუ მისგან ხეირიანი რამ გამოვიდოდა არც კი ეგონათ.

გიამ წინადადება მისცა მსურველთ, გაფრენისა.

გამოჩნდა რამდენიმე „გაბედული“, რომელმაც წინასწარ სიტყვა ჩამოართვა გიას, რომ ჰაერში არ იცელქებდა, არამედ მხოლოდ გაფრინდებოდა.

ბერმა პაპამაც მოინდომა გაფრენა, რამაც საერთო სიცილი გამოიწვია. — როცა კაბინის კარს მიადგა, გაჩერდა, მიიხედ-მოიხედა და პირჯვრის გადასაწერად ხელი ასწია, გიამ შეაჩერა.

— აბა, პაპა, ფოლადის არწივი არ დანავსო. მე შენდე და არა პირჯვარსა და ლმერთს.

ბინდამდე გასტანა კოლმეურნეთა ზეიმმა.

ყველა დარწმუნდა, რომ გია თავისი არწივით დღეს ჯარის მიერ მივლენილია კოლმეურნეთა მინდვრებში მავნებლების წინააღმდეგ საბრძოლად და როდესაც დრო დადგება, თავის არწივს საზღვრებისაკენ გააქანებს და მტერს რისხვად მოეველინება.



1

ღოროთე ჯიბუტმა გაოჟლიანებული ცხენი ჭიშკართან ძლივს შეაჩერა. წვრილი თასმისგან დაგრებილი მათრახი სწრაფად აღმართა და ის-იყო უნდა დაეკრა, რომ წაბლისფერმა ცხენმა ამაყად გაშალა ოქროსფერი ფათარი და მალალ ალაგეზე საოცარი სისწრაფით გადაეფლო.

მხედარი დაიბნა. მალლა აღმართული მათრახი ხელში შერჩა. ქუდი გადა მოუფარდა და მესერზე ჩამოეკიდა, მაგრამ ამას ყურადღება არ ნიაქცია. ჯიბუტი ახლა უარესი შემთხვევისათვის ემზადებოდა.

— ჰე, ტიალო... შენი ბედის ვყოფილვარ... შესდექი!— დასჭყივლა ცხენს... ცხენი ოდნავ შეტოკდა და შესდგა. ჯიბუტმა ირგვლივ მიმოიხედა, მათრახი დაუშვა, ქუდი დაიხურა და კოლმეურნეობის კანტორის წინ თავშეყრილ ხალხს შორიდან სალამი მისცა. კოლმეურნეები თავმჯდომარისაკენ წამოვიდნენ. ჯიბუტი სიცილით მიეგება მათ და გაოჟლიანებული ცხენი ახალგაზრდა ბიჭს გადასცა.

— მოდი, ბიძია... ატარე... დალაულია. დახუთავს...

ახალგაზრდა ბიჭმა სწრაფად ჩამოართვა ცხენი. ჯიბუტი კოლმეურნეებთან მივიდა, შუბლიდან ჩამონადენი ოფლი აბრეშუმის ცხვირსახოცით მოიწმინდა და კოლმეურნეებს მიმართა:

— აი, ამხანაგებო თქვენი დავალება შევასრულე ცხენი მოვიყვანე, მარა გავთავდი კაცი... ჩემს ცხოვრებაში ამისთანა არათფერი არ გამომიცდია... თქვენც დააკვირდით.. ხომ ხედავთ რა კაი ცხენია... ახლა იგიც გაიგეთ, რა მითხრა იმ ხალხმა. ისეთი ამბავი გამიმართეს ჩვენმა წითელარმიელებმა, რომე ნულარ მკითხავთ... ჩამბარეს ცხენი... თვითონ ლეგიონის უფროსმა გამოიყვანა თავლიდან და გადმომცა. ჩვენთან ერთად აღზრდილიაო, ოთხი წელია გვემსახურებოდაო... გამძლე ცხენია, ცოტა თვალი დაუზიანდა, ჩვენთან არ გამოდგება, მაგრამ კოლმეურნეობაში სირცხვილს არ გვაჭყვესო. მთიხმარეთ, ამუშავეთ, იმისთვის გაძლევთ, რომ კარგად გამოიყენოთო... ცხენი გავსინჯე. ძალიან მომეწონა. მარცხენა თვალი აქვს ცოტა დაზიანებული, მარა ავი რა სათქმელია. გავგაკეთა ჩვენმა შეფმა. ჩვენთან ყველაფერში გამოიღვება, მარა მომვლელი უნდა კაი...

ჯიბუტი დალილობის გამო ნაწყვეტ-ნაწყვეტად ლაპარაკობდა, ოფის იშ-მენდდა და ცხენს თვალს არ აშორებდა. კოლმეურნეები ყურადღებით ისმენდნენ თავიჯდომარის ნაუბარს.

ზამთრის დღე იყო, უქარო და მშვიდი. ოქროსფერი ღრუბლები მზის გარ-შემო გაზაფხულის ყვავილებივით იფურჩქნებოდა. სხინაკლული მზე ნელთბილი სხივებით ათბობდა დედამიწას. ბუნებას გაზაფხულის სიცოცხლე ემჩნეოდა, მხო-ლოდ გატიტვლებული ქადრები იდგნენ მდუმარედ. მშვენიერი ამინდით წახა-ლისებული არტემა ლაშხი, „ცხენოსნობის მკოდნე“ და მოჯირითედ ცნობილი მთელს სოფელში, მაგრად იგრეხნა გრძელსა და ჯაგარივით აშლილ უღვაშებს და გულზე ხელის ცემით ნატრობდა იმ წუთს, როცა დოროთე ჯიბუტი დაამ-თავრებდა ლაპარაკს და ამ მწვანე მინდორზე გრივლივით გააქანებდა საშეთო ცხენს, მაგრამ ჯიბუტი ისევ განაგრძობდა საუბარს.

— წამოვიყვანე, მარა თქვენს მტერს დაემაროა იგი, რაც მე მომივიდა.. ვერაფერი ვერ გავაგებე—აჩუ—ვეუბნები. ჩერდება. მითრახი დაეკარი, დაიკ-ლაქნა. თავზე ხელი გადაუღსვი, კისერი მხარზე გადმომადგა და ისეთი თვალებით შემომხედა, რომ გადავირიე კაცი... ვიფიქრე, მოჭკვიანდა-მეთქი.. შვეჯექი. ფე-ხი გვერდზე გავკარი. თურმე ეს ყოფილა ნიშანი, გაჭენდა, მარა რაფერ, ისე ვამაქროლა, რომ ვიფიქრე: აი, ახლა გავთავდი კაცი-მეთქი.. შვარდენივით მოფრი-ნავდა, ვენაცვალე მაგის მუხლებს.. ვერ ხედავთ, ამხელა ცხენს რაფა შველივით ფეხები აქვს... იმას ვამბობდი, მალე მოვადექი ბახვისწყალს... კაცო, ჩვენებური ჩია ცხენები ბახვისწყალში კი არა, ღურღანაში ვერ გამოდიან, თუ ფონი ვერ მოუწახე. მოვადექი მდინარეს და გავჩერდი, ფონს დაუწყე ძებნა, მარა თქვენც არ მომიკვდეთ: მოვემზადე თუ არა, ერთი დაიჭიხინა; ფაფარი გაშალა, თვალე-ბი დააბრიალა და აი მდინარეში არ ისკუბა! წავხდი კაცი. თავი ველარ შვეი-კავე და მოჭრილ ხესავით გავადინე მიწაზე ზღართან. გადმოვვარდი, გადმოვვარ-დი, მარა ფეხი უხანგში არ გამიჩნა! გამაცივა შიშით... ვიფიქრე, ახლა ჩემი ტვინი ბახვისწყლის რიყეს რომ შეუერთდება მეთქი, მარა არ შეგჭამოთ ჭირმა. მე ძირს ვაგდივარ. ცხენი არსად მიდის... დამდგომია თავზე, დაუღუნავს თავი. ფეხებს რიყეს ურტყამს... ჭიხვინობს, თითქოს ჩემი დახმარება უნდაო.. გავდი-რიე კაცი.. წამოვდექი და, ცოლშვილს გეფიცებით, შიგ შუბლში ვაკოცე...

კოლმეურნეები უცხო ფრინველსავით ათვალეირებდნენ საშეთო ცხენს. ჯიბუტის ნამბობმა ყველანი დაინტერესა ბერს აღეძრა ჯირითობის სურვი-ლი, მით უფრო ახალგაზრდებს, რომელთაც გულის სატრფოები იქვე ყავდათ, მაგრამ ვერავენ ბედავდა...

წაბლისფერი ბედაური ფრთხილად დაყავდა ახალგაზრდა ბიჭს. შორიდან ეწეოდა ლაგამს. ცხენს დალილობის გამო ძარღვები ნელა უთრთოდა მაგრამ მხნედ და ამყად გამოიყურებოდა. ზოგჯერ ოქროსფერ ფაფარს შეარხედა და ნელა ჩაიფრუტუნებდა...

უცებ ცხენის წინ მოსკვანეთელმა ბრიგადირმა მიხელა რონჩხოსამ ჩაირ-ბინა, ცხენი აბობოქრდა, ვეფხივით აიწურა და ისეთი ხმით დაიჭიხინა, რომ შეშინებული მურა-ძალი ოდის ქვეშ შევარდა, დაფეთებულმა ბიჭმა კი სწრაფად გაუშვა ლაგამს ხელი...

— ფეთიანია!..—ერთხმად დაასკვნა ყველამ... ვილაცას ჩაეცინა, მაგრამ ყურადღება არავის მიუქცევია...

ცხენოსნობის მცოდნე არტემა ლაშხი ქურდივით უვლიდა ბედაურს გარშემო...

— კავში თუ გამოდგება, ნეტა?..— გულუბრყვილოდ იკითხა გამგებობის წევრმა პართენა ახალაძემ და ჯიბუტს გადახედა.

— კავში?.. ყველაფერში კი გამოდგება, ჩემო პართენ, მარა მომვლელია საქმე... მო-მვლე-ლი... ყოველ ცხოველს თავის შესაფერი მოვლა უნდა... მაი ცხენი წითელარმიაშია გაზრდილი, თავისი წესრიგი იცის... ცუდი მხედნელის ხელში ცოდვია, წახდება...

— ტყუილა გეშინიათ, ბიძიებო— მოუთმენლად ჩაერია საუბარში ლაშხი— მე თუ ამ ცხენს ჩემს ჭკუაზე არ ვაცეკვებ, ამ ულვაშებს გავიპარსავ...— «ცხენოსნობის მცოდნემ» გრძელი ულვაშები ერთხელ კიდევ გადაიგრიხა და ცხენს ფეხაკრევით მიუახლოვდა.

— «გურიელის ბუში» აპირებს შეჯდომას!— დაიძახა ვილაცამ. ყველა იმ მხრივ მიტრიალდა. კოლექტივის კანტორაში დარჩენილებიც გამოვიდნენ.

ლაშხი კატის ნაბიჯით მიუახლოვდა ცხენს, თითქო სურს არ დააფრთხოსო, მაგრამ ცხენმა დაინახა თუ არა მისკენ მიმავალი ადამიანი, რომელსაც ძალიან სრული შარვალი ეცვა და გრძელბეწვიანი ქუდი ეხურა, იუცხოვა, ატოკდა, თავი წინ გადმოხარა, მიწას ტორები დაჰკრა და ერთხელ კიდევ დაიჭინებინა— ლაშხი აიმრიხა. ცხენის ასეთი მოქმედება წინააღმდეგობად ჩასთვალა, ლაშხამ მაგრად ჩასჭიდა ხელი და ისე მძლავრად გადაჰკრა მათრახი, რომ იქ მყოფთ ჟრუანტელმა დაურბინა ძარღვებში. ცხენი არც კი შერხეულა, მხოლოდ ცხვირი დაუგანიერდა. მსუქან თქმობზე სარტყელივით გადაეგლო მათრახის დანაკრავი. ჯიბუტს სიბრაზის გამო სისხლი მოაწვა თვალეზში...

— ეი, ხომ არ გადირიე, ბერიკაცო!— შეჰყვირა ლაშხს მოთმინებიდან გამოსულმა რაყდენა მეგრელაძემ და წინ წავიდა. ლაშხმა თვალი აავლო მაღალ მამაკაცს, ჩუმად ჩაიხითხითა, წვრილი თვალები გველივით დაწკურა და თავისი ქნევით ჩაილაპარაკა:

— მეითმინე, შენი ჭირიმე. ვერ ხედავ? ვხედნი.— მერე რალაც შეშინებულ ბავშვივით ჩაილულულა და დაფიქრდა. ამის შემდეგ არტემამ მართლაც აღარ იცოდა, როგორ მოქცეულიყო.

— თუ გულს გერჩის, შეჯექი და გააჭენე...— აღარ იშლიდა მეგრელაძე და თვალების ტრიალით გაჰყვიროდა— მინდორი დიდია და გეყოფა. ვხედნიო?! რა დროის მაგის გახედნა არის, კვიცია თუ?

ლაშხი ცხელქვიშაზე გაწოლილ გველივით გაინაბა. დაბნევას არ იმჩნევდა, მაგრამ წინასწარ გრძნობდა, რომ სასირცხო მარცხის წინაშე იდგა.

არტემა ლაშხის მუდმივი საქმე ცხენის ყიდვა-გაყიდვა იყო. კარგ მოჯირითედ და ცხენოსნად ითვლებოდა. ხშირად მაყრად იმისთვის პატიუობდნენ, რომ კარგი ცხენოსნობა იცისო. კოლექტივში მუშაობას გაურბოდა. დადიოდა უსაქმოდ, ხან მშვიერი იყო, ხან მაძლარი. თავი მოჰქონდა: «გურიელის ბუში ვარ, გლეხებს რაფა გავუყადრებ თავსო». მეზობლები ცუდი თვალით უყურებდნენ:



„უქნარა კაცი, ზარზაციო“, და ახლა რომ მარცხი განეცადა, სოფლიდან უნდა გაპარულიყო.

— რადერ მოვიქცე, — ფიქრობდა იგი ფერდაქარგული და ცხენს ბებერ ორბივით უზნერდა, — შეგჯდე, გავაქენო?! წითელარმიაში გახედნილია. რა ვიცი მაგის წესები მე. რომ გადმოვვარდე?! მაშინ ხომ გაფუჭდი კაცი, ხომ მომეჭრა თავი?.. ყველა გამცინებს, ლუკმას არავინ წამომიტეხს, მაინც ცუდი თვალით მიყურებენ: „უქნარა კაცი ხარო“, და ამ სამგელემ რომ გადმომავდოს, მაშინ რალა ხერს დამაყრიან?! — არც კი მიუხედავს მეზობლებისაკენ, ისე გადააჯდა უნაგირს. ცხენი შეთრთოლდა. მხედარმა ლაგამს ჩასჭიდა ხელი და ჯიბუტის ნათქვამიც მოიკონა: „გვერდში რომ ფეხი გავკარი, შავარდენივით გაფრინდაო“, — მოიგონა და ფეხიც გაჭკრა. მსუბუქად შეირხა წაბლისფერი ბედაური, ყელი გედივით აღმართა, მინდორი შეათვალიერა და ისე მოხდენილად წაგოგმანდა, თითქოს ბამბით დაფენილ მოედანზე დაჯირითობსო...

— ისე მივეყავარ, თითქოს რწყილი ვაჯდე ზურგზე. ოხერი... — ბოროტად გაიფიქრა ლაშხმა და ამაყად აატრიალა მათრახი. თავს მთვრალივით აქნევდა, თითქოს იკვებნისო:

— „აი, შემომხედეთ, რა კარგად დავაჯირითებო“.

— ჩქარა! ჩქარა!..

— ჩქარა, ლაშხო! ეგ ჯირითი არაა! — ცხარობდნენ არტემა ლაშხის სიამაყით გულმოსული კოლმეურნეები. მათი თანაგრძნობა საშეფო ცხენისკენ იყო და ასე დამორჩილებულს რომ ხედავდნენ, არ მოსწონდათ. როგორ, საშეფო ცხენი, რომელიც დაუძლეველ ძალად დაუხაზა მათ დოროთე ჯიბუტმა, ისე დაძაბუნდა, რომ გასულელებული ბერიკაცის ლაშხის ნებისყოფას დაუმორჩილდა?..

უსიამოვნოდ დრტვინავდნენ ახალგაზრდები.

„ცხენოსნობის მკოდნე“ გამარჯვებას ზეიმობდა, ამიტომ მეტი მოიწადინა, ცხენი მეზობლების მახლობლად გააჩერა და უღვაშების გრეხით დაიტრბახა:

— ძველი ვარ, ძველი. აბა რავა გეგონათ... „გურიელის ბუში“ ისე რავა წახდებოდა, რომ აი რწყილისხელა ცხენი ვერ დაემორჩილებია... აბა ახლი მიყურეთ... სულ ფეხის ფრჩხილებზე ვათამაშებ...

ლაშხმა ცხენი მინდვრისაკენ მიაზრუნა. კოლმეურნეთა შორის უკმაყოფილება ძლიერდებოდა.

— იმიზე კი არ მოგვიყვანია მაი ცხენი, რომე მაგ ბერძალმა მოკლას, — ისევე ცხარობდა მეგრელაძე, თვალებს ატრიალებდა და არწივის ნისკარტივით მოკაუჭებულ მაღალ ცხვირს მოუთმენლად ისრესდა. დამკვრელ კოლმეურნეს არ მოსწონდა ლაშხის საქციელი... არტემამ გაიგონა მეგრელაძის სიტყვები, მაგრამ ყურადღება არ მიაქცია და მარდად აღმართა მათრახი. სოფლად ასე იციან: თუ ცხენის უკანაფეხებზე დაყენება სურთ, მათრახს წინა ფეხებზე შემოჭკრავენ. ცხენი თუ კარგია, გახელდება... ფაფარს აიშლის, უკანაფეხებზე დადგება. მხედარს თავი მოსწონს. ლაშხი ბოლოსათვის ინახავდა ამ ხერხს და გამოიყენა კიდევ, მაგრამ შემოჭკრა თუ არა ცხენს მათრახი, ბედაური ისე მოიქცა, როგორც არმიაში ასწავლიდნენ: მუხლებდაჭრილივით ჩაწვა ადგილზე, ხოლო მოხუცი მხედარი შეტორტმანდა და გადახერხილ ხის ნამორივით დაგორდა მინდორზე.

— უიი!..—დაიკვილა ვილაცამ. ყველა იმ მხრივ გაექანა. ცხენი სწრაფად აღდა და დაფეთებული თვალებით დააცურდა მიწაზე დაგორებულ მხედარს.— „გურიელის ბუშიც“ უსიამოვნო ბუტბუტით წამოდგა.

— ოი, დასწყევლოს ღმერთმა!.. სამოცი წლის კაცი ვარ და ამფერი კვიშატი საქმე ჯერ არ დამმართია... ცოლშვილს გეფიცებით, კაპეიკი არ ღირს მათქვენი ცხენი... სამგელე... მუდრეგი... ოხერი... კაი რომ ყოფილიყო, აბა თქვენ მოგცემდნენ?!

ყველას გაეცინა...

ღორბოთე ჯიბუტი ცხენს მიუახლოვდა:—მე იგი მაწუხებს, რომ არ ვიცი ვის ავაბარო, თვარა შენ ღირსი იყავი რაც მოგივიდოდა...

არტემა ლაშხმა გრძელბეწვიანი ქუდი ისე სწრაფად მოიგლიჯა, თითქოს ცეცხლი წაეკიდაო და დაიყვირა:

— თქვენ მასწავლით მე ცხენოსნობასა და ცხენის ცნობას... თქვენ მასწავლით?! ამას მე ვამბობ, მე... არტემა ლაშხი: სოლომგორომოდ იქცეს ჩემი ოჯახი, თუ მაგ ცხენის მომვლელი კაცი ამ რაიონში გამოჩნდება.

— ნუ სწუხარ, არტემა... არის მასეთი კაცი, მე ვარ აკერ.—ლაშხს თითქოს ქვა მოხვდა თავში. მიტრიალდა... ხმა ჩაუწყდა. ყველა გაკვირვებით მიახერდა ცალხელა ვაჟკაცს, რომელიც ცხენთან მისულიყო და გაოფლიანებულ ბედაურს გამოცდილი თვალებით შინჯავდა.

## 2

შანშია ლომინაძე, საქართველოში საბჭოთა ხელისუფლების დამყარებიდან რამდენიმე დღის შემდეგ ჩამოვიდა სოფელში. გულზე წითელი ბანტი ებნია, ხოლო მარცხენა ხელის ნაცვლად ხალათის სახელო ეკიდა. დაზიანებას არ იმჩნევდა და ნაცნობ-ნათესავებს გამარჯვებას ულოცავდა.

როცა მსოფლიო ომის სუსხიანი ქარი ქროდა, ახალგაზრდა ლომინაძე არალეგალური მუშაობისათვის დააპატიმრეს, გაასამართლეს და შორეულ ქვეყანაში გადაასახლეს. ეს იყო ის დრო, როცა ყველაფერს ანადგურებდა მსოფლიო ომის ცეცხლი. შანშიას მშობლებმა არაფერი იცოდნენ შვილის შესახებ. დაიკარგა ვაჟკაცი. გამოიგლოვეს და მდგომარეობა შეურიგდნენ.

შანშიას თებერვლის რევოლუციამ ციმბირში მოუსწრო. თებერვლის რევოლუციას ოქტომბრის რევოლუცია მოჰყვა, კლასობრივი ბრძოლის ცეცხლში გაეხვია მთელი რუსეთი, უკრაინა, კავკასია. ციხიდან განთავისუფლებული ლომინაძე გატაცებით ჩაება ციმბირის პარტიზანების ბრძოლაში თეთრგვარდიელ გენერლების წინააღმდეგ. მას შემდეგ სად არ გადაისროლა აბოზოქრებულმა ნიაღვარმა—უკრაინა, ჩრდილოეთ კავკასი, ყირიმი.

შანშია ლომინაძე წითელ ჯარს შემოჰყვა საქართველოში. სამოქალაქო ომი დამთავრებული იყო, როცა შანშია მოულოდნელად ესტუმრა სოფელს. მშობლებს იგი მკვდარი ეგონათ და ცოცხალი რომ დაინახეს, აღარ იცოდნენ რა ექნათ... უსაზღვრო იყო მათი სიხარული, მაგრამ, როცა გაიგეს რომ შანშია ცალხელი იყო, ისევ მწუხარება გამეფდა მათ ოჯახში...

— ეჭ, შვილო, რა ცოცხალი და რა მკვდარი... ცალხელა კაცი რაღაა. — ამოიოხრა შანშიას მამამ ერმალოზმა.

დედა ხმამალლა მოსთქვამდა...

შანშიამ დიდხანს უგდო ყური მშობლების გოდებას, ბოლოს ველარ მოითინა და მამას საყვედურით მიმართა:

— რა ამბავია, მამა ჩემო... ნენას არ გაემტყუნება, მარა შენ რაღა დაგემართა?! თუ ჩემი მოსვლა გეწყინა, რაჟაეც მოვედი ისე წავალ... რას ჩააცივდით ამ ცალხელს. დაგვარგე, რა ვქნა ახლა... სამაგიეროდ ქვეყანა გათავისუფლდა. კარგად დაიმახსოვრე ჩემი ნათქვამი: სულ მალე ცხოვრება ისე იქნება აწყობილი, რომ ჩემფერი ცალხელა კაციც თავისი შრომით შეინახავს თავს. ... მას ჩვენ შეგქმნით — ბოლშევიკები...

— ო, ალბათ იქნება, მარა შენ რაღაი, შვილო... — ყრულ ჩაილაპარაკა ერმალოზმა და შანშიას სახე აარიდა.

### 3

არტემა ლაშხი მოულოდნელად დამარცხდა იმ დღეს. ცუდი ამბავი შეემთხვა. კაცს ცხენოსნობის ცოდნით მოჰქონდა თავი და ახლა ისეც დაჰკარგა. დაჭრილი ნადირივით აკრაჭუნებდა კბილებს. ყველაზე უფრო ცალხელას მეტოქეობა აბრაზებდა. როგორ, არტემა ლაშხი შანშიამ დაამარცხოს ცხენოსნობაში?! ოი, სირცხვილო!

ლომინაძე არ იშლიდა თავისას და ჯიბუტის დარიგებები უშედეგოდ იკარგებოდა.

— კაცო, შანშია, დაანებე მაგ ცხენს თავი.. ხომ ხედავ, რაფერი ყიამეთია.. დაგლუპავს.. მაგის მომვლელი ფოლადის მკენეტელი უნდა იყოს.. — კოლექტივის თავმჯდომარე გაკვირვებით ათვარიელებდა ლომინაძეს, რომელიც მტკიცედ იდგა თავის განზრახვაზე.

— დარდი ნუ გაქ.. — ამბობდა შანშია. — მხოლოდ უარს ნუ მეტყვიეთ.. აღარ მინდა, ძმაო, ინვალიდობა, არა.. ყოფილი წითელარმიელი ვარ, შრომა მიყვარს.. დღემდი თუ არ გქონდათ ცალხელა კაცის შესაფერი საქმე, დღეს ხომ გაქვთ. ნუ მერიდები, ვილაც ხომ უნდა აიყვანო ამ ცხენის მომვლელად?! ჰო და მე ვიქნები... ვერ შევსძლებ?! მომკლავს? ნუ გაფიქრებთ. განა თქვენ ჩემზე უფრო გიყვართ ჩემი თავი? ცხენოსან ასეულში ვმსახურობდი და როცა დავიჭერი, მერე ორთვალაც მებარა... ცხენის მოვლა კარგად ვიცი... ცალხელა რომ ვარ, იგი გაფიქრებთ? არ მოგიკვდეს შანშიას თავი.. ისეთი ცხენები გამიხედნია არმიაში, რომე ვარსკვლავს ეთამაშებოდა, ცეცხლს ჰყრიდა პირიდან, თვარა აგი რა არის: ცხენი ჯარში გაზრდილი, ბავშვივით უწყინარი, ძალღვივით ერთგული.. ოი ვასკა!.. — ლომინაძემ მარჯვენა ხელი ნელა დაჰკრა ცხენს გავაზე. წაბლისფერი ბედაური მშვიდი რხევით შეშფოთდა... კოლმეურნეები გაკვირვებით ათვალიერებდნენ ცხენსაც და ცალხელა მეზობელს. ლომინაძის სიტყვებით გულმოსული არტემა ლაშხი სიბრაზის გამო უღვაშებს იგლეჯდა. ნუთუ ამ სოფელში მართლა აღმოჩნდა ისეთი ვინმე, რომელიც „გურიელის ბუშს“ ცხენოსნო-

ბის საქმეში მეტოქეობას უბედავს?! არა, ამას ვერ მიათმენს არტემმა... იგი უც-  
რად ლომინაძისაკენ მიტრიალდა. გრძელბეწვიანი ქული მოიხადა და დაიყვირა:

— ხომ ჩივი, ბიძია, ძაან ცხენოსნობა ვიციო.. აი მინდორი და აი ცხენი..  
შეჯექი და გააქენე... ნახავ, რავე ხაპივით დაგაგორებს... — არტემას უსიამოვნო  
ხმით გაეცინა, მეზობლებს მიუბრუნდა და ღიმილით გადახედა, თითქოს ეკითხება  
„ხომ კარგად ვთქვიო“, მაგრამ სხვებს რომ არ გაეცინა, წვერი უსიამოვნოდ  
შეიჯიჯგნა და გაჩუმდა.

— მე კიდევ გირჩევდი... — სკადა დოროთემ...

— აბა, შემომხედე, ლაშხო!.. — დასჭყივლა ლომინაძემ და პირისახეს ცე-  
ცხლის ალი შეეფინა...

ცალხელა მეზობელი, რომელიც დღემდე უსაქმოდ დადიოდა, სიბრალულის  
გრძნობას იწვევდა მხოლოდ.

— ჰე, რა ვაქაცო წახდა.. — შენიშნავდნენ მეზობლები, ხოლო შანშიას  
თავისი თავი დაღუპულად არასოდეს არ წარმოედგინა. სულ საქმის ძებნაში იყო..  
მთელი ძალღონით ცდილობდა ინვალიდის სახელი მოეშორებია და კოლმეურნე-  
ობის წევრს შრომადღეები ისე გამოემუშაებია, როგორც სხვები იმუშაებდნენ..  
ხშირად ჩაის კრეფაზე გადიოდა, მაგრამ ცალხელით სხვებს რომ ვერ აყვა, ეწყი-  
ნა: — „არა, მეტი შემიძლია გავაკეთო, კიდევ მეტი“, — ფიქრობდა იგი.

ერთხელ გამწვევი ძალის მოვლა დაიჩემა, მაგრამ ვერ შესძლო და თავი გაა-  
ნება. შანშიას გულში მწარე ტკივილი აღძრა ამ შემთხვევამ. „ნუთუ მართლა არ  
ვარგვივარ.. ნუთუ მართლა ზედმეტი ვაქვდი?“ — დანალვლიანდა კაცი, მეზობლებ-  
ში კი კიდევ უფრო გაძლიერდა შანშიასადმი სიბრალული, ხოლო დღეს, როცა  
„საბრალო კაცი“ მათ წინ იდგა და ისეთი ცხენის მოვლას კისრულობდა, რო-  
მელმაც ლაშხი ყირამალა დააგორა, აკვირებდა და აშინებდა ყველას. ლომინაძე  
თითქოს ახლა ვაიზარდა, ამალღდა, რატომღაც დღეს შენიშნეს მისი ფართე მკე-  
რდი და განიერი ბეჭები...

შანშია ცხენთან იდგა და დაკვირვებით უშინჯავდა მოსართავეებს, თვალე-  
ბი განსაკურთხებული სიციხოველით უბრწყინავდა. თითქოს ცხენიც გრძნობდა გა-  
მოცდილი ხელის შეხებას. როცა ყველაფერი შეამოწმა, ცალხელა ვაქაცო მარ-  
დად შეაჯდა ცხენს. ბედაური შეტოკდა, თავი დაიქნა და ფეხები აათამაშა.  
კოლმეურნეები ჭადრის ქვეშ შეჯგუფდნენ.

— ვერ გაუძლებს, გადმოვარდება! — ახალგაზრდები მისაშველებლად ემზა-  
დებოდნენ. ლაშხი ცოფიან მგელივით დაეხეტებოდა, ცუდ სიტყვებს ამბობდა,  
ხოლო ჯიბუტი გაოცებული შეჭყურებდა ცალხელა მხედარს, რომელმაც თავისი  
გაიტანა და გახელბულ ცხენთან მისვლა გაბედა.

ლომინაძე ერთხელ კიდევ დააცქერდა ლაშხს. ჩაიცინა. ნელა გადაიქნია  
მათრახი. ლაგამს ხელი გაუშვა. გათავისუფლებულმა ცხენმა მოცეკვავე ქალივით  
გაითამაშა რბილი მოლით დაფარულ მინდორზე, რომელიც კოლმეურნეობა დუ-  
ყის კანტორის წინ იწყებოდა და მდინარე ბახვისწყლის კლდოვან ნაპირამდე  
აღწევდა. მხედარმა ერთხელ კიდევ შეატრიალა მათრახი და ათამაშებულ ცხენს  
ნელა გაჭკრა მკერდზე ქუსლი. ცხენი ოდნავ შეჩერდა და ჩორთით გასწია წინ,  
თავი აღმართა, ფაფარი გაშალა, ნაბიჯებს უმატა და მეორეხელ რომ იგრძნო მკერ-

დთან შეხება, ვეფხივით აიწურა, ცხვირის ნესტოები დაიგანიერა და ჩორთით ტარება ჩქარი ნავარდით შესცვალა. მინდორს ნაფლეთები ასძრა. გახელდა ცხენი.

— ოი, ოი, ახლა ეშმაკი ველარ დააკავებს მაგას!—დაიყვირა ვილაცამ შინარევი ხმით. მაყურებლებმა სამწუხარო შედეგის მოლოდინში სულთქმა შეაყენეს. მაგრამ მხედარის მარჯვენა ხელმა სწრაფად შეაჩერა ცხენი, დასავლეთით მიატრიალა და სივრცეში მძლავრად დაირხა მაგარი ხმა.

— ფრრ...—ნით.—ცხენი ბურთივით დამრგვალდა და გაფრინდა. ფეხების თქარათქური და შანშიას შეძახილი ერთმანეთში ირეოდა.

— ვაი... ვაი... ვაი!—მორთეს კივილი ქალებმა.

— ხომ გითხარით.—ნინის მოგებით დაიწყო ლაშხმა,—ჩავიდევით მაგ საწყალის ცოდვა და აია. მაგი დააკავებს ახლა ამ გადარეულ ცხენს?!

— მოიცა, ნუ ღრიალებ, ლაშხო.—შეუტია მეგრელაძემ არტემას და წინ წავიდა. ირგვლივ სიჩუმე გამეფდა. ცალხელა მხედარმა ცხენი, რომელიც დასავლეთით მიდიოდა, მარცხნივ მოატრიალა და შუა მინდორზე მიუშვა. ცხენი ისე წავიდა, რომ მაყურებლები ფეხების მოძრაობას ვერც კი ამჩნევდნენ. უეცრად მხედარი მოკვეთილივით გადმოწვა უნაგირიდან, ხელი მოსართავს ჩაავლო და ცხენს მკერდზე აეკრა. ბედაური ისევ მიჭროდა შეუჩერებლივ...

— უი... უი... უი!..—კვლავ მორთეს კივილი ქალებმა.—დიღუბა გამბედავი. ცალხელა ვაჟაკი!—მაგრამ არა. ისევ აღიმართა უნაგირზე...

— დალახეროს ეშმაკმა. ქაჯი ყოფილა წყეული.—შეშფოთდა „გურიელის ბუში“. ლომინაძე აღარ ათავებდა ჯირითს. უკანასკნელად გახელებული ცხენი კოლმეურნეებისაკენ გამოაქანა, ქალები წივილ-კივილით მოწყუნენ ადგილს. ბავშვები შენობის ქვეშ შეძვრენ.

— გაგვიტანს აი ოჯახდაქცეული!.—დაიყვირა ვილაცამ და კანტორისკენ იბრუნა პირი. უეცრად მხედარი და ცხენი კოლმეურნეების თვალწინ მოკვეთილივით გაინართხნენ მიწაზე. ყველა გააშეშა ამ შემთხვევამ, ენა დაუდუმდათ. ცხენი წაიქცა, მაგრამ მხედარი? ლომინაძე ფეხზე იდგა და იცინოდა.

— კაცო, რა მოგივიდა?—მივარდნენ შანშიას.

— არაფერი... ცოცხალი ვარ.—ნელა მიუგო მან მეზობლებს და ცხენს მიუბრუნდა.—ადექი!—დაუყვირა. ბედაური სწრაფად ადგა. გაირეკა, თავი აიქნია, ოქროსფერი ფაფარი შეარხია და ხალისიანად დაიჭიხვინა...

— გენაცვალე მაგ ცეცხლისფერ თვალბში:—დაუყვავა შანშიამ ცხენს. ყურები დაუსრისა და ახალგაზრდა ბიქს სთხოვა—მოდი, ნოდარ, გაატარე ცხენი. გაოფლიანებულია, დახუთავს.—ახალგაზრდამ ფრთხილად შეასრულა დავალება. ლომინაძე მეზობლებს მიუბრუნდა.

— როგორ ფიქრობთ, ამხანაგებო, გამოვდგები საშეფო ცხენის მომვლელად?!—კოლმეურნეებმა ერთმანეთს გადახედეს სიცილით, ხოლო ლაშხი აჩრდილივით გაქრა.

#### 4

როცა გაზაფხული დადგა და ზამთრის ცივი მოზუზუნე ქარი სალანქრებო ქალიკონმა შესცვალა, დუყის კოლმეურნეებმა დაუგვიანებლივ დაიწყეს ნიადგის მოხვნა. ზამთარი ცუდი იყო, მაგრამ გაზაფხულმა მშვენიერი დარები დაიჭირა, მინდვრებიდან ქარს ყვავილების სურნელება მოჰქონდა.

ერთ დილას, როცა მზე ჯერ კიდევ არ იყო ამოსული, დუქის კოლმეურნეები მინდვრებში გავიდნენ პირველი მოხენის ჩასატარებლად. წინა ღამით საწარმოო თათბირი ჰქონდათ და ამ დილას კოლმეურნეების გამოსაყვანად რეკდნენ ზარს. კოოპერატივი ადრე გააღეს. მეფურნე ალექსანდრე ჯანგარა მეორე-ჯერ აცხოვდა პურს და საამური სუნი ტრიალებდა ირგვლივ.

სოფელი არაჩვეულებრივად ხმაურობდა და იღვიძებდა ისეთი სიცოცხლით, რომელიც მხოლოდ გაზაფხულზე იცის; ყიჟინი, გადაძახებ-გადმოძახება, ზარის რეკვა და ჩაის ფაბრიკის საყვირის ზუზუნი ქმნიდა გამაცოცხლებელსა და წამახალისებელ ხმაურს.

დოროთე ჯიბუტი ქუდმოხდილი და საყელოგახსნილი დადიოდა კოოპერატივის წინ. მოუსვენრად იძლეოდა განკარგულებას. ყველაფერი მწყობრად მიმდინარეობდა, მაგრამ ჯიბუტი მაინც ლელავდა. დღევანდელი დღე გადამწყვეტი მნიშვნელობისა იყო. რაიონიდან შემმოწმებელ კომისიას ელოდნენ. ამ დილით ჯიბუტს ყველაზე უფრო მეხარეთა ბრიგადის გამოსვლა აფიქრებდა აფიქრებდა ისიც, რომ ამ საქმის ხელმძღვანელობა ცალხელა კაცს შანშია ლომინაძეს ჰქონდა მინდობილი.

— ვინ იცის, ეგებ კიდევაც შეეცდით,— ფიქრობდა დოროთე. — ასეთი დიდი საქმე ცალხელა კაცს რომ მივანდევით. ვერაა კაი. მონდომებული კაცი კარის, ერთგული, ძველი პარტიზანელი, მარჯვე და გამბედავი, მარა ბრიგადირობა დიდი მოვალეობაა. ვაი თუ ვერ შესძლო, მაშინ... აი მზეც ამოვიდა. სად არიან ამდენხანს? საქმეა ახლა, აი!

მზე ამოვიდა და სოფელში შემოპარული ნისლი ვარდისფერად შეღება. დოროთე ერთხელ კიდევ გადაადგა გორაკს, იქ, სადაც დიდწიფელას აბრეშუმის ხმით აშრიალებდა ქვენა ქარი.

— შანშია ლომინაძე, უუუ!.. — მაგარი ხმით გადასძახა ჯიბუტმა ბახვისწყლის ქალას...

— ვის უძახი, დოროთე, ასე ხმამალა?! — შეეკითხა თავმჯდომარეს რაყდენა მეგრულაძე, რომელიც ზევიდან მოდიოდა.

— შანშიას ვუძახი, კაცო. მზე ამოვიდა და ხარები არსად ჩანან. როცა ასიცხდება, რალა დროის მიწის ხენა არის?!

— რას ჩივი, ჩემო დოროთე. ლომინაძე რამდენი ხანია წავიდა. მეზარეებიც შუალამე იყო, რომ მიდიოდნენ. ახლა იმათ კარგა ბევრი ექნებათ მოხული...

— მართლა?! — გაიკვირვა დოროთემ, სწრაფად დაიხურა ქუდი და კოოპერატივისაკენ გასწია. კოოპერატივის წინ აგრონომი შეხვდა, რომელსაც ხალათის საყელო გაეხსნა და ქუდი მოეხადა. ემჩნეოდა, რომ შორი გზიდან მოდიოდა. მოწყენილი იყო.

— კაცო, რა მიქენით აგი! — დაიწყო აგრონომმა, ჯიბუტი რომ დაინახა. — ჩაის პლანტაციებში დღეს აღარ გაგყავთ ხარები?

— რაუა არ გაგყავს? ალბათ გაყვანილიც იქნება.

აგრონომმა კრელი და მუშტისოდენა თვალეები თავმჯდომარეს მიანათა და ხელი ჩაიქნია.

— არა, როგორც გინდათ, ისე ქენით, მხოლოდ საქმე რომ წახდება, პასუხიც თქვენ აგეთ... რაუა შეიძლება ჩაის საქმის ასე განზე მიგდება?!

— რა გინდა, ამხანაგო, აგრონომო. ხარები მოგეცით... სხვა რა ვქნათ?! დანარჩენი შენ უნდა გააკეთო.

— სად არის ხარები?! მთელი პლანტაცია მოვიარე, მარამ ხარები არ მი-  
ნახავს...

ჯიბუტი ხის გადანაჭერზე ჩამოჯდა. ქული მოიხადა. დაფიქრდა. უეცრად  
სასოფლო შარაზე სწრაფად გამოაჯირითა ვილაცამ ცხენი და კოოპერატივისაკენ  
გამოაქანა. ცხენი ნავარდით მოდიოდა. ნაწვიმარ გზას ნაფლეტებად სცილდებო-  
და ტალახი და ირგვლივ იფანტებოდა.

მხედარმა ცხენი კოოპერატივის წინ გააჩერა.

— შანშია, სად ხარ, კაცო ამდენხანს? — მიაძახა ჯიბუტმა ლომინაძეს, რო-  
ცა იცნო და მისკენ წავიდა.

— სად უნდა ვიყო, ამხანაგო დოროთე. ხარები გავიყვანე სამუშაოდ. ყვე-  
ლაფერი რიგზეა. ამინდი კარგი არის.

— გაკლია ვინმე?

— არა... ირცერთი კაცი არ გვაკლია. ყველა გამოვიყვანე. მშვენიერი  
სახნავია. ნაწვიმარი... რბილი.

ჯიბუტმა ცხენს გადახედა. გასუქებული და სუფთად მოვლილი ცხენი მხია-  
რულად ათამაშებდა ფეხებს.

— აი ჩვენი საშეთო ცხენი ძაან მოვლილი კი გყავს, შანშია, მარა ახლა-  
ვერაფერში ვერ გამოვიყენებთ, მგონი...

— ამას?! — ლომინაძემ ლაგამი მოუწია ცხენს. ბედაური შეტოკდა. — ნახავ,  
დოროთე, ამ ცხენმა რა საქმე გააკეთოს. გუთანს მე თვითონ ავაწყვე. ისე მსუ-  
ბუქია, რომ მისით მიდის. მე იმისათვის ამოვედი, რომ გავიგო, დღეს ელით თუ  
არა ვინმეს რაიონიდან?

— რა თქმა უნდა, ამოდიან. კარგი, ძალიან კაი. მეც ახლავე წამოვალ.  
ძაან აღრე გასულხარ სამუშაოდ.

აგრონომმა ირიბად გადახედა ლომინაძეს.

— კაცო, შანშია, რა მიქენი აი? მეხარეთა ბრიგადირი ხარ. დავალემა  
მოგცეს და ხელცარიელი დამტოვე?!  
— რაზე ამბობ?

— რავეა თუ რაზე ვამბობ?!.. რათ არ გავზავნე დღეს გაიწვევი ძალა ჩაის  
პლანტაციებში?

— ვინ გითხრა, რომ არ გავზავნე?!  
აგრონომმა მხრები აიჩეჩა.

— რავეა თუ ვინ მითხრა. თვითონ მე დავიარე პლანტაციები. ერთ უღელ-  
ხარსაც კი არ შევხვედრივარ.

— რატომ? აი, მაგალითად, მე დღეს, რომ შეეთენდა მას მერე ვმუშაობ.

— შენ?! რით?!  
— ცხენით.

— მერე მარტო ამ ცხენით ფიქრობ ჩაის პლანტაციების გაფხვიერებას?!  
— დიახ.

— ხომ არ გადირიე, შანშია! ხუმრობ?!  
— დიახ.

— დიახ.

— ხომ არ გადირიე, შანშია! ხუმრობ?!  
— დიახ.

ლომინაძეს გაეცინა.

— არა, არ ვხუმრობ. ხარები ჩვენ სხვა საქმეზე გვკვირდება.

— აბა, მარტო მაგ ცხენით გაუფხვიერებ ნიადაგს 32 ჰექტარ ჩაის პლანტაციას?

— დიად., აი, მაგალითად, დღეს რომ ამინდია, თუ ასეთი დარჩა კიდევ ერთ კვირას, ბევრი არაფერი ღარჩება...

— ყოვლად შეუძლებელია, შანშია..

— პირობას ვიძლევი.. ყოველშემთხვევაში დღევანდელი ნამუშევარი ნახეთ..

— ცხაკათის მოხვნა დღეს უნდა დავამთავროთ, — შენიშნა ჯიბუტმა.

— უეჭველად.. — დაბეჯითებით მიუგო ლომინაძემ და ცხენი მიაბრუნა.. — მალე ჩამოხვალთ?..

— ერთ საათში იქ ვიქნები... — მიუგო თავმჯდომარემ.

ლომინაძემ ცხენი დაათხა სასოფლო შარაზე. დორითემ ხალათის საყელო შეიბნია და მხიარულად ჩაილაპარაკა:

— ყველაფერი რიგზე აუწყვია.. ცალხელა კი არა, ნამდვილი ვაჟკაცი მაი დალოცვილი.. წავიდეთ, ამხანაგო აგრონომო..

ჩქარი ნაბიჯით გაუდგნენ გზას. მშვენიერი დილა იყო. მზე დინჯად მისცურავდა კვამლისფერ ღრუბლებში და დასავლეთის ქარი ნელა არხევდა გზის პირად გამწკრივებულ ალვის ხეთა წვეროებს. ჰყვიადა მთელი ბუნება. ხე, ბუჩქი, მთელი სოფელი, მინდვრები და ტყე ცოცხლდებოდა... იბრძოდა, ხმაურობდა.

თავმჯდომარე და აგრონომი ჩუმად მიდიოდნენ. ორივეს ერთნაირი ფიქრი ჰქონდა: როგორმე დროზე დაემთავრებიათ საგაზაფხულო მუშაობა და რაიონის მიერ აღებული ტემპებს არ ჩამორჩენოდნენ. გზადაგზა ისინი დაკვირვებით ათვარიელებდნენ ჩაის პლანტაციებს, ლობებებსა და საყანე მიწებს. ჯიბუტს ოფლი ღვარივით ჩამოსდიოდა შუბლიდან. გაიარეს სოფელი და სურნალეთის ტყეში შევიდნენ. ახალ გაფოთლილ წიფელების, მუხებისა და რცხილების ტყეს მდორედ მიმივალ მდინარის ტალღებივით აშრიალებდა ქარი. ჩუმი ხმით ზუოდნენ იელისა და შქერის ყვავილებზე ფუტკრები, გალობდნენ ჩიტები და გაზაფხულის სითბო აცოცხლებდა ახალგაღვიძებულ ბუნებას.

სწრაფად გაიარეს ტყე და გორაკზე ავიდნენ. აგრონომი შეჩერდა.

— პირველად სად მივდივართ? — ჰკითხა მან ჯიბუტს.

ცხავათში.. გამწვევი ძალის მუშაობა უნდა შევამოწმოთ. — ოფლი მოიწმინდა და დაუმატა — დღეს თუ ცხავათი დავხანით, წალმა წავა ჩვენი საქმე.

მზე საკმაოდ აცხუნებდა. ქარს საყანე მინდვრებიდან და ტყიდან ყვავილების სუნი მოჰქონდა. უეცრად გორაკის იქითა მხრიდან გარკვევით მოისმა მამაკაცის სიმღერა. მძლავრი იყო იგი ხმა, აგუგუნებული და ზავითიანი. ვიღაც მღეროდა და იმ სიმღერას ხანგამოშვებით ხმამალალი შეძახილიც ერთოდა.

— „მიდი, ლურჯა.. მიდი.. ჩქარა... შეჩერდი!“

ყური დაუგდეს სიმღერას. გაეცინათ.

— ლომინაძე მღერის.. — ჩაილაპარაკა დორითემ და ოფლი მოიწმინდა. — ალბათ აქ მუშაობს, ჩაის პლანტაციაში... გავიაროთ... ვნახოთ... ნამდვილი



პირველი ცხენოსანია... ისე მღერის, როგორც წითელარმიელი. აგერ ნახავ, წელს მავ ცალხელა კაცმა რამდენი შრომადღე გამოიმუშავოს.

— სამწუხაროა, რომ ასეთი კაცი დაშავებულა — შენიშნა აგრონომმა.

— დაშავებულაო რომელია, აგრონომო, შენ ახალი კაცი ხარ ამ სოფელში და არ იცი მაგის ამბავი! მეც ისე ვუყურებდი, როგორც ინვალიდს... ყველას გვეცოდებოდა... სამოქალაქო ომში დაზიანდა და პატივს ვცემდით... მაგას კი თავისი თავი არასოდეს არ მიაჩნდა შრომისუნარმოკლებულად და მართალიც ყოფილა. იანვარში წითელარმიელებმა აი ის ცხენი გვაჩუქეს... ლომინაძის მეტ-მა ვერაფერი ვერ გაუგო. ჩავაბარეთ... კარგად მოუარა. დავაწინაურეთ.. მეხარეთა ბრიგადირი არ გვივარგოდა, გამოვცვალეთ და ის ავირჩიეთ... მშვენივრად დააყენა მუშაობა. ჩვენისთანა ხარები დღეს მთელ რაიონში იშვიათად თუ ეყოლება ვისმე, გულდაგული და მარჯვე კაცია... კარგად წაიყვანა საქმე...

ფერდობს გადაადგენენ. მათ თვალწინ კიდითკიდემდე გადაიშალა ვრცელი ფართობი ჩაის პლანტაციებისა... პატარა ბორცვის იქითა მხრიდან ისევ მოისმოდა სიმღერა. არავინ ჩანდა გორაკს გადაღმა ცხენმა დაიჭიხვინა... მოისმა რალაც ჭრიალი. ჯერ ცხენი. გამოჩნდა, მერე ცალხელა კაცი. თავმჯდომარე და აგრონომი იმ მხრივ წავიდნენ. ლომინაძემ დაინახა რა მისკენ მიმავალნი, შეჩერდა. ოფლი მოიწმინდა და ცხენს ღვედები შეუსწორა, ცხენმა ყურები სტკვიტა და დაიფრუტუნა.

— შანშია, შენი სიმღერა ტყეში მოგვესმა... რაფერ არის საქმე... კარგად მუშაობს საშეფო ცხენი?

— მშვენივრად... — აღტაცებით დაიწყო შანშიამ — წელანაც გითხარი... იცი, დოროთე, უკეთესი ცხენი არ მეგულება ჩვენს თემში... პირველია, პირველი. მე კა არ მიხუმრია: თუ ასეთი ამიხნდი დარჩა, ამ პლანტაციებს მარტო მე, ცალხელა კაცი, ამ ცხენით სულ ადრე გავაფხვიერებ... ასე რომ ამ საქმეზე ჩვენ ხარებს არ მოვაცდენთ... ფინთიხივით მიდის კავში... გუთანიც მე მოვუმზადე... ძალიან მსუბუქია... ხომ გახსოვთ ამ ცხენმა არტემა ლაშხი ხის ნამორივით რომ დააგორა, მაშინ შევამოწმე ამის ძალა. ცხენოსან ჯარში გაწრთენილი ცხენი ყველაფერში გამოდგება... — ცხენთან მივიდა. ყურები დაუსრისა. თვალები საოცრად უბრწყინავდა შანშიას... უბრწყინავდა სახე. მხნედ იხედებოდა. მისი სიტყვა მტკიცე იყო და იმედიანი.

— თქვენ თვითონ შეამოწმეთ, როგორ მიდის ჩვენი ცხენი კავში... — მიმართა ლომინაძემ იქ მყოფთ და კავი აამოძრავა. ცხენი მარდად წავიდა ჩაის ბუჩქებ შორის. გადმოაფინა შავი ბელტები.

— ჩვენ მივდივართ, შანშია... — უთხრა რამდენიმე ხნის შენდევ ჯიბუტმა ლომინაძეს და მუშაობა მოუწონა.

— მეც მალე ჩამოვალ. — მიიძახა შანშიამ ისე, რომ კავისათვის ხელი არ გაუშვია. ისინი წავიდნენ. ლომინაძემ მარდად გადაჰკრა ცხენს მათრახი და პირველი ცხენოსანის სიმღერამ ერთხელ კიდევ გააღვიძა გარემო.



## „დაუბრძოლი ბასარიონი“

(ბ. გ. ბელინსკის დაბადების 125 წლისთავის გამო)

რუსეთის გენიალური კრიტიკოსი ბ. გ. ბელინსკი გამოვიდა სამწერლო ასპარეზზე იმ დროს (1834—1848 წ. წ.) როდესაც ნიკოლოზ პირველის სამხედრო-ფეოდალური მონარქიის საყრდენი—ბატონყმური მეურნეობა—რღვევას განიცდიდა და ბურჟუაზიის სახით ფეხს იდგამდა ახალი პოლიტიკური ძალა. მუშათა კლასი ამ დროს მხოლოდ როგორც ჩანასახი თუ არსებობდა.

ბელინსკის წინა ეპოქაში, მე-18 საუკუნის უკანასკნელ მეოთხედში, ადგილი ჰქონდა ბატონყმობის რევოლუციური გზით ლიკვიდაციის ცდას. ეს იყო პუგაჩოვის აჯანყება, გლეხური რევოლუციის მძლავრი, მაგრამ არა სასიკვდილო დარტყმა თვითმპყრობელობაზე. ვერ მოიტანა სასურველი შედეგი ვერც დეკაბრისტების ცდამ, რათა სამხედრო-რევოლუციური გადატრიალების გზით დაეყენებიათ რუსეთი სწრაფი კაპიტალისტური განვითარების გზაზე.

ამრიგად ეპოქის მთავარი სოციალური საკითხი—ბატონყმობის მოსპობა და ახალი საწარმოო ურთიერთობისათვის გზის გახსნა—გადაუჭრელი დარჩა. იმ დროის მოწინავე პოლიტიკური აზროვნების და მწერლობის წარმომადგენლებსაც სწორედ ეს საკითხი ჰყოფდა ორ ბანაკად: „სლავიანოფილებად“ და „ზაპადნიკებად“. პირველნი ადგენენ ბატონყმობის შენარჩუნების გზას და რუსეთისათვის სავალდებულოდ არ სთვლიდნენ კაპიტალისტური სტადიის გავლას. დასავლეთი ლაზობას განიცდის, რუსეთი მას ვერ გაჰყვებაო—იძახოდნენ ისინი. მეორეთა აზრით კი რუსეთი ვერ ასცდებოდა ევროპის (ე. ი. კაპიტალიზმის) გზას. ბელინსკი ზაპადნიკების მხურვალე შიმდევნი იყო. იგი სწერდა: „რუსეთის სამოქალაქო განვითარების შინაგანი პროცესი დაიწყება მხოლოდ იმ წუთიდან, რა წუთშიაც რუსეთის თავადაზნაურობა ბურჟუაზიად გადაიქცევაო“.

ბელინსკის იმედი ჰქონდა, რომ ბურჟუაზიასთან ერთად კულტურა და განათლებაც დამკვიდრდებოდა და ეს დააჩქარებდა თვითმპყრობელობის აღსასრულს. ამიტომაც, რომ მას რევოლუციურ განპიანათლებელთა რიგებს აკუთნებენ. ამ თვალსაზრისიდან გამომდინარე ბელინსკი თავის პირველ ლიტერატურულ ნაწარმოებში. ესაა სტატია „ლიტერატურული ოცნებები“, რომელიც ითვლება რუსეთის ახალი ლიტერატურული კრიტიკის დაწყების თარიღად. ბელინსკის წინადროის კრიტიკა (ნადეჟდინი, პოლევოი და სხვ.) სავსებით უარჰყოფდა რუსეთში მწერლობის არსებობას—ლომონოსოვიდან კარამზინამდე, —მაგრამ მათს უსაზღვრო უარისჰყოფას არ გააჩნდა სათანადო განმარტება—დასაბუთება.

თავის პირველ სტატიაში ბელინსკიც უარჰყოფს წინა ლიტერატურის არსებობას, ან უკეთ რომ ვსთქვათ, მისი არსებობის გამამართლებელ უფლებას. მაგრამ მისი უარყოფითი პოზიცია სხვაგვარია. ბელინსკის აზრით, მხოლოდ ოთხ მწერალს



ბ. გელინსკი

შეიძლება ეწოდოს რუსი მწერლის სახელი. ესენი არიან — დერჟავინი, პუშკინი კრილოვი და გრიბოედოვი. საერთოდ კი, ჯერ მწერლობა ჩვენ არ მოგვეპოება. ჩვენთვის ახლა საჭიროა არა ლიტერატურა, არამედ სწავლა, სწავლა და სწავლაო. ხსენებულ ოთხ მწერალს ბელინსკი სთვლის რუსეთის ორიგინალურ, თვითმყოფ, ნაციონალურ მწერლებად. ესენი არიან, მისი აზრით, ხალხურობის (народность) გამომხატველი მწერლები. პირველ ხანებში ბელინსკი გულისხმობს „ხალხურობას“, როგორც მწერლობის შინაარსის და ფორმის ნაციონალურ სპეციფიურობას და უარჰყოფს ლომონოსოვს და სხვა ძველ მწერლებს მათი ბრმა და უსახლვრო მიმბაძველობისათვის. ბელინსკი მთელი თავისი ძალღონით ებრძვის რომანტიზმს, განუყოფელად მწერლობაში და კრიტიკულ აზროვნებაში, როგორც რეაქციურ საწყისს და გზას უკაფავს რეალიზმს ან, როგორც მაშინ უწოდებდნენ „ნატურალურ“ მიმართულებას (უკანასკნელი პერიოდის პუშკინი, გოგოლი, ლერმონტოვი). მან პირველმა განსჭვრიტა გოგოლი — რეალისტის უდიდესი ძალა და უშიშრად და თამამად უწოდა მას „რუსეთის ლიტერატურის მეთაურის“ სახელი, მაშინ, როდესაც გაბატონებულ რეაქციურ კრიტიკას გოგოლის ნაწარმოებები „მასხრულ ფარსად“ და „მდაბიო, მურტალ“ მოვლენად მიაჩნდათ. ბელინსკიმ გოგოლის გენიალურ მხატვრობაში, მის სატირაში იგრძნო არსებული წესწყობილების ძლიერი უარჰყოფა და დასახა იგი, როგორც საყრდენი და აუცილებელი წინაპირობა რევოლუციური პრაქტიკისა ბატონყმური რუსეთის სინამდვილეში.

ამის შესატყვისად, ბელინსკიმ სულ სხვანაირად გაიგო და განმარტა „ხალხურობის“ შინაარსი. ხალხურობა ახლა მას ესმოდა უკვე როგორც რეალური სინამდვილის გამოსახვა, როგორც ერის უმრავლესობისათვის, ხალხისათვის სასარგებლო საწყისი.

მაგრამ ბელინსკი ერთი ხელის დაკვრით როდი მივიდა რეალისტურ მსოფლმხედველობამდე. იგი მთელი წლების განმავლობაში იბრძოდა იდეოლოგიური თვითგამორკვევისათვის, იბრძოდა იმისთვის, რომ დამოუკიდებელი და მტკიცე გამხდარიყო სწორ პოლიტიკურ-ფილოსოფიურ პოზიციების გამოქმენაში.

თავისი მსოფლმხედველობის გამორკვევის პროცესში ბელინსკი სასტიკად ესხმოდა თავს ყოველგვარი უნიადაგო ოცნების, „მანილოვშინის“ გამოვლინებას მწერლობაში. როდესაც ბელინსკის და პუშკინის ეპოქის თვალსაჩინო პოეტმა ბარატინსკიმ თავის „უკანასკნელ პოეტ“-ში მორთო ვაება, რომ ახალი ეპოქა მისი მრეწველობით და ანგარებით აფრთხობს და სპობს პოეზიასო:

Исчезнули при свете просвещения  
 Поэзии ребяческие сны,  
 И не о ней хлопочут поколения,  
 Промышленным заботам преданы,—

ბელინსკიმ ასეთი პათოსით უპასუხა მას: „არიან ადამიანები, რომლებიც სავესებით დარწმუნებული არიან მასში, რომ პოეზია არის ოცნება და არა სინამდვილე და რომ ჩვენს, დადებითსა და ინდრუსტრიალურ საუკუნეში პოეზია შეუძლებელია (ხაზი ბელინსკისაა.—ა. ა.). რა სანიმუშო უფიცობაა! რა პირველხარისხოვანი სისულელეა! რა არის ოცნება? აჩრდილი, ფორმა უშინაარსოდ,

უსაქმური აზროვნების და მოყირჭებული მგრძობიარობის ნაყოფი... რა უბადრუკი და დახავსებული აზრია, თითქო ჩვენი დადებითი და ინდუსტრიალური საუკუნე ხელოვნების მტერია. განა ჩვენ საუკუნეს არ ეკუთვნიან ბაირონი, ვალტერ სკოტი, კუპერი, თომას მური, უორდსვორტი, პუშკინი, გოგოლი, მიცკევიჩი, ჰაინე, ბერანჟე, ელენშლეგერი, ტეგენერი და სხვები? განა ჩვენს საუკუნეში არ მოქმედებდნენ შილერი და გოეტე?-ო.

ცნობილია, რომ ბელინსკამდე რუსეთში იყო კრიტიკა და კრიტიკოსები; მაგრამ არ ყოფილა ცდა მწერლობის განვითარების ეტაპების, მისი თანდათანობითი ზრდის, ე. ი. ლიტერატურის ისტორიის მოცემისა. ბელინსკიმ ბრწყინვალედ შეავსო ეს დანაკლისი. და თუმცა მას არ დაუსრულებია განზრახული დიდი ნაშრომი „რუსული ლიტერატურის თეორეტიული და კრიტიკული კურსი“, მაგრამ მთავარი მისი ნაწილები დასტოვა ცალკე სტატიების სახით. როგორც დიდ განმანათლებელს, მას ისტორიულად წილად ხვდა განემარტა და დაედგინა ისეთი ცნებები, თუ „რასა ჰქვიან ლექსთწყობა და როგორი უნდა იყოს იგი, რა არის ლიტერატურა, რა არის კრიტიკა, რა არის პოეზია, რა არის ჟურნალი... იმ დროის საზოგადოებისათვის სასარგებლო იყო, რომ ბელინსკიმ თავისი კრიტიკული მოღვაწეობა დაიწყო არა უშუალოდ ჩვენი სინამდვილის შუა-გულში შეჭრით, არამედ ასეთი საერთო ხასიათის მსჯელობით“-ო,—ამბობს ჩერნიშევსკი. ამგვარად, ბელინსკი ერთ და იმავე დროს ლიტერატურის ისტორიკოსი, კრიტიკოსი, ესთეტიკოსი (თანამედროვე ჩვენი ტერმინით რამ ვთქვათ, ლიტერატურისმცოდნე) და მებრძოლი პუბლიცისტიც იყო.

ბელინსკი გახდა დამოუკიდებელი მოაზროვნე მხოლოდ მას შემდეგ, რაც გაიარა წინააღმდეგობით და ჩავარდნებით, შეცდომებით და თვითმხილებით აღსავსე გზა. მის წინაშე წამოჭრილ სოციალ-პოლიტიკურ და ფილოსოფიურ პრობლემათა გადასაჭრელი გზების მიგნება და მათი გადაჭრა ჭეშმარიტად გამოითანჯა ამ დიდმა ადამიანმა. ბოლომდე გულწრფელი და შოუპოვარი, მოკრძალებული და იმავე დროს მტკიცე, ულმობელობამდე თანამიმდევარი დიალექტიკოსი და მოდავე, შეურიგებელი მებრძოლი თავის წმიდათა-წმიდა იდეალისათვის, იგი მუდამ აგზნებულ სახედ დგას ჩვენს წინაშე.

Диалектик обаятельный,  
Духом смел и сердцем чист,  
Помню я твой взор мечтательный  
Либерал-идеалист.—

ამბობს მასზე ნეკრასოვი. ბელინსკის სასიკვდილოდ სძულდა ლიბერალიზმი და ლიბერალები, იგი თავის მოღვაწეობის სულ მოკლე დროის განმავლობაში იყო იდეალიზმის ტყვეობაში. და ნეკრასოვის მისდამი მიმართვა: „ლიბერალიზმის იდეალისტა“-ო, უნდა ვავიგოთ, როგორც ეზოპის ენით, ქარაგმით ნათქვამი: „ლიბერალი“, ე. ი. რევოლუციონერი, „იდეალისტა“, ე. ი. უმწიკვლო, უანგარო.

მოვიგონოთ, რომ ბელინსკის უწოდებდნენ „ლიტერატურულ რობესპიერს“ და კანონიერ ლიტერატურულ ხელისუფალთა დამამხობელს. და როგორმა სინანულმა შეიპყრო, როგორი ტანჯვა გამოიარა ამ მოუსყიდველმა მებრძოლმა და

მოაზროვნემ, როდესაც შეიგნო, რომ ყალბად ჰქონდა გაგებული ჰეგელის ფილოსოფიის რაობა. ჰეგელის დებულება: „რაც გონიერია, ის ნამდვილია, და რაც ნამდვილია, ის გონიერია“-ო, ბელინსკი განმარტა, როგორც მიღება და შერიგება ყველაფერ არსებულთან. ამ აზრით გატაცებულმა მან დასწერა რამდენიმე სტატია: „ბოროდინოს წლისთავი“, „გოეტეს კრიტიკოსი მენცელი“ და სხვ., სადაც მივიდა ისეთ უკიდურეს დასკვნამდე, რომელთაც არ გულისხმობდა თვით ჰეგელი. ასე, მაგ. ჰეგელის სისტემის მართლმორწმუნე დამცველი და მიმდევარი ბელინსკი, როგორც „გონიერს“ აპართლებდა ბატონყმობის საზიზღარ ინსტიტუტს, ცარიზმის ბოროტებას და ა. შ.

როდესაც, მისივე სიტყვებით რომ ვსთქვათ, „ჰეგელიანურმა სიგიჟემ“ განვლო, ბელინსკიმ თითონვე განმარტა, რომ არა ყველაფერი ის, რაც არის სინამდვილეში, ნამდვილია, და რომ მხატვრისათვის უნდა არსებობდეს მხოლოდ გონიერი სინამდვილე.

ახლა მე ახალ უკიდურესობას განვიციდო—სწერს იგი ერთ თავის მეგობარს, მწერალს ბოტკინს—ეს არის სოციალიზმის იდეა, რომელიც ჩემთვის გადაიქცა იდეათა იდეად, მყოფობის მყოფობად, საკითხთა საკითხად, რწმენის და ცოდნის ალფა და ომეგაღ.... მე თანდათან უფრო მარატივებურად მიყვარს კაცობრიობა. და რომ მისი თუნდაც უმცირესი ნაწილი გახდეს ბედნიერა, ვგონებ, ცეცხლითა და მახვილით მზადა ვარ შევმუსრო დანარჩენი მისი ნაწილი... აღარ იქნება მდიდარი და ღარიბი, მეფე და ქვეშევრდომი, იქნებიან მხოლოდ ძმები, მხოლოდ ადამიანები... და ყოველივე ეს უნდა მოხდეს სოციალობის საშუალებით. ამიტომ არ არის რა იმაზე მაღალი და კეთილშობილი, რომ ხელი შეუწყო მის განვითარებას და წარმატებას. სოციალობა, სოციალობა—ან სიკვდილი.

ბელინსკი სამუდამოდ ღალატობს გერმანულ იდეალისტურ ფილოსოფიას და გადადის ფეიერბახის მატერიალისტური ფილოსოფიის მხურვალე მიმდევართა ბანაკში. ბევრს ეცადნენ იდეალისტურ-კონსერვატიული ლიბერალიზმის წარმომადგენლები (და მათ შორის რუსეთის უდიდესი მწერალი ი. ს. ტურგენევი) ბელინსკის „ღალატის“ მიჩქმალვას და მის გამოცხადებას „იდეალისტად ამ სიტყვის საუკეთესო მნიშვნელობით“. მაგრამ უკანასკნელი პერიოდის ბელინსკის მოწყვეტა რევოლუციურ, მატერიალისტური პოზიციებიდან შეუძლებელია. იგი ბოლომდე ერთგული დარჩა ფეიერბახის ფილოსოფიისა, რომელიც წარმოდგენდა რევოლუციურ-ბურჟუაზიულ დემოკრატიის იდეალს და რომელიც ისტორიულად დაკავწირებულია მარქსიზმთან.

ფეიერბახის ფილოსოფიას იზიარებდნენ, როგორც ბელინსკი, ისე მისი ისეთი იდეურ-პოლიტიკური მემკვიდრეები და განმგრძობები, როგორიც იყვნენ ჰერცენი, ჩერნიშევსკი, დობროლიუბოვი, გლუხური რევოლუციის შესანიშნავი იდეოლოგები.

„ეს ფილოსოფია შეითვისა რუსეთის რევოლუციურმა დემოკრატამ, გლუხური რევოლუციის იდეოლოგებმა ბატონყმური მეურნეობის ლიკვიდაციის პერიოდში. იგი ყველაზე უფრო უპასუხებდა მის კლასობრივ ამოცანებს და მის ძალთა ორგანიზაციის საქმეს“ (ვ. ლებედევი-პოლიანსკი).

იდეალისტური ფილოსოფიის პოზიციებზე ყოფნის დროს ბელინსკი ავითარებდა ესთეტიკურ, განყენებულ და სინამდვილესა და პრაქტიკას მოწყვეტილ კრიტიკას. მაგრამ მატერიალიზმის ათვისების შემდეგ იგი გაიმსჭვალა ცხოველი სინამდვილის ინტერესებით, რუსეთის „სახიზლარი სინამდვილის“ თავისსამტკრევე საკითხებით. იგი განუმარტავდა მკითხველებს პუშკინის, ლერმონტოვის, გრიბოედოვის, გოგოლის ნაწარმოებთა მნიშვნელობას ცხოვრებისათვის და მწერლობაში კი ეძებდა ცხოვრებასთან მიმყვან და მჭიდროდ დამაკავშირებელ ურთიერთობას და გეზს.

ხელოვნებას რომ საზოგადოებრივ ინტერესებისადმი სამსახურის უფლება ჩამოართვათ, ეს მის ამაღლებას კი არა, მის დამცირებას ნიშნავს, ეს ნიშნავს, რომ გამოაცალკოთ მას მისი მასულდგმულგებელი ძალა, გახადოთ იგი სიბარიტული დატკობის ერთგვარ საგნად, უქნარ ზარმაცთა სათამაშოდ, — ამბობს ბელინსკი.

„სინამდვილისაგან დამოუკიდებელი ხელოვნება“, „ხელოვნება ხელოვნებისათვის“, „წმინდა ხელოვნება“ — ბელინსკი მთელის თავისი ვნებით და შეუპოვრობით თავს ესხმის ამ რეაქციურ და თვალთმაქცურ „პრინციპს“. იგი ამჟღავნებს, რომ მათ უკან იმალება კლასობრივი, გაუმძღარი ეპიკურეიზმის და სხვისი ექსპლოატაციის ხარჯზე ცხოვრების გამართლება. ჩერნიშევსკის განმარტებით, ბელინსკის მოღვაწეობის რაობა შეიძლება გავიგოთ, როგორც მისი ეპოქის საუკეთესო მისწრაფება ჰუმანობისა და ადამიანთა ცხოვრების გაუმჯობესებისაკენ. ისე, როგორც დობროლიუბოვის ლოზუნგი, რომ „ყველა კარგად იყოს“ („всѣмъ хорошо и покойно“), ბელინსკის მისწრაფებების ნამდვილი სახელია სოციალიზმი, რომლის ხსენება ბეჭდვით სიტყვაში შეუძლებელი იყო.

თავის ნაწერებში ბელინსკიმ გადაათვასა რუსეთის მთელი წინა პერიოდის მწერლობა დაწყებული ლომონოსოვიდან, და გადაათვასა მეცნიერული ანალიზის საშუალებით. მისმა მუშაობამ გზა გაუკვალა გ. ვ. პლენანოვის ისეთ ნაშრომს, როგორიცაა „რუსეთის საზოგადოებრივი აზრის ისტორია“. ბელინსკის კრიტიკის უშუალო ზეგავლენით აღიზარდა რეალისტური მწერლობის ისეთი ბუმბერაზი ფუძემდებელი, როგორიცაა გოგოლი. ბელინსკიმ პირველმა შეამჩნია და აღტაცებით მიესალმა ტურგენევის, გონჩაროვის, დოსტოევსკის გამოჩენას რუსეთის მწერლობაში. ბელინსკიმ პირველმა კონკრეტულ-ისტორიულ პირობებთან დაკავშირებით განუმარტა მკითხველს შექსპირის, გოეტეს გენია. მან სთქვა, რომ ისინი არ ეკუთვნიან მარტო ხელოვნებას. „ახალი ხელოვნების ხასიათი მდგომარეობს მასში, რომ მთავარი მნიშვნელობა ეკუთვნება შინაარსს, შინაარსი გადასძლევს ფორმის მნიშვნელობას“ — ო.

ბელინსკი იცნობდა მთელს ევროპულ ლიტერატურას. მის სტატიებში შეხედვებით დასაბუთებულ მსჯელობას ბალზაკზე, ჟორჟ ზანდზე, ეჟენ სიუზე, იგი იცნობს გერმანელ რომანტიკოსებს, იგი უარჰყოფს დიუმა (მამის) უშინაარსო გამომგონებლობას და ფანტაზიას და მხურვალედ იღებს ჟორჟ ზანდის სოციალიზმს. ბელინსკი სწუხს რუსეთის ფერწერითი ხელოვნების უსულგულო, აკადემიურ არტახების ტყვეობაში ყოფნას და დიდის ენტუზიაზმით ათვალეირებს (საზღვარგარეთ ყოფნის დროს) იტალიური აღორძინების დიად მხატვართა —

რაფაელის და სხვ. შედეგებს და თავის წერილებში აცილებს მათ ყალბი რომანტიკის სამოსელს.

ბელინსკი ამხელს თავისი დროის თეატრის რეპერტუარის უბადრუკობას და მხურვალედ ეხმაურება შექსპირის დადგმებს რუსეთში და დიდი მსახიობის მოჩალოვის თამაშს „ჰამლეტში“-ში.

ბელინსკი დაუზოგველი იყო, როგორც დავისი, ისე სხვისი იდეურ-პოლიტიკური შეცდომების მხილებაში. თავის სათაყვანებელ გოგოლს იგი სწერს შესანიშნავ პირად წერილს (რადგან მისი დაბეჭდვა მაშინ შეუძლებელი იყო), რომელიც **გ. ი. ლენინის** თქმით, „აჯამებს ბელინსკის სამწერლო მოღვაწეობას და წარმოადგენს უცენზურო დემოკრატიული ბეჭდვითი სიტყვის ერთერთ საუკეთესო ნაწარმოებს, რომელმაც დღემდე შეინარჩუნა უდიდესი და ცხოველმყოფელი მნიშვნელობა“.

ბელინსკიმ შეაიარაღა თავისი თანამედროვე მწერლობა მისი ეპოქისათვის მოწინავე ფეიერბახიანული მატერიალისტური თეორიით, იგი წინ უძღოდა მწერლობას და თავისი დაუღალავი ბრძოლით მიაღწია მსოფლმხედველობის ისეთ სიმაღლეებს, რომელიც კი შესაძლებელი იყო მაშინ.

რაც უნდა მდიდრად გაიფურჩქნოს რუსეთის ლიტერატურა, ბელინსკი ყოველთვის დარჩება როგორც მისი სიამაყე, მისი დიდება, მისი შვეწეზაო — სთქვა დობროლიუბოვმა.

ჩვენი დიადი ქვეყნის თავისუფალი და ბედნიერი მშრომელი ხალხი, არ იეიწყებს რა ბელინსკის მარატისებურ სიყვარულს ხალხისადმი და მის უსაზღვრო სიძულვილს თვითმპყრობელობისა, ბატონყმობისა და ყოველგვარი ექსპლოატაციისადმი, თავისი გენიალური ბელადების **ლენინისა** და **სტალინის** დროშის ქვეშ, სოციალიზმისათვის ბრძოლაში. ითვისებს დაუდგრომელი ბესარიონის მდიდარ მემკვიდრეობას.

**ალი აკსანიოვილი**



# პრიტიკა

შალვა აფხაიძე

## ლიზარაჯუჩის ახალი კარები

II

პოეტურ შემოქმედებაში მაღალ იდეურ გამართულობას აუცილებლად თან უნდა ახლდეს შესრულების მაღალი ხარისხი.

პოეტ ღურუჯელს აკლია ლექსის კულტურა, შინაგანი თვალი, რაც მღელვარე ასოციაციებს უნდა იწვევდეს:

შეუძლებელია ასეთი თქმა:

ამღერდა გული ახალ მოტივით...

ან და ასეთი სტრიქონები:

ვდგავარ... სიმღერის ტალღა მაცვია—

მოჩანან მთებიც კვამლით ნაღრუბლი...

და შემდეგ, მოხდენილი მინდორი ფართე და წარმატაცია

როგორც ილიას გაშლილი შუბლი.

„კვამლით ნაღრუბლი“ მხოლოდ შუბლთან გარითმვის მიზნით არის მოტანილი, სხვა დანიშნულება მას ლექსში არა აქვს, და არც ვარგა.

ლექსში „ორდენოსანთა სამშობლოსათვის“, რომელიც სოციალისტური მშენებლობით გამოწვეული გზებით და აწეული ტონით არის შესრულებული, ასეთ სუსტ, მხატვრულ სიახლეს მოკლებულ სახეებთან ერთად ხშირად კარგი, მხატვრულად გამართული სტრიქონებიც არის. პოეტი, ასე ვთქვათ, ახერხებს ახალა ფერებისა და ტონების მონახვას. და ამით მეტ ექსპრესიას, გამართულებას აძლევს აფორიზმის პრეტენზიით ნათქვამს:

დარჩები მუდამ ცხოვრებაში ბრიყვი და კენტი,

თუ ვერ უმღერე მშრომელ მასას უკვდავი გრძნობით.

ერთგვარ ექვს იწვევს მკითხველში მისი ლექსის „მამაჩემს“ ერთი ადგილი. როგორც აღვნიშნე, ივ. ღურუჯელი ახალი ცხოვრების მომღერალია, მისი ალტაცებული მონაწილეა. მისი ლექსის იდეოლოგიური მხარე საკმაოდ ჯანსაღია, მისაღები და ამიტომ გაუგებარია ასეთი მიმართვა მამისადმი: ძველად გიყვარდა:

ქვევართან ჯდომა, თამაში ყანწის,  
ქამარ-ხანჯალი და შრიალი ჩოხა ქიშმირის...

და უეცრად ამ კულაკურ დროსტარების ფონზე:

უჟმურ ცხოვრებით თუმც მოხუცდი და მოიქანცე—  
მანც გახდი დღეს სტახანოვურ ეპოქის გმირი!

აქ გაოცებას იწვევს წარსული „უჟმური ცხოვრება“. რატომ ჰქონდა მას „უჟმური ცხოვრება“? აქი ქვევართან იჯდა ხოლმე, ყანწებს ათამაშებდა ხელში და არც ჩაცმა-დახურვა აკლდა? რალაც შეუსაბამობაა და იგი გამოწვეულია პოეტის დაუფიქრებლობით, მხოლოდ გართიმვის აკვიატებული უყინით და საოცარი ნაყოფიერებით: წარმოდგენილ ცხრა ლექსიდან ხუთი დაწერილია ასეთ თარიღებში: 10/IV, 20/IV, 28/IV, 2/V 5/V. სხვებს თარიღი არ აქვს.

აქედან რა დასკვნა გამომდინარეობს? აქედან ის დასკვნა გამომდინარეობს, რომ პოეტმა უნდა იმეცადინოს, შეისწავლოს ლექსის ტექნოლოგია, შეისწავლოს წარსული კლასიკური ლიტერატურა, მიმდინარეობანი, თორემ რა გამოვა? გამოვა „სიტყვიერი ქერტილი“, რომლის შესახებ ზემოთ ვილაპარაკე, ბანალური სახეები, წინასწარ გართიმულ სიტყვების მექანიკური შეკოწიწება. გამოვა ის, რომ ასეთი შეუსაბამობით დაამთავრებს ახალი სამშობლოსადმი მიმართულ, ალტაცებულ გულწრფელ ლექსს:

ღროა გაცოცხლდეს—ბარათაშვილი  
და მთელ მსოფლიოს ჰანგზე ამღერდეს!..

ამხანაგს, ალბათ, მხედველობაში ჰქონდა ბარათაშვილის ნიჭის ინტენსივობა, მისი გენიის სიძლიერე, რომ დღევანდელ ცხოვრების ასამღერებლად საჭიროა ბარათაშვილისებური მქალავრი გენიის გამოჩენა. სხვანიირი გაგებით ამ სტრიქონებს კურიოზული ხასიათი მიეცემათ. ბარათაშვილი უდიდესი პოეტია, მის შემოქმედებაში გამოხატულება ჰპოვა გარკვეულმა განწყობილებებმა. გარკვეული ეპოქის და მსოფლმხედველობის ძლიერმა ნაკადმა. ჩვენს ეპოქას კი დიამეტრულად საწინააღმდეგო მსოფლგზნება, სიცოცხლის გაგება ახასიათებს. ასეთი პარალელი საფრთხილია.

ჩამოთვლილ ნაკლოვანებათა ფესვების აღმოფხვრა აუცილებელია. „მწერალი ვალდებულია იცოდეს რაც შეიძლება მეტი“, —ამბობს გორკი ერთერთ თავის:

წერილში. იგი ვალდებულია იცოდეს გაცილებით მეტი, ვიდრე მისმა მასიურმა მკითხველმა, სხვაგვარად ზეგავლენას ვერ მოახდენს. ჩვენი ახალგაზრდა მწერლები ღრმად უნდა დაეუფლონ ლენინ-სტალინის პარტიის დიად იდეებს, ყოველმხრივ შეისწავლონ სოციალისტური სინამდვილე. მხოლოდ ამ შემთხვევაში გახდება შესაძლებელი საშინელ „ლიტერატურშიინის“ სენის დაძლევა, მხატვრულ შემოქმედებისათვის უბრალო, მარტივ, მაგრამ დიდი ემოციების შემცველი ფორმის გამოჩნება, ცოცხალი, მღელვარე ვენების დიდი მხატვრული ოსტატობით გადმოცემა და ისეთი განწყობილების შექმნა, რომელიც ააღელვებს მკითხველებს, ალაფროვანებს მათ დიდი საქმეებისათვის.

დიდ შემოქმედთა ხელნაწერების შესწავლამ ბოლო მოუღო მშვენიერ ზღაპარს რალაც წმინდა, ხალას ზეშთავონებაზე, რომლის მიხედვითაც თითქოს მწერალი სადღაც, ქვეცნობიერების არეში წამოშლილ მზამზარეულ სახეებს ლებულობდეს, ყოველგვარი ტექნიკური ხასიათის მუშაობის გაუწვევლად, ყოველგვარი ტექნოლოგიური პროცესების გარეშე. დიდ შემოქმედთა ხელნაწერების შესწავლამ აშკარა გახდა, თუ როგორ ებრძვის იგი სიტყვას, რა მწვავე და მტანჯველია ეს ბრძოლა სიტყვის საბოლოოდ დაუფლებისათვის წარმოებული. მხოლოდ ასეთი ბრძოლის შედეგად მიულწევიათ დიდ მწერლებს მხატვრულად სრულყოფილ ნაწარმოებთა შექმნისათვის. ასე ებრძოდა სიტყვას პუშკინის გენია, ასე იბყრობდა მას ტოლსტოი, ჩვენი ილია და სხვა დიდი მწერლები. ცნობილია თუ რა საოცარი გულისყურით, სიყვარულით, სათუთად ებყრობოდა ილია საგაზეთო პუბლიცისტურ წერილებსაც კი, რომ არაფერი ვთქვათ მის პოეტურ პროდუქცი-აზე.

ლირიკული ცეცხლით არის გამთბარი გ. ო. გ. ი. კ. ა. ლ. ა. ნ. დ. ა. ძ. ის ლექსი „გაზაფხული და სურვილი“. აღსანიშნავია, რომ ეს ვიწრო პირადული განცდები მის ლექსში არ არის გამოთიშული საერთოს, ქვეყნის ცხოვრებას. მათ შორის სრული ჰარმონიაა დამყარებული.

მოდ, მე ხომ არ გაგაგულისე,  
იის თვლები ანთე ჩქარა!  
ბედი სამშობლოს გაზაფხულისა  
ჩვენი ბედი, მერწმუნე, მარად.

სამწუხაროდ არც კალანდაძეა დაზღვეული ბუნდოვან, დაბნელებულ სახეებისაგან, სიტყვათა ხერგისგან.

მთებიდან თოვლის ათინათები  
თასებს ესვრიან წითელ განთიადს.

ან-და

ზეცას სიწითლე შეეპარება,  
ჩამოხვეს სხივი ლაინის ფარდებს,  
აღმოსავლეთის აელვარება  
მძივებს გაუყრის ღრუბლების ვარდებს.

სუსტი სტრიქონებია ემოციური ზეგავლენის თვალსაზრისით და მათ განვილილ რკალდასრულებულ ლიტერატურული სკოლის ზედმეტი გავლენა ეტყობა. თუმცა უნდა ითქვას ისიც, რომ ამხანაგს პეიზაჟის გადმოცემა ეხერხება, და იგი მოცემულია არა თავისთავად, არამედ გაშუქალებით, პოეტის შთაგონების პრიზმაში გატარებით.

საკუთარი ხმის ძიება, საკუთარი მუსიკალური ფრაზისა და წერის მანერის გამომუშავების ცდა ეტყობა უთუოდ საინტერესო, ძარღვიანი სიტყვის ავტორს ამხანაგ შალვა ამისულაშვილს. იგი ცდილობს საკუთარი ფერისა და ტონის გამოძებნას. მუშაობს ფორმალური ხერხების გამომუშავებაზე და ზოგჯერ მიზანსაც აღწევს. მისი ლექსი დინამურია, კომპოზიციონურად შეკრული და გამართული. ასეთია ლექსი „ფიქრები ლაქვარდში“, შინაარსობრივად ჩვენი დიდი სინამდვილიდან გამომდინარე, ხმა აწეული. სიმღერა ახალგაზრდობასა და გმირობის ეპოქაზე.

მსურს ავხმიანდე  
სამაისო წვიმის შხაპუნით—  
და შესადაო გიმღერო ქება.  
არ დავღუმიღები,  
როგორც ქვევრი ამოხაპული,  
ბეჭის ფრთებიდან გრივალი დგება!

ან-და

გაზაფხულია,  
დასარტყლულა მწვანე ფარჩებით:  
ზვრები, მინდვრები,  
სერების გროვა...  
მთაში ჩახჩახებს  
უმრავი ლურჯი ჩანჩქერი:  
—სიყვარულის და გმირობის დროა.

გამძლე ოპტიმიზმით სუნთქავს მეორე მისი ლექსიც, ასევე მხატვრული მსახეებით საკმაოდ მდიდარი, მთლიანი.

მაგრამ იცოდე, არ ვიგლოვებ გარბენილ ჟამზე,  
რადგან ყოველი ახალი დღე სიხარულს ნიშნავს,  
რადგან სამშობლოს მოყრიალე რკინის ავჯანდებს  
ვერ შეაჩერებს ამდგარი ქვიშაც.

მის ლექსს ახასიათებს დიდი რწმენა ჩვენი დღევანდლობისა, ჩვენი მშენებლობისა, ახალი ცხოვრების სმიტიციისა, რწმენა, რომ „ველარ მოვა ზამთარი“. ეს რწმენა ახალგაზრდული გულწრფელობის იერს ამჟღავნებს და სწორედ ამიტომ არის მისი გაზაფხულის პოეზია მართალი და მისაღები. შემდეგი ბეჯითი

მუშაობით ამხ: ამისულაშვილი მოწინავე ახალგაზრდა მწერლებს შორის შეიძლება ჩადგეს.

საინტერესო ახალგაზრდა დამწყებთა რიცხვს მინდა მივაკუთვნო აგრეთვე ამხანაგი ვლადიმერ უბილავა. მისი ლექსები თემატურად საკმაოდ მრავალფეროვანია. გამოსარჩევია ლექსი „ბალადა დაკარგულ ჯარისკაცზე“. იმპერიალისტური ომი ჩვენს პოეზიაში ნაკლებად არის ასახული. ამ ომის სოციალური გენეზისის გამონახვა და დაპირისპირება დღევანდელობასთან—პოეტის საინტერესო მოფიქრებად უნდა ჩაითვალოს. ლექსში არის მოხდენილი პოეტური სახეებიც:

ენგურს მოჰყვება კალმახებივით  
ტანგაშოლტილი ფიჭვის მორები.

სუსტია მისი ლექსი „განწირული ხომალდი“. იგი ცარიელი რიტორიკაა, მოკლებული პოეტურ სახეებს. შედარებით კარგი და ხორციანია მესამე ლექსი „გზა“, რომელიც ცდილობს ერთპიროვნულ, წვრილ მესაკუთრე გლეხის ფსიქოლოგიურ განცდის, მერყეობის გადმოცემას კოლექტივიზაციის ჩატარების პირველ დღეებში. ლირიკულია მეოთხე ლექსი „აფხაზი ქალი“, თუმცა მასში მდიდრადაა წარმოდგენილი ისეთი ეპიტეტები, რომელთა შესახებ ზემოთ ვილაპარაკე, როგორც, მაგალითად „ცხელი ზაფხული“, „მძიმე ხუნდები“, „ქალი მწყაზარი“ და სხვ. გაუგებარია რას ნიშნავს „შორს მზე ბრწყინავდა ოქროს ღიღივით. მზე და ღიღი? შემდეგ—

მატარებელი კვეცდა რკინისგზას,  
რომ მყის დაეპყრო უხვი ბუნება,  
მთებიდან ნახტომს ჰგავდა ირმისას  
ხვეისკენ მისი გაშურდულება.

საოცარი ასოციაციური პარალელიზმია, ესთეტიურად ლარიზმი, და, თუ გნებავთ, სამორჩენილობის გამომხატველი. მატარებლის ქროლვის ირმის ნახტომთან შედარება—ყალბია, წარმოუდგენელი.

კარგია ამირან გაბესკირიას ლექსი „მთესველები“.

ამლერდნენ: თესლი ვარჩიოთ,  
მზეზე ვაკაჟებთ ქარ-მუხლებს.  
დილის ცა ჰგავს სათარჩიოდ  
შესაკერ საახალუხეს.

ქარ-მუხლები სუსტია, რასაც მომდევნო სახე სავსებით ანელებს. პოეტს, ეტყობა, აქვს ლექსის კულტურა და პეიჟაჟის სოციალური შინაარსით ამეტყველების უნარი. უახლოვდება ფოლკლორულ სახეებით მეტყველებას.

მიხეილ ფოფხაძეს დამწყებთა პოეტების რიცხვს ვერ მივაკუთვნებთ, რამდენად იგი უკვე იბეჭდება ჩვენს ჟურნალებში; ამიტომ მის პოეტურ პროდუქციაზე აქ დაწვრილებით აღარ შევჩერდები, მით უმეტესად, რომ შემთხვევამქონდა ერთ-ერთ საბიბლიოგრაფიო წერილში გაკვრით შემეფასებია მისი პოეტური ხმა ერთი ლექსის მიხედვით, რომელიც ჟურნალ „მნათობში“ იყო დაბეჭდილი.

მხოლოდ ორიოდ სიტყვით მინდა შევეხო ერთს შეუსაბამობას მის პოეზიაში. ეს არის ნაკლები ზრუნვა მასალის დამუშავებაზე, მოწოლილ გრძნობების ნედლი სახით წარმოდგენა. მაგალითისათვის მოვიყვან ერთ მის ლექსს: „წვიმების შემდეგ“. საერთოდ უნდა აღინიშნოს, რომ დამწყებ მწერლებს ლექსში მეტად გაზვიადდა ამ ზამბახების, ალენდრების, ვარდების, იასამანების და სხვა სათუთ ყვავილთა არომატის შემოტანა. ეს კანონზომიერი და დასაშვებია, მაგრამ შესაფერ პოეტურ კონტექსტში მოცემით. თორემ მეტისმეტი გაუბრალოება, წარსული ტრადიციებისკენ დიდი ნახტომის გაკეთება გამოგვივა. ეს ახალგაზრდობის, ასე ვთქვათ, ხარკია და განვითარების პრიცესში დაძლეული იქნება. მაგრამ მე მსხვა გარემოება მაქვს მხედველობაში. და აი რა:

წვიმების შემდეგ უგრძნია ყველას  
ხსხასა მოლი, ჰაერი ბროლის,  
თქვენც იწმინდებით, მოჰყვებით ხველას  
და ჩაიძლევეთ ტკბილი პაროლით!

ესთეტიური შეუსაბამობაა. „თქვენც იწმინდებით, მოჰყვებით ხველას“. ეს „ხველა“ რითმისათვის უთუოდ „ყველამ“ გამოიყვანა ასპარეზზე. ლარიბი, უმწეო რითმაა და მისი გულისათვის ესთეტიური კანონზომიერების დარღვევა არავითარ შემთხვევაში არ ღირს. „ტკბილი პაროლით ჩამღერება“ ხომ ბანალობაა. შემდეგ —

თქვენი ტუჩები გრძნობენ შეხებას  
და გიშრის ფერი იშლება ვარდი,  
თითქოს დახშული კარი გელება  
და გაგიყვებით გინდა ნავარდი.

„ნავარდი—ვარდი“ მეტად გაცვეთილი რითმაა. მაგრამ მთავარია სტრიქონი: „და გიშრის ფერი იშლება ვარდი“. გიშერი, როგორც ცნობილია, მეტად შავი ფერისაა. შავი ფერი სინონიმია მწუხარების, ღრმა სევდის, სულიერი ტკივილის. ვარდი — ხალისის, გაზაფხულის, სიცოცხლის სინონიმია. დასაშვებია ასეთი შეუსაბამო მეტაფორის ხმარება, როგორცაა შავი ვარდი? საიდან გაჩნდა საბჭოთა მწერლის შემოქმედებაში ეს ბოდლერიზმი? ავადმყოფური განწყობილების და დაცემულობის ნიშანია იგი. აშკარაა, პოეტი შორსაა ასეთი განწყობილებიდან და თუ მაინც მისდა უნებურად მჟღავნდება იგი ლექსში, ამის მიზეზია, უნდა ვიფიქროთ, მეტაფორის ხმარებას არა საკმაოდ ცოდნა. ამაზე შევჩერდი იმიტომ, რომ ფოფხაძე იმედიანი პოეტია და ასეთი შეუსაბამობის აცილება მის შემოქმედებას მეტ ეფექტს მისცემს, გაამაგრებს. ამგვარი ცოდვა თითქმის ყველა დამწყებ პოეტს ახასიათებს და საჭიროა მათი ყურადღების გამახვილება ამ დიდი ნაკლოვანების გარშემო.

ფორმალური ხერხის ათვისების მხრივ საინტერესოთა რიცხვს ეკუთვნის ამხანაგი ანდრო ჟვანია. მას უკვე ეტყობა ლექსზე მუშაობა, ლექსის ტექნიკის დაძლევა და საყურადღებო ფრაგმენტებსაც იძლევა. მაგრამ მხატვრულ მთლიან-

ნობას ხელს უშლის იდეური სისუსტე, განყენებულ, ნეიტრალურ პოზიციებზე დგომა და ხანდახან ლექსში სრულიად უზიარო, მოულოდნელად ღარიბი სიტყვის შემოვარდნა. მთავარი და დიდი ნაკლი მისი პოეზიისა არის უიდეურობა და ზოგად ფილოსოფიურ ცნებათა მხატვრულად გამოთქმის პრეტენზიები. წარმოდგენილ ლექსებში შინაარსობრივად გამოსარჩევია „სტალინი“.

დიდი ადამიანისადმი, მთელი მსოფლიოს მშრომელთა ბელადისადმი,—სტალინისადმი მიძღვნილ ლექსში ცნებათა მეტი სიზუსტის დაცვა აუცილებელია. სხვა მისი ლექსები სავსებით გამოთიშულნი არიან დღევანდელიდან, ჩვენი დიდი სინამდვილიდან და ამიტომ სუსტნი, შინაარსობრივად მიუღებელნი, ვინაიდან დროისა და სივრცის გარეშე დგანან. საინტერესოა მისი ლექსი „აფხაზური ცეკვა“. მაგრამ შეუსაბამობას აქაც აქვს ადგილი:

გამოფრინდები თეთრი მერცხალი  
ფრთებად აუსობ მიწაზე მუხლებს.

ყურს სჭრის, ეხამუშება ეს სიტყვა „აუსობ“. დისჰარმონიულია, არამუსიკალური. მე შორსა ვარ იმ აზრისაგან, რომ მწერალმა რაფინირებული, რალაც სალონური სიტყვიერი მასალა უნდა იხმაროს. ყოველ სიტყვას უფლება აქვს შევიდეს ლექსში, მხოლოდ როგორც პოეტური სიტყვა და არა ცარიელი ნიშანი მოვლენისა. საერთოდ უნდა აღინიშნოს, რომ დამწყები მწერლების უმრავლესობა ლექსის მუსიკალობას, მელოდიკას ნაკლებ ყურადღებას აქცევს.

ლექსის დაბოლოება: „ხარ ერთი წამით დამდგარი ქარი“ კარგია, მაგრამ ნასესხები სახეა, თუ არ ვცდები პავლე იაშვილის ლექსიდან.

იდეური სიმბავილე, შინაარსის აქცენტაცია პოეტ ევანიასთვის აუცილებელია. უამისოდ იგი ვერავითარ შემთხვევაში ვერ ჩადგება საბჭოთა პოეტებს შორის.

ცალკეა აღსანიშნავი ამხანაგი ქოიავა. იგი თითქმის ერთადერთია წარმოდგენილ ავტორებს შორის, რომელიც თემატიურ მასალად იღებს ქალაქის, ფაბრიკა-ქარხნის, ინდუსტრიალური მუშის ცხოვრებას, მის ყოველდღიურ ბრძოლას საუკეთესო საწარმოო მაჩვენებლებისათვის. მის ლექსებში ამღერებულია თავისუფალი შრომა, ახალი სოციალისტური ცხოვრება. ეს ლექსები ცოცხალი საილუსტრაციო მაგალითია იმისა, თუ საბჭოთა სისტემა ადამიანს, შრომის ზეგავლენით, როგორ ამალღებს და ახალ ცხოვრების შემოქმედთა რიგებში აყენებს.

მე ხომ ქუჩის ბავშვი ვიყავ წინათ!  
მას ვინ მოსთვლის, თუ ვის კარზე ვგვდე...  
ნავთსადგური ხშირად მქონდა ბინად,  
ვმათხოვრობდი და ვცხოვრობდი ეგრე.

დღეს კი იგი სიცხოველით განიცდის იმ მჭიდრო და ნაყოფიერ კავშირს, რომელიც მასსა და მილიონებს შორის არსებობს სოციალიზმისთვის ბრძოლის ფრონტზე, ამიტომ ღრმად იმედინია, და ჩვენი ცხოვრების მშვენიერების სრული შეგნებით ამაყი, ასეთი სენტენციური ხასიათის დასკვნას აკეთებს:

სჯობს მკვდარი იყო, თუ კი დღეს ხარ სიმწუხარეში.  
გულს რა დაჩაგრავს, როს ხარობენ მილიონები.

ეს ასე ვთქვათ ცნობილი მხატვრული სიტყვის პერეფრაზირებაა, მაგრამ მაინც დამახასიათებელი.

ამხ. ქოიავას ლექსები შესრულების მხრივ მეტად პრიმიტიული და სუსტია. ღარიბია სიტყვის კულტურა და ლექსის კონსტრუქცია.

იმის საილუსტრაციოდ, თუ როგორ აუბრალოებენ, აიოლებენ ხშირად მეტად მნიშვნელოვან საკითხებს, მე შევეჩერდები ახალგაზრდა ანო შიუკა-შვილის ერთერთ ლექსზე, „ალაზანი“. უკანასკნელზე ვჩერდები იმიტომ, რომ მისი ნაკლოვანებანი დამახასიათებელია ბევრ სხვებისთვისაც. ავიღოთ ასეთი სტრიქონი „ღამეა მკრთალი, მხატვრის ფერად ყალმით ნაწერი“. ეს ფერად რას ეკუთვნის აქ? შეიძლება გავიგოთ ასე: მხატვრის ფერად—ეს უაზრობაა. ან ასე: ფერად ყალმით. ავტორს ეს აქვს აზრად. მაშინ სჯობია—ოქრადი ყალმით. კითხვისას კი ცეზურის გავლენით სიტყვა: ფერად მხატვრის ცნებას უერთდება. ამრიგად ცეზურის როლის დაუფასებლობა იწვევს აზრის ბუნდოვანებას. მეორე—თანახმიური ბგერების შეხვედრით, რითმით გამოწვეული მელოდიკის შეუცნობლობა, საერთოდ სრული ანარქია რითმების ხმარების მხრივ. ლექსს მუსიკალობას აძლევს არა მხოლოდ მარცვლების სიმეტრიული თანმიმყოლობა, არამედ რითმებით გამოწვეული ბგერების იდენტურობა. მრავალს ახასიათებს რითმების საოცარი სიღარიბე. „ნაწერი“—„ზეწარი“. „ველებს“—„ფერებს“ და მრავალი სხვა ამისთანანი არც რითმებს, არც ასონანსებს და არც დისონანსების რიგს არ ეკუთვნიან. შემდეგ გართიმულ სტრიქონების თანმიმდევრობის, დასრულებული სტროფის შექმნის უცოდინარობა. არსებობს შეუღლებული, ჯვარედინი და სხვა რითმები. მოყვანილ ლექსში, ისე როგორც მრავალ სხვა ლექსში (განხილულთაგან), არავითარი კანონი არ არის დაცული. ახალგაზრდები ნაკლებად იცნობენ ლექსის ფონეტიკას და სხვა მის აგებასთან დაკავშირებულ საკითხებს. ლექსი მუსიკის საზღვართან დგას, იგი მთელი სიმფონიაა ბგერებისა და შინაგანი მუსიკალური ფრაზის, რომ იგი საშუალებაა იდეების სახეებითა და მუსიკალური ბგერებით მოცემისა.

გრძნობიერი გულწრფელობით არის დაწერილი მარიკა მიქელაძის ლექსი „ვლადიმერ მაიაკოვსკის“.

სუსტია სტროფი:

ხენი ღამეში მთლად ჩაძირულან,  
მუქი ღამეა საქართველოსი.  
რატომ დაეცი თავგანწირულად  
ახარხარებულ მტრების ლელოზე.

არ არის სწორი, თითქოს მაიაკოვსკი დაეცა „ახარხარებულ მტრების ლელოზე“. ამხანაგის მიზანი აქ გარკვეულია, მაგრამ სიზუსტე არ არის დაცული, „მტრების ლელოზე“ პოეტი არას დროს არ მდგარა. იგი მუდამ საბჭოთა რევოლუციის ლელოზე იდგა, მაგრამ ჩაიღინა დიდი ცხოვრებრივი შეცდომა.



დასასრულ, მე მინდა შევჩერდე უთუოდ საინტერესო დამწყებ პოეტ ნინო  
ქობულაშვილზე. მისი ლექსები—განწყობილებით, დინამიურობით, სახეების  
თანდათან განვითარებით, თქმის მანერით, რაც მათ გშორულ, ერთგვარ ეპიურ  
იერს აძლევს, ახალი სახის ეპიკურიზმის შინაარსს აძლევს, შინაგანი სითბოთი  
შართლაც კეთილხარისხოვან პროდუქციას უნდა მიეკუთვნოს. შინაარსობრივად  
იგინი ჩვენი სინამდვილის ბრწყინვალეებიდან გამოდინ და, რაც მთავარია, ეს  
სინამდვილე მოცემულია საკმაო უშუალოებით. ლექსებში ისმის ჩვენი ცხოვრების  
დიდი მშენებლობის ხალისის ძალა. ლექსები უმთავრესად დღევანდელი სოფლის  
თემატიკით არის გამთბარი. ავტორი დახარბებით არის დაწაფული დღე-  
ვანდლობას და მისი გულთ მღერის.

სოფლის დაქლაქა ქალებს  
თავზე გვირგვინი ადგათ,  
სიცოცხლე ფერავს თვალებს,  
ზაფხული დადგა რადგან.

ეს მაგარხერხემლიან, მიწაში ღრმად ფესვებგადგმულ სახეების შთაბეჭ-  
დილებას სტოვებს. ან-და:

გინდა იქვის მსხვერპლი  
მეც გამხადო, არა?  
ცას ღრუბლები მოსტაცო და წამოხვიდე ქარად,  
რომ წამილო ფოთოლივით ქარის ანაბარად,  
რათა? განა ზაფხულის შუქს  
ვერა ხედავ ჩვენში,  
რომ ღრუბლები წამოგისხამს ამინდიან დღეში  
და ქუხილით გინდა მოსპო მოვარდნილი თქეში.

თითქოს მითიური სახეებით აზროვნებს ავტორი. და შემდეგ სხვა ლექსიდან:

შუაგულ ეზოს მუხის ტოტების  
ჩრდილი მანდილად შემოხვევია,  
წყლებს აღარ ყოფნით კალაპოტები,  
სადაც რომ ვიწრო და ღრმა ხევია.  
ზაფხული დადგა და ეს სიცოცხლე  
ფართეა, როგორც უსაზღვრო ველი,  
მზე ხანძარია, გული საცეცხლე,  
ჩვენი ცხოვრება მდიდარი რთველი.

და შემდეგ:


ჩვენ ისტორია ვარდის ფურცლებით  
მოვქარგეთ, როგორც პოეტის ხსოვნა.

აღსანიშნავია სხვა მისი ლექსებიც.

ამ ლექსის ავტორი, უთუოდ საინტერესო მოვლენად უნდა ჩაითვალოს ახალგაზრდა ლიტერატურულ კადრებს შორის. და მით უმეტესად უნდა მოეთხოვოს მას თავის თავზე, ლექსის ფორმაზე მუშაობა, რადგანაც ერთგვარი პრიმიტივიზმი ფორმალური შესრულების მხრივ მის ლექსებსაც ახასიათებს. ამ ლექსებს შესაფერი სამკაული კი განსაკუთრებით დაშვენდება და მეტ იდეურ სიმტკიცესაც მისცემს. მაგალითად, სუსტ მხარედ უნდა ჩათვალოს პოეტის ასეთი გაცვეთილი რითმები: ქალებს — თვალებს, ქალი — თვალი, სახე — ნახე და სხვა. ლექსის ფორმაზე მუშაობა ავტორის შემოქმედებას მტკიცე გასაქანს იწვევს. ლექსის მელოდიკა, ორკესტროვკა არ უნდა წარმოადგენდეს თვითმიზნურ გატაცებას, არამედ უნდა ემსახურებოდეს შინაარსის ადეკვატურ ფორმაში მოცემას. უნდა ითქვას, რომ ნინო ქობულაშვილი იმედინად გამოიჩინევა დამწყებთა შორის და მას სათანადო ყურადღება უნდა მიექცეს.

თქმულიდან შეიძლება ასეთი ზოგადი დასკვნის გამოტანა დანარჩენ დამწყებ კადრების შესახებაც, რომელთა პროდუქცია აქ ჩემ მიერ განხილული არ ყოფილა. მათ ნაწარმოებებს, გამონაკლისების გარდა, ახასიათებს: შინაარსობრივი ხერხემლიანობა, პოლიტიკური სიმკვეთრე, ღრმა ოპტიმიზმი, მხიარული, სინამდვილესთან შეფარდებული, ფერები და ტონი, ახალი სიტყვიერი მასალის ფართოდ გამოყენება და თანდათანობითი დაძლევა ძველი ლიტერატურული სკოლების, უმთავრესად სიმბოლიზმის, გავლენებისა და, დასასრულ, ლექსში მეტი კონკრეტობისა და სინათლის შეტანა. ეს, ასე ვთქვათ, ამ პროდუქციის აქტივია. მაგრამ არის მეორე მხარე, რომელიც მთელ ამ პროდუქციას ჩრდილს აყენებს, ემოციურ ზეგავლენას მეტად ასუსტებს. ეს არის ფორმალური მხარის უგულვებელყოფა, ცოცხალი სიტყვის ნაცვლად ხშირად ბანალური სიტყვების კორიანტელის დაყენება, უცოდინარობა ლექსის ტექნოლოგიისა, ერთი სიტყვით ფორმის პრიმიტივიზმი. აღნიშნული ნაკლოვანებანი დასაძლევეთა კატეგორიას ეკუთვნის, ვინაიდან დამწყებთა შორის, როგორც აღნიშნეთ, არიან უდაო პოეტური გზნებით დაჯილდოვებულნი, მხოლოდ ამისათვის საჭირო და აუცილებელია დიდი სტალინის მოწოდების სრული რეალიზაცია — თავისთავზე სწავლისა და შეუწყვეტელი მეცადინეობის შესახებ.

ამისათვის საჭიროა დამწყებ კადრების გარშემო სრული ამხანაგური ატმოსფეროს შექმნა და დახმარება. საჭიროა თვით ამ კადრებს შორის საღი თვითკრიტიკის აუცილებლობის გრძნობის გაშლა, ერთგვარი თვითკმაყოფილების, ყოყოჩობის აღმოფხვრა; საჭიროა, დასასრულ, მათთან არა ქედმაღლური, ნიღბისტური მისვლა, ლიტერატურული სნობიზმის გამოჩენა, ირონიული ღიმილი, რაც საწუხაროდ ჩვენ გვჩვევია ზოლმე, არამედ გულწრფელი რწმენა და სიყვარული მომავალი ლიტერატურული თაობისა.



### ახალგაზრდა მწერლების თათბირი

27 სექტემბერს მწერალთა სასახლეში შესდგა ახალგაზრდა მწერლების თათბირი, რომელზედაც განხილულ იქნა ჟურნალ „ჩვენი თაობის“ რედაქციისა და საერთოდ მწერალთა კავშირის მუშაობა ახალგაზრდა კადრებს შორის.

მონსენებრიდან გამოიკვია, რომ ახალგაზრდა მწერლებში მუშაობა მწერალთა კავშირს დაუნაწილებია სექციებს შორის. პოეტების სექციის თავჯდომარემ ამხ. პავლე იაშვილმა გააცნო დამსწრეებს სექციის გეგმა კადრებთან მუშაობის შესახებ. ყოველდღიური კონსულტაცია, შემოქმედებითი სადამოები, ინდივიდუალური რჩევა-დარიგება, მასალის შერჩევა ჟურნალ-გაზეთებისათვის — აი ახალგაზრდა მწერლებთან სექციის მუშაობის ფარგლები. პოეტების სექციამ უკვე დაიწყო მუშაობა ამ ხაზით.

„ლიტ. საქ.“-ს რედაქციის გეგმის შესახებ ინფორმაცია გააკეთა ამხ. ნიკოლოზ ჩაჩავამ. რედაქციას განზრახული აქვს ორ თვეში ერთხელ ახალგაზრდა მწერლებს დაუთმოს თითო გვერდი, გარდა მხატვრული ნაწერებისა გაზეთში მოთავსებული იქნება ბიბლიოგრაფია „ჩვენი თაობის“ ყოველ ნომერზე. გაზეთი ორ თვეში ერთხელ მოთავსებს მიმოხილვას სექციებში შემოსულ ახალგაზრდა მწერლების დაუბეჭდავ მასალებზეც. მზადდება კრებული, რომელშიაც მოთავსებული იქნება ახალგაზრდა მწერლების საუკეთესო ნაწერები. კრებული იქნება 15 ფორმიანი. გამოსაცემად „ფედერაცია“-ს გადაეცემა.

დრამატურგთა სექციას განზრახული აქვს ჩამოაყალიბოს ახალგაზრდა დრამატურგების შემოქმედებითი წრე. წრეში დრამატურგიის საკითხების გარშემო ჩატარებულ მონსენებებს გარდა, გამოცდილებათა გაზიარების მიზნით, მოეწყობა წრის წევრთა შეხვედრა ცნობილ დრამატურგებთან (ს. მთვარაძის ინფორმაცია).

ჟურნალ „ჩვენი თაობის“ მუშაობის გარდაქმნის შესახებ ილაპარაკეს ამხ. დ. დემეტრაძემ და ალ. აბაშელმა.

მონსენებების გარშემო გამართულ კამათში მონაწილეობა მიიღეს მ. ფოფხაძემ, ი. ჩხაიძემ, ვ. ჩხენკელმა, შ. ამისულაშვილმა, ჯვარშიევილმა, ქობულაშვილმა, ალაზნისპირელმა, ლომიძემ და ქოიავამ, რომელთაც ერთხმად აღნიშნეს ახალგაზრდა კადრებს შორის დღემდე წარმოებულ მუშაობის სისუსტე და კმაყოფილება გამოსთქვეს სექციებისა და პერიოდულ გამოცემათა რედაქციების მიერ დასახულ ღონისძიებათა გამო.

ბოლოს მწერალთა კავშირის პ/მ მდივანმა ამხ. დ. დემეტრაძემ აღნიშნა, რომ ზოგიერთ ახალგაზრდა მწერლის შემოქმედებაში ადგილი აქვს ნეიტრალურ თემებს, ტენდენციას უიდეო განწყობულ ლექსებისადმი ძოუწოდა ამხანაგებს მეტ იდეურობისაკენ, კონკრეტობი საკენ.

რედაქტორი—ლავით ლემეტრაძე.  
მდივანი—ალ. აბაშელი.